



Д. И. КОРЕПАНОВ

**УДМУРТ  
ЛИТЕРАТУРА**  
СРЕДНЕЙ ШКОЛЫ УЧЕБНИК

УДГИЗ ★ 1935 ★ ИЖЕВСК

20







Удмур.  
3-774

Д. И. КОРЕПАНОВ

# УДМУРТ ЛИТЕРАТУРА

СРЕДНЕЙ ШКОЛЛЫ УЧЕБНИК

5-тй КЛАССЭЗЛЫ

*Ватсаса 2-тй издание*

*УАССР-ысь Наркомпросэн  
юнматэмын*

ГЛ.Б

5  
91

УДГИЗ ★ 1935 ★ ИЖЕВСК

## ЫРЫЯН

<i>Бам.</i>		<i>Бам.</i>	
Советской писательёс . . . . .	3	<i>Я. Софронов</i> . . . . .	52
<i>Мапоров Д. А.</i> . . . . .	4	Ю бусын . . . . .	—
Горд салдат . . . . .	5	<i>Ф. Александров</i> . . . . .	53
Мумылы . . . . .	6	Аран дыр . . . . .	—
Емышо сад . . . . .	—	Вынылэн гожтэтэз . . . . .	—
Майоровлэн кылбур'ёсыз . . . . .	7	<i>И. Александров</i> . . . . .	54
Кыче произведениос ырысь по- тчлэмын . . . . .	8	Эй, мертчы,тйр! . . . . .	—
Онись . . . . .	9	<i>Ф Кедров</i> . . . . .	56
Пинал'ёслэн класс ласянь кусыпсы	19	Тулыс праздник . . . . .	—
<i>Кедра Митрей</i> . . . . .	22	Кылбурлэн пöртэмлыкез . . . . .	57
Кыин сюрло берга . . . . .	23	<i>Медведев Г. С.</i> . . . . .	59
Вуж улонэз возматон . . . . .	27	Субботник . . . . .	—
Чеберман кыл'ёс . . . . .	28	Муз'ем походыч . . . . .	64
Пиме соричы . . . . .	29	<i>Коновалов М. А.</i> . . . . .	73
Муз ем люкон . . . . .	30	Егит'ёсын чошатскон . . . . .	—
Выль сям'ёслэн улонэ пычамзы . . . . .	32	Выль ужан амал'ёс . . . . .	78
Обокат . . . . .	33	<i>Миронов А. С.</i> . . . . .	80
Кулаклы адвокат луись Микта . . . . .	37	Гудырьян дырья . . . . .	—
Вожмин . . . . .	38	<i>Баженов Д. И.</i> . . . . .	87
Кышномурт с йулысь потэ . . . . .	46	Сьбд пери . . . . .	—
<i>Дядюков И. Т.</i> . . . . .	47	Тодьысын ожмаськонэз возма- тон . . . . .	102
Уриськисьёс . . . . .	—	<i>И. Н. Соловьев</i> . . . . .	103
Улэп . . . . .	48	Шактыр беглой . . . . .	—
Пилот . . . . .	50	Эксэй зйбет улын . . . . .	110
<i>Горд Костя</i> . . . . .	51	Калык кылос . . . . .	112
Кырзась тулыс . . . . .	—	Пословицаос . . . . .	—
<i>М. Петров</i> . . . . .	—	Мадиськон'ёс . . . . .	113
Укно улын . . . . .	—	Выль такмак'ёс . . . . .	114
<i>Писарев</i> . . . . .	52	Такмаклэн кылдэмез но кулэлыкез	115
Бусы бте . . . . .	—		

Отв. редактор *Ф. Ф. Пономарев.*  
 Тех. редактор *М. А. Лямин.*  
 Корректор *Н. Р. Гребин.*

Сдано в производство 28 января 1935 г. Подписано к печати 6 марта 1935 г.  
 Уполн. Удглавлита № 81. Заказ 174. Объем 7¼ печ. л., в 1 п. л. 46600 тип. знаков.  
 Тираж 12000 экз.

17-я фабр. нацкниги ОГИЗ'а РСФСР треста «Полиграфкнига»  
 Москва, Шлюзовая наб., д. № 10.

## Советской писательёс.

Асьсэлэн кылбур-верос'ёсынызы советской писательёс ужасё-крестьяно Совето властылы юнматскыны, со властез возьманы юртто. Социализмо лэсьтйськон понна но нюрьяскыны ётё.

Та писательёслэн тросазгем кылбур-верос'ёсазы асьмелэсь та выись улон-вылонмес, виль сямень лэстыон чеберлыко сурел'ёсын возьматэмын. Кызы асьмелэн бадзымесь виль фабрикаос, завод'ёс, виль кар'ёс кылдыло, кызы гурт'ёсмы кабен виль сямен улонэ пото — со сярись верало совето писательёс. Ударник'ёслэсь герой луэмзэс возьмато, ужась класслэсь шараен но ваткыса ульсь классовой тушмон'ёссэ синадзонтэм каро.

Нош советской писательёслэн вашкала ар'ёс сярись, кылем улэм-вылэм'ёс сярись но гожтэм прои'ведениоссы вань. Отысен асьмеос тодйськом — кыче вылэм капитализмо вуж строй, кызы уло вылэм ужасьёс но крестьян'ёс, помещик'ёс но капиталист'ёс дырья. Тачеосыз кылбур-верос'ёс улонлэсь кудлань вошкемзэ валато. Со бордысен асьмелы валаны лякыт луэ ини — ма сярись сюлмасько вылэм вашкала ар'ёсын тод'яськись класс'ёс, кыче ужрад'ёс сыло пролетар государство азын.

Асьме понна тужгес ик дуно луо пролетар писательёс. Соос ужась класслэсь но солэн партиезлэсь ужрадзэ утыны вылысь сюлмаськыса гожто. Пролетар писательёс пöлысь туж вылтйез луэ Максим Горький, собере Серафамович, Д. Бедный.

Удмурт'ёс пöлын юн революци мылкыдо кылбурчи нырысез Майоров Данил луэ. Азыло ик солэн кöняеныз ке кылбур'ёсыныз но пьесаеныз тодматском. V классын дышетскон арысен зуч литератураен, зуч кылын лыдзыса, тодматскылом. Соин та книгае зуч писательёслэн прозведениоссы уг пыро ни.



## Майоров Д. А.

(1893—1923)

Кылбурчи радэ Майоров Данил военной коммунизм вылти жутске. Солэн кылбур'ёсыныз „Гудыри“ газетлэн 1919 арын потылэм номер'ёсаз нырысь пумиськиськом. Верам газетлэсь азьло музон'ёсыз удмурт газет'ёс потылызы, соос совето властылы пумит луись мылкыдэс уно возмат'язы. Майоров сыче чуждой газет'ёсы уг гож'я, революционной газет борды лякиське.

Ачиз со Грах районысь Эгра гуртысь куанер крестьянлэн пиез вылэм. Гуртаз ёрмыса улэмен, егитысен кыстаськыса ветлоно усем. Сибире но мед'яськыса ужаны вутскылэм шуо. Дышетскыны солы нокрытын кылдымтэ, калыкети ветлон дыр'яз гинэ грамоталы дышем.

1919 арысен 1923 арозь со „Гудыри“ газетлэн редакцияз сюлмо ужась луэм. Трудовой удмурт'ёсыз революци ужпуме жутыны вылысь трос статьяос гож'ямез валлин, кылбур'ёссэ но газетэ пыртылэ. Солэн кылбур'ёсыз нимысьтыз „Югыт нунал'ёс“ книгаен поттэмын.

Майоров Сарапулэ кылдытэм удмурт комиссариат бордын зол ужась вылэм, комиссариатлэн удмурт'ёс пöлын пролетар революци мылкыд'ёс вöлдон, пычатон ужелы кужмысь юрттылэм. Солэн уж'ёсыз юн шöдскымонэсь луо удмурт'ёслы нимаз автономии область усътон дыр'я но.

1923 арын тулыс пал Майоров „Гудыри“ газетлэн редакцияз ужамысь дугдово усэ, сое отысь националист'ёс палэнтö. Кошке со ас гуртаз Эграла. Отгыч-сое-ассэ но кышнозэ но братэз тйрен кораса вием. Озы бырыны шедиз Майоров кылбурчи.

Майоров Данил асьме понна данлыко поэт вал. Шугсекут'ёсын пумтэм трос пумиськылыса но, солэн усем мылкыдэн кылбурамез уг адскылы. Пролетар революцилэн вормонэзлы оскыса со ас сюлэмзэ юнматэ, революциез югыт нуналэн, „шунит тулысэн“ нима.

Нош революция ас эрказ углыкты, сое ужась адымылы аслыз жутоно, эрик понна уно вир кыстоно. Тае Майоров валатэк бз улы. Революциез пуромытыса возён вылысь, классовой нюрьясь-конэз уката лек карон понна, со ачиз но Зырдаса улэ, кылбур'ёсыз но лек тыл жуат'яло.

Ачиз крестьян пи луыса, Майоров крестьян ужез зеч тодэ. Солэн крестьян ужез возматись кылбур'ёсыз но вань. Висись егит пи, ю кизён вылти висёнэн ёрмыса, луд уж сярсы, гыронусьян но ю кизён сярсы сюлмаське. Ужась муртлэн малпанэз но уж котырын.

Коммунист партия бёрсы мыныны кылбурчимы трудовой удмурт калыкез валэктэ. Мукег'ёссэ ётыса, ачиз со пример возматэ, партилэсь уж'ёссэ вань кужыменыз, сюлмысь, жадёнэз валатэк быдэс'я.

## Горд салдат.

Гырлы жингыртэ, вал'ёс вортто  
Тоды кызьпуо сюрестя.  
Лекос шумпотыса бертэ  
Егит пиед кызьпу пёлти.  
Тани солэн вордыськем гуртэз,  
Кыдёкын ик өвёл, син азяз.  
Лекос берга солэн сюлемез,  
Гуртэзлы матэ вуэм'яз.  
Чаляк улля али тон валдэ,  
Мынам яратон ямшике:  
Тани мынам аи коркае.  
Укноети тылыз адзиське.  
Гырлы жингыртэ, вал'ёс  
вортто.

Соос вылысь бус парланэ,  
Зезы шоры валээ берыктэ,  
Дораз вуиз ук гажанэ.  
Солэн зезыосыз пытсамын,  
Семьяосыз уг шодыло.  
Йыгаське... Кин пе укно улын?  
Кин'ёс бен меда пырыло?  
Пиналысен ик со люкиськиз,  
Табере тусбуй воштыськем.  
Сибирын тодьыен жугиськиз,

Ныль ар луэ ни адзиськем.  
Табере вормыса со бертэ,  
Вормемезлы шумпотса.  
Семьяезлы но эрик вуттэ,  
Аслаз пельпумаз жутса.  
Сое семьяез уг тодмало,  
Солэсь чидатэк юало:  
„Кытысь тон таче, кин-о  
луиськод,  
Кыче муртлэн пиез шуиськод?“  
— Мон тилед гожтэт ваем вал.  
Сое пида сётэм вал.  
Мынам сюлмы, мынам ик  
нимы —

Улемез но сиылэм шомы.  
Сое семьяосыз тодмаса,  
Ваньзы бордаз зыгыртисько.  
Табере ваньзы шумпотыса,  
Бертэм пиенызы верасько.  
Гырлы жингыртэ, вал'ёс  
вортто,  
Ямшик огназ берлань кошке.  
Вал'ёс вортто, тузон пурзыто,  
Ямшик, кырзаса, дораз бертэ.

ВАЛЭКТОН. Салдат, со — капитализмо кунэз ожмаськон кивалтосэн возьманы армие бастэм мурт л.э, буржуазилэсь ваньб рзэ, улонзэ возьма со. Совето Союзэз, пролетар госуларстволэсь ваньбурзэ, правозэ но социализм лэсьтиськон ужэ Горд армия возьма. Ас кунзэс ужасьёс но трудовой крестьян'ёс асьсэос возьмало. Соосыз салдат ум шуиське, гордармеец нимаськом. Майоров нош граждан ож вылти, вуж сямен, салдат гожтэ. Со вадесын уноез крестьян'ёс „салдат“ но „гордармеец“ шум'ёслэсь пёртэмлыксэ уггес валало на вал.

## Мумылы.

Марлы бен тон, мумые,  
Брат кулэмысь бёрдиськод?  
„Кытчы быриз Сеняе“,—  
Чик дугдылтэк шуиськод?  
Сеня аслэстыз улонзэ пониз  
Эрикез поттон понна,  
Солэн табере нимыз  
Уз ни вуны со понна.  
Жоген тушмонзэ вормыса,  
Салдатэд дораз бертоз.  
Эш'эссэ тодаз вайыса,  
Тон доры адскыны лыктоз.  
Жоген ужаны кутскозы,  
Ас эшмылы шуыса.  
„Огнад кылид-а?“ шуозы,—  
„Пидэ оже сётыса?“

„Вае, асьмеос солы юрттом,  
Пиез понна“,— шуозы.—  
„Вань секыт уж'эстэ лэсьтом“,  
Ялам ужаса сёгозы.  
Дунне вылын Сеня кад'ёс  
Данак ини быремын.  
Со понна со зеч ним'ёс  
Өвёл али вунэмын.  
Соослэн усьтэм сюрессы  
Өвёл али чоктамын,  
Соослэн горд флаг'ёссы  
Өвёл али бездэмын.  
Эн ни утча, мумые,  
Пие ышиз шуса.  
Юнматиськы, мумые,  
Зеч ужаз со шуса.

## Емышо сад.

Чебер сад'ёс туж емышо,  
Туж емышо но туж мусо.  
Татын калык'ёс тыршо,  
Соин емышо луэ со.  
Та сад'ёсы пиос лыкто  
Паськыт, чылкыт сюрестя.  
Та ветлоно сюрес'ёсме  
Ваньзэ ачим тазаты.  
Татчы лыктыса адзоды  
Ужасьёслэсь тыршемзэс.  
Татын соосын сиоды  
Ялам ческыт умозэс.  
Умо лекос ческыт вылэм  
Сад емыш'ёсыд пöлын.  
Емышез сионо вылэм  
Нюрьяськыны тыршемен.  
Юлтош'ёсы, лыктэ тй но  
Чебер мусо сад'ёсы.  
Та садлэсь умозэ тй но  
Ческытэ оскалтоды.  
Котькинлэсь но кылэм вал мон  
Та кыл'ёсты верамзэ.  
Ческыт сионзэ верьяй мон,  
Уг ни сииськы кöшсэ.  
Лыктэ, лыктэ,— нош ик шуисько,—  
Ти, ужась удмурт'ёсы.  
Тазы вералоды,— шуисько,—  
Татчы лыктэм мурт'ёслы:

„Кемалась лыктоно вылэм  
Та емышо сад'ёсы.  
Кулэ өвёл ни мыным  
Вуж куштиськем сад'ёсыд“.

Кема ули мон шудтэм,  
Сое утчаны потй.  
Соку шудме аслэсьтым  
Узыр ки улысь шетьти.  
Узыр кийсь соку ик  
Шудме кыскыса басьти.  
Со шудэным соку ик  
■ Мукет луыны кутски.

Сюлэмы мынам юнмаз.  
Бам'ёсы чыжектызы.  
Дунне вылысь югытэз  
Виль син'ёсы адзизы.

## Майоровлэн кылбур'ёсыз.

Умурт'ёслэсь вуж мадьёссэс тодаз вае Майоров: вашкала ар'ёсын пересьмыса бертылызы салдат'ёс ас гуртазы эксэй армиысь, семьязы но соосыз уг тодмало ни вал. Нош Майоров гуртаз бертысен горд салдатэз возматэ. Горд салдат „аслаз пельмумаз жутыса, семьяезлы эрик вуттэ“. Эксэй салдат музэн, гордармеец жуммемья өвёл, солэн мылкыдыз капчи: тӧдьыосыз вормыса со бертэ, вормемезлы шумпотэ. Тусбуез ке но воштиськемын, пинал шӧмыз гинэ солэн быремын, аслэсьтыз классовой тушмонзэ со кытынзэ, кычезэ табере шетьтоз ини, тодмалоз, соин кужмысь нюръяськоз.

Гордармеецлэсь жутскем мылкыдзэ юнгес возматыны понна, Майоров чеберлыко суред'ёс юри сётэ. Шулдыр, тӧдьы кызьпуо сюресэти бертэ ожын вормись герой, „гырлы жингыртэ, вал'ёс вортто“. Тушмонзэ вормемезлы шумпотэмез вал'ёслэн но зол ворттонзылы сётске кадь, семьяез пӧлын но шудыса вераськон потэ, ямщиклэн но мылкыд капчи, кырзась.

Тӧдьыосын ожмаськись геройёс ваньзы ик гуртазы ӧз берытске ни. Уноез эрик понна нюръяськисьёс пуля шоры шедизы. Оже бырем муртлэсь мумызэ буйгатись кылбур гожтэ на Майоров. Эрик понна бырем эшсылэн мумизлы улэп кылем гордармеец'ёс юртгозы. Сенялэн нимыз уз вуны, со эрик доры сюрес усътысь вал, сюрес чоксамтэ, горд флаг'ёс бездымтэ, революци уж ялам азинске.

Пролетар диктатураен улонзэ Майоров „емышо садян“ лыд'я. Умой улон вылэ вуыны, ческыт емышез сиыны, шулдыр садын улыны тушмон класс'ёсын кужмо нюръяськыса гинэ луоз — шуса, валэкгэ со. Куанер мурт туж кема улэ шудтэмен, со шудзэ узыр кийсь кысконо кужмысь. Соку ёрмыса улэм муртлэн ик

сюләмыз юнма, бам'ёсыз чыжекто, син'ёсыа югыт дуннеез адžo. Эрико улонэ потыса, трудовой адыаи „кõш сионлэсь“, помещако-буржуазной стройлэсь сежытсэ-шугзэ юнгес вала. Совето власть дырья улэмзэ „ческыт сионзэ вэрьяй мон“—шуса, Майоров гожтэ. Совето властез юнматыны ачиз кадь ик ёрмыса улылэм мурт'ёсты õте.

Майоровлэн татын возьматэм стих'ёсыз ньыль чурен гожтэмын. Сыче ньыль чур'ёс, строкаос строфа шуса нимасько. Строфалэн нырысь чурьсытыз берпум кыллэн куараосыз куинети чурьсь берпум кыллэн куараосыныз ог выллемесь. Озыи ик кыкетй но ньылетй чур'ёсын. Кылсярысь, тае басьтом:

Дунне вылын Сеня кадьёс  
Данак ини быремын.  
Со понна со вэч ним'ёс  
Õвõл али вунэмын.

Сыче кылпум куараос тупамез рифма шуо. Татын „кадьёс“ кыл „ним'ёс“ кылын, „быремын“ кыл „вунэмын“ кылын ог огзылы тупало.

„Горд салдат“ кылбурын строфен-строфен рифмаослэн тупамезы ог кадь õвõл. Тани тае учком:

Мон тйлед гожтэт ваем вал,  
Сое пида сётэм вал.  
Мынам сюлмы, мынам нимы—  
Улэмез но сиылэм шõмы.

Таяз строфаын нырысез чур кыкетй чурен рифмовать каремын куинети чур ньылетйеныз. Куддырья нош кылбур кабан рифма тэк гожтйське.

## Кыче произведениос нырысь потылэмын.

Вакчиесь кылбур'ёс, пичиесь пьесаос потыло граждан ож вылтй, военной коммунизм луон вакытэ. Веросэн гожтэм чеберлыко произведениосыз соку ум ик адзылыське. Фронт'ёс луэмен сэрен, калыклэн но государстволэн ваньбурлыкез куашкамен, кие кивалтос кутыса лек ожмаськон вылтй, бадзымесь верос'ёс гожтыны но лыдзыны но эрик õй вал. Соку, зэмзэ ик, вакчиесь гинэ, сюлэмез тушмон пумитэ жутскыны улзытысь кылбур'ёс кулэ вал.

Со саяна, удмурт'ёс пушкын грамотаез тодисьёс 15 процент ёрос гинэ лыд'яскылызы, со но узыр'ёс пõлысь. Шорлыко, тужгес ик начар улысь крестьян'ёс гожтэмез лыдзыны õз быгатылэ. Озыи бере соослы кин ке мукет мурт лыдзись кулэ вал. Трос калык азын кылбурез, веросэз сярысь, лыдзыны капчигес. Кылбурез кылзуса, отын верам кыл'ёс, возьматэм суред'ёс, сюлме но каньылэн, жоггем пычало. Пьесаез, калык азын шудыса, возьматыны умой. Грамотаез тодисьтэм адыаи но пьесаын гожгэмез, шудон дырья, ас пельыныз кылэ, ас синмыныз адже.

## Онись.

Шудйсь мурт'ёс:

Павол — куанер ульсь крестьян, кышноез кулёмын.

Маша

Лиза

Катёк

Петыр

} Паволлэн пинал'ёсыз.

Оля — соослэн эшсы.

Онись — кулак ныл.

Анюк — куно ныл.

Паволлэн корказ мынэ шудон.

## НЫРЫСЬ ЁЗЭЗ.

Маша. Кыче шумпотысько, Оля. Нош ик асьмеос валче вуим.

Оля. Мон но туж шумпотысько, Маша.

Маша. Ми туж мбзмим татын, тон овёл дырья.

Оля. Туж зеч тон, Маша: мон кадь пичи ныл'ёсты но куре уд куштыськы. Мон веть тынэсьтыд куинь арес пичи.

Маша. Мынэстым пичи ке но, тонэ кызы уд яраты: поки-нэ кур уд кариськы.

Оля. Эй, Маша! Кызы мон гажан эш'ёсме кур каром, мар повна?

Маша. Ваньмыз озы уг малпало угось, Оля. Вера али мы-ным, огнад а бертид Полякысь?

Оля. Огнам бй, мон съёры Аннок лыктиз.

Маша. Кбня арес бен со, кыче ныл?

Оля. Анюкы ваньмыз дас арес луэм ини. Со мынэсьтым одйг арес пичи. Маша, тон сое тодысал ке, кыче со умой, визь-мо ныл! Гожтэт но тодэ ини. Малпа али, веть солы дас арес гинэ, нош кыче со усто книга лыдзе, гож'яське. Кыче усто кыр-за, кылд ке, паймод. Только туж возьдаськись.

Маша. Адземе потэ со нылэз. Мон сое котькызы лятыны тыршо, медаз мбзмы со ми дорын.

Оля. Табере вера ини, Маша, кыче тон уйд? Катёкен Лиза трос муртэн эш'яскизы дыр.

Маша. Оз, соос одйг нылын гинэ адзиськызы, Онисен. Тон сое адзид лэся ини. Чужмуртмылэн нылыз со.

Оля. Тодысько, Маша. Нырысь адземам ик мон сое одйг но бй яраты.

Маша. Табере тон сое уката уд яраты. Шонерзэ ке верад, мон со татынысь шум уг потыськы. Мон сое но, солэсь семьязэ но уг яратыськы: лекос вылтйясько узыренызы.

Павол. (Пыре). Маша, сузэр'ёсыд дышетконьсь бертизы-а?

Маша. Бертизы но, соос со коркан пуко.

Павол. Бең, дышетконьсьтызы бертизы ке, соку ик ужа-ны мед кутскозы шуэм вал ук мон.

Маша. Вунэтиськем вераны, вождэ эн вай. Мон соосты бтё.

Павол. Эн ветлы ни, мон ачим бти... Кызы ульськод, Оля? Толон туж жадид лэся.

Оля. Жадеме али но 6з быры на. Нош татчы лыктэме потэ-  
мен, жадемме но вунэты.

Павол. Туж шумпотысько, Оля, ныл'ёсыным эш'яськемедлы.  
Тон умой ныл. Тынад аиньд ми пересь иськавын... Сь6рад лык-  
тэм нылдэ но адзи ини, шораз уч'кыса ик, яратй кадь... Тон,  
Маша, сион дася. Оля бертэм понна шулдыр'яськытэме потэ. Су-  
зэр'ёсыд дышетскыны 6з ке но мынэ, яра. Мед шулдыр'ясь-  
козы соос но. *(Кошке).*

Маша. Эй, Оля, Оля! Мон веть 6й вунэты аилэсь косэмзэ  
сузэр'ёсылы вераны.

Оля. Малы бен, Маша, шонерзэ 6д вера солы?

Маша. Малы, 6д вера... Шонерзэ ке верасал, соку аи Лизаен  
Катёкез туж тышкаськысал.

Оля. Кыче визьмо тон, Маша! Я, табере вера ини Онись ся-  
рысь.

Маша. Тани верало, кылзиськы, Оля. Ми Эгралан улыкумы,  
Овисьлэн аизлы вуж коркамес вузам. Онись огназ м6змыса  
улыз, нунал лумбыт ми дорын улэ вал. Со туж урод ныл вылэм,  
ассэ вылы каре. Олокызы но п6ялляське. Уж кутыны малпанэз  
одйг но 6в6л, весь калгыса ветлон но ческыт сион'ёс гинэ мал-  
панэз ик. Оло со ас понназ озы улэ, оло атаезлэн дышетэменыз  
озы улэ — уг тодиськы. Соос дорын улэм беразы, сузэр'ёсы, со  
кадь ик улыны кутскизы, азьло визьсэс олокытчы ыштызы. Яра-  
тоно кадес 6в6л ни.

Оля. Лизаен Катя, ачид кадес ик, яратоно кадес вал, Маша.

Маша. Мон соослэсь бадзым, Оля. Табере уд ни тодма су-  
зэр'ёсме. Табере соос уродэсь луизы. Кин ке аламагес дйаськем  
яке мар, серемес карыны гинэ турттыса уло. Асьсэос нош, тузи  
дйаськыса, ужатэк улыны медо.

Оля. Маша, кыче соос мыным жалесь пото!

Маша. Со сяна соослы туж чем б6рдоно луэ. Аи, урод  
улэмзэс ш6дыса, чем тышкаськылэ.

Оля. Сузэр'ёсыд монэ серек'яны ке медизы, мон серек'ям-  
зылы уг ик учкы. Аннокке кур карыны ке кутскизы, соку вожме  
потгытэк уг чида. Оло сое сузэр'ёсыд визьтэмлы понозы, солэн  
куанер вылэменыз. Аннок, ас волтэменыз, соослы мар вазыны  
ик уз дйсьты. Асьмелы, Маша, Аннок пала дурбасьтыны кулэ.

*(Лиза, Катёк, Петыр пыро).*

Петыр. *(Катялэсь кизэ кутыса).* Зеч улыськод-а, чебер эк-  
сэй кышное? *(Лизалы).* Тон но, эксей нылы, умой улыськод-а?

Маша. Тырмоз, Петыр. Кыче тон урод! Уд адзиськы-а ма  
Олялэш татынзэ? Зеч-бур кариськыны кулэ вал тыныд соин.

Петыр. Э-э! Вождэ эн потты, Оля. Тонэ уг но адзиськы.  
Вера, кыче улыськод али та вадес?

Оля. Тау, улысько огшоры. Зеч-а, Лиза, Катя! Мон туж шум-  
потысько тиледыз адземелы.

Лизаен Катёк. *(Чош).* Ми но, Оля! *(Чупасько).*

Лиза. Умой-а улыд Полякын, Оля? Трос адзид дыр т6н отысь  
чебер ныл'ёсты но чебер пиосты.

Катёк. *(Вожмаськыса).* Тон, Оля, узыресь мурт'ёс дорын но

вал дыр. Вера али, мар сярэсь отын верасько? Тузиесь-а дй-сясько?

Оля. Со сярэсь мынэсьтым эн ик юалляське: йырам но өз пыр дйсяськонзэс чакланы. Тодйсько одиг шулдырзэ гинэ, мон отын трос кунолыкес ветли. Туж шулдыр ортчты.

Петыр. Ура-а, Оля! (*Кизэ чапке*). Тон азьло сямен ик, ярато-но кадь, визьмо ныл. Тани та кык барышняослы уд ушаськы. Соос сьёрло визьмоесь: ветлизы но эксей кышно кадь бертйзы.

Оля. Ма понна мон воштыськом?. Мон ти доры аслэсьтым эшме ваи, солэн нимыз Аннок, Со котьмалы усто.

Катёк. (*Вылйяськыса*). Оля, тынад эшед Анна нимо-а?

Лиза. (*Серек'яса*). Милям визьтэм Аннамы ваёнь, со кадь ик.

Оля. Мон аслэсьтым эшме Анна ой шу, Аннок шуи. Ти ся-мен, коть Анна мед луоз но, соин солэн нокытйыз но уз вош-тыськы, урод но уз луды... Мон кылэм вал, тылад выль эшты вань шуса. Тодматэ монэ соин.

Лиза. Милям выль эшмы чужмуртмылэм нылыз, со туж яра-тоно кадь ныл.

Катёк. Со туж умой ныл, вераськемез ик выли муртлэн кадь.

Петыр. (*Серек'яса*). Онисез ма веранэз: со кадь ныл шер луоз. Солэн нимыз но кыче чебер — Онись. (*Сузэр'ёссэ пыйкылэ*). Кыче ке Аннок кадь бвёл. Оля, тон сое яратод-а меда? Мон солэн сьобраз ветлись муртэз кызы яратйсько, озы ик яраты.

Маша. Тырмоз ини, Петыр! Вуод али исаськыны.

Петыр. Яралоз, иське. Мыным сое кема витёно уз луы.

Маша. (*Пыдзэ легыса*). Нош! Кылыд ялам лэчыт.

Петыр. Маша, анае! Мон веть, марым гинэ...

Маша. (*Сузэр'ёсызлы*). Туннэ дышетскыны од ке но мынэ, яралоз шуиз атаймы. Оля бертэмлы шумпотыса, туннэ шудыса сиськоя жыт лэсьтыны косиз. Мыным ужаны юрттоды. Петыр, тон садысь умо тйя али.

Петыр. Туж умой. Шулдыр празник лэсьтомы! Мыным трос-гем корзинка гинэ кулэ.

Маша. Басьты чуланьсь, отын вань. (*Петыр потэ*).

Оля. Мон Аннокез отыны мыно али. Со но мед шудоз асьме пёлын. (*Кошке*).

Маша. Катёк, корзинкаын мар вань, потты ваньзэ. Лиза, тон вёй шуккы.

Катёк. (*Мылпотытэк*). Мон уг тодйськы. Ма понна миле-мыз весь ужаны косо? Асьмелэн пересьмы веть вань. Ми толон Онись дорын сиським но Онись весь милемын шудыса улиз, номре уж борды өз кутскылы. Милемлы, куанер'ёслы, котьку но таце кулэтэм'ёсты ужано луэ.

Лиза. Пересь абимы вёй умойгес шуккысал, соку мыным дэрэмме но саптано ой луысал.

Маша. Ти уд тодйське-а ма: айымы асьмелэсь ужаммес вите, монэ, огнад ужаськод шуса, тышкаське. Ти нош тэк пукыны яратйськоды.

Лиза. Тон нош ваньзэ ужаны быгатйськод, милэсьтым усто.

Маша. Усто ке ужасько, мон дышөмын ини, ти бд дыше ма.

Катёк. Ми веть кыче ке бвёл ваньзэ ужаны. Онись серек'я милемыз ужамысьтымы. Ми веть ныл'ёсмурт.

Маша. Тилед Онисез серек'яны кулэ вал, ужамлэсь кулэзэ ке уг вала. Мон куать аресысен ужаны кутски. Анаа валэктылиз, умой ужаме понна, веша вал. Анаймы кульку, ти туж пичиесь кылиды... Сузэр'ёсы, мон юртмы пушкын туж уво ужай, кужыме пичи луса но.

Лиза. Маша, лулы! Веть тынад сётэм ужед милем яратоно кадь бвёл! Со веть музыкаен шудыса эктон но, пуж'ятиськон но бвёл.

Маша. Музыкаен эктонэз мон но яратисько. Сое нош ваньмыку гинэ луэ.

Павол. (*Пыре*). Мон ваньзэ вераськемдэ кыли, Маша. Юри, зыгыртыса чупаны пыри. Шумпотисько тыршись луэмедлы. Сузэр'ёсыд но тон кадесь мед луозы вал. Оля нош кытыя?

Маша. Куно нылзэ отьыны мыниз.

Павол. Яралоз. Онись но лыктоз. Туннэ трос кузя луоды. Куспады эн керетэ. Тыныд оскыса кельтисько, Маша, тон чакла, керетонзы медаз лу. Аннокез но умой утялты. (*Кошке*).

Маша. Кылиды-а, сузэр'ёсы, ма шуиз атаймы? Аннокен яратыса шудэ.

Катёк. Я, тырмоз. Милям но атайлы яраммы потэ.

Маша. Онись ас сязмаз медаз кыскы вал тиледыз.

Лиза. Зэмзэ ик, Катёк, Аннокез Онись серек'яны ке кутскиз, сион ог кылысь эн кариськы.

Катёк. Эя кышка, Маша. „Чебер“ Аннокеныд номре но уг вераськы.

Маша. Ойдолэ, ужаны кутскоме, сузэр'ёс!

Катёк. Озы умойгес луоз. Ойдолэ, дисьмес воштөме.

Маша. Ти бен урод дйсьскемын-а?

Лиза. Веть, Маша... Онись лыктоз!.. Оля но, Аннок но.

Катёк. Воштиськыны но уг лэзы та Маша.

Лиза. Тон милем чебер дйсьскыны юртты вал. Тон веть туж усто! Йырмес коть сына вал.

Маша. Ялам мон: тиледыз но дйсь, сион но тупаты... Куно ныл'ёсын гинэ эн керетэ. Кылиды-а? Ойдолэ, иське, дйсьське.

## КЫКЕТЙ ЁЗЭЗ.

*Корка шорын жбк вылын сион'ёс пуктылэмын.*

Петыр. (*Умоэн пыре*). Тани мон ужме бытти! Кытчы бен кошкем Маша? Тинь со бароняосты дйсьяны кошкем дыр? Тыл понна, со кыче зеч! Котьмалы но милем юрттэ, йонтэммес но ватылэ.

Павол. (*Пыре*). Кинэ уш'яськод, Петыр? Машаез лэся?

Петыр. Кызы сое уд уш'я, атай? Учкы али, татын кыче умой тупатэмын! Ваньзэ веть со огназ ужас.

Павол. Апайдэ яратэмед туж умой. Солэн сюрестиз мынондэ возьматэ со. Кытчы бен кошкем Маша?

Петыр. Сузэр'ёссэ дяся дыр.

Павол. Бен, ма луиз?

Петыр. Онисен эш'яськем беразы, Катёкен Лизаен оломар кадь уло ини. Монэ братсы лыдэ ик уг поно.

Павол. Муртлэн уродэзлы чидамед ик уг лу. Учкы али Маша шоры, кыче со чидасы!

Петыр. Маша веть мон өвёл. Адзем уг поты узыре цотыны выремзэс. Олялэсь эшсэ исамес каро сузэр'ёсы.

Павол. Тыныд оскисько. Эн кереты нокинэн. Оляен Аннокез ачид вайыны мын. Сузэр'ёсыдлэсь адзем эн кар.

Петыр. Яралоз, атай. (*Палэнэ*). Табере мон Анноклэн батырез луо. Аджом — кин сое дясьтоз серек'яны, ултияны. (*Кошке*).

Павол. Адзисько ини та Онисьлэсь ныл'ёсме сөремзэ. Онисьлэн аиз но вылтйаськись, нылыз но сыче ик... Тини, родня шу!.. Туннэ мон лушкем чаклало али мар ужамзэс.

Маша. (*Пыре*).

Павол. Кытын вал тон, Маша? Сузэр'ёстэ дясяны ветлид-а?

Маша. Атай...

Павол. Я, со сярэсь берло вераськом. (*Укноетй учке*). Шунды но пуксе ини, эш'ёсыд тани вуозы. Я, Маша, тон умой чакла. Маке из'янтиды ке, мон тиледыз уг жаля.

Маша. Чаклало, атай. Кудзэ вунэти ке...

Павол. Маша! Мыным ваньзэ тодыны кулэ. Кылыськод-а? (*Кошке*).

Маша. Ма ужалом на?.. Тани татын кайгу. Дугды али, туж уг кайгыры. Петыре визьтэм өвёл. Олялы мон оскисько, Аннокез но визьмо шуо.

(*Катёк, Лиза, Онись пыро*).

Онись. (*Чебер дйсяськемын, вылтйаськыса*). Зеч-а, Маша! Ок, кыче шумпотйсько та жыт тонэныд валче шудыны! Ти трос мурт витиськоды лэся?

Маша. Ум. Ми сяна кык ныл'ёс луозы. Оло тодиськод, Оля лыктоз. Мукетыз нош Олялэн куно нылыз, Аннок нимо. Аннок туж востэм, возьдаськись лэся. Сое асьмелы умой утыны кулэ.

Онись. Мон тыныд юртто, Маша. Аннокез кызьы ке но утёмы. Мынам Поляк нылэз туж адземе потэ... Мон туж вазь лыктиськем лэся: тон воштйськымтэ на вылэм.

Маша. Воштйськыны уг малпаськы, уг ваньмиськы али. Вераське ойдо асьтэ понна, мон ужме бытто. (*Кошке*).

Онись. Кыче мёзмыт пукуны Машаен!.. Ти туннэ кыче умой сынаськиллям! Ку бен нош дясьтэс воштоды?

Катёк. (*Лулзыса*). Маша уг лэзья.

Лиза. (*Лулзыса ик*). Анноклы туж тузи дэрэм'ёсмес дясяса возьматэммы потэ вал...

Онись. Мон тае тодысал ке, талэсь но тузи дясяськысал.

Катёк. Тон сотэк но тузи дясяськемын.

Онись. Мон буртчин дэремме дясясал, буртчин кышетме керттысал, мед паймысал Поляк ныл. (*Серек'я*).

Лиза. Кыче тон шудо, Онись. Котьмаид но вань.

Онись. Мон уг валаськы, малы тияд номырды өвөл? Атайды укыр чурит дыр. Кулэ-а, мон тилед кбня ке дэремме кузь-мало.

Лиза. Атаймы дисяны уз лэзь.

Онись. Куанер'ёз, кызы тиледыз возё! Тодиськоды-а, мон мар малпай. Мон тилед дэрем'ёсме ысто но, ти сое лушкемен дияса нүллэ. Атайды но, Маша но медаз адзе.

Катёк. Ми озы ум ужалэ.

Онись. Э, куанер'ёсы!

Маша. (Пыре). Гани ваньмыз дась. Малы, бен, куноосмы уг лыкто?

Катёк. Соос воштиськыса уло дыр.

Маша. Уз, Катёк. Соос уз воштиське.

Онись. Со Анноктэс мынам туж адземе потэ. Мынам али но тодам лыктэ пуклэ ныл, мынам бадзым анаелэн нылыз. Ти сое уд ик малпалэ, кычэ со серем аяди. Кычэ серем ветлэмез, улэмез, зустари кадь диез! Котьмалы но пайме. Кёты тырымонам серек'яй ук мон сое. Котьмалэсь но туж йыры кур луэ вал мынам, кытчы ке монэ соин валче ыстыкузы. Кычэ возыт вал мыным соин артэ мыныны! Мон, мыныкум, я бере кылыско, я азяз бызьыса кошкисько вал, калык мынэсьтым соин валче ветлэмме медаз тоды шуса. Кин ке милемын пумиськыку, мон сое котькызы но пёяны турттисько вал. Со нош, бчкарем кадь, дугдылытэк „Онись! Онись!“ шуса ветлэ.

Катёк. Кычэ серем! (Серек'я).

(Петыр, Оля, Аннок пыро).

Петыр. Маша! Тон, Олялэн эшез. Ти соин туж тупалоды дыр шуисько.

Маша. (Аннокез чупаса). Туж шумпотисько, Аннок, лыктэ-медлы. Кызы, бен, угём али мон тонэ? Мёзмод ини ми дорын.

Аннок. (Воздаськыса). Тынад мылкыдыд туж зеч вылэм.

(Лиза, Катёк, Онись ас куспазы шыпырто).

Оля. Аннок, тани мынам эш'ёсы: Катяен Лиза. (Лизаен Катёкен кизэс сёто. Аннок воздаськыса сылэ).

Маша. (Лизаез китйз кутыса, каллен гинэ вера). Малы уд чупаськы Аннокез?

Петыр. Эн кос'ясыкы, Маша. Онись эксэй кышномы сое уг яраты.

Маша. Шып ул! (Олялы). Оля, Онисез тон уд тодиськы дыр. Та чужмуртмылэн нылыз.

Оля. Э, озыен родня вылэм ук!

Онись. (Коштан'ясыкыса.) Мон, родняосын тодматскон дырья лекос шумпотисько. (Дэрэмзэ тупа'н'я).

Маша. Я, азыло чай юоме, собере шудыны кутском.

Аннок. Тынад мылкыдыд туж зеч вылэм!

Онись. (Пыйкылэ). Тынат мылкыдыд туж зеч вылэм..

Петыр. (Онись шоры учкыса). Апае зэмзэ ик туж зеч... Чалелэ ойдо, пуксе! Оля, тон тагчы. Аннок, тон татчы. Мон, вискады пуксьыса, казак пиды луо.

Онись. *(Катёклы.)* Петыред адямиез утялтыны лекос яратэ вылэм.

*(Ваньзы пуксё. Онись Аннокен артэ пуксе но Аннок шоры кырыж гинэ укылэ).*

Петыр. Тон, бен, Маша, уд пуксы-а?

Маша. Юэ ойдо, мон али ик лыкто. *(Потэ).*

Петыр. Улмо сид а, Аннок?

Аннок. *(Каллен гинэ).* Азьло соослы сёт'я.

Петыр. *(Сёт'я).* Уд сие-а улмо? *(Чал-чал пуко).* Ма, бен, ты номре уд вераське? Вераськондэс чай дугдытиз-а? Ойдо юэ, юэ но маке вераськыса, умойгем ик лусал.

Онись. Мон юалляськыны кутско али. *(Анноклы).* Гуртады дышетскон вань-а?

Катёк. Отын тузон пёлын гинэ шудо дыр.

Онись. Зэмзэ ик отын шудонзы керетон но куатаськон.

Оля. Анноклэн улон гурт дораз лекос шулдыр арамазы вань. Аннок кырзаны но, кырезь шудыны но усто.

Онись. *(Анноклы).* Кырзаны тодиськод а?

Петыр. Со туж усто кырза. Кырза али, Аннок.

Онись. Жёк съёрын поляк'ёс гинэ кырзало. Умой мурт уг кырза.

Петыр. Кырза али, Аннок. Возьматы солы поляк'ёслэсь кыче улэмзэс. Соку уз ни вазылы.

Аннок. Кырзало иське, кырзаме ке но чик уг пот вал.

Маша. *(Пыре).* Эи кырза иське, Аннок, мылыд ке уг пот. Петыр, сёт'я али борыен нянь. *(Петыр сёт'я).*

Оля. Ой, кыче ческыт борыды!

Петыр. Мон сое ачим мертты.

Онись. Иське, сад мерттысьмы но асьмелэн вылэм.

Петыр. Лиза! Онись тонэ дышетыса пыр поттыз ке, тон лекос усто вуриськись луод. *(Анноклы).* Си али нош одыг нянь.

Аннок. Тау, Петыр, тынад мылкыдыд лекос зеч вылэм.

Онись. Та ныллэн вань веранэз ик „тынад мылкыдыд лекос зеч вылэм“.

Петыр. Со тыледын огинын улымтэеныз озы.

Маша. Ойдо ырлэшытэк но яралоз. Вае, кызы ке шудоме. Кызы шудоме? *(Ваньзы султо).*

Петыр. Нырысь бергаса шудоме.

Лиза. Онисьлы та шудон уг яра.

Катёк. *(Онись шоры учкыса).* Ми табере крестьян ныл'ёс өвёл ни.

Петыр. Кинлэн тазы шудэмез уг ке пот, солы талэсь умоез уз луы. *(Катяен Лизаез, китйзы кутыса корка шоры нуэ. Маша, Оля, Аннок шумпотыса мыно. Онись но, мылыз потыпэк, мынэ).*

Онись. *(Катёклы каллен).* Моя солы берыкто али.

Катёк. *(Онисьлы, озы ик).* Ми тыныд курттом.

Оля. Ма, бен, асьм ос кырзалом?

Петыр. Мае мылыд потоз.

*(Оля шоразы пырыса кырза. Со съёры ваньмыз кырзало. Со-*

*бере шоразы Маша ныре. Озы ваньназы, огзы ббрьсы огзы пырало кырзало. Онись гинэ шораз уг пыр).*

Маша. Петыр, веран кыл'ёсты кельтыса кырзаськод.

Петыр. Ваньмыз шораз вал ини, табере Онисьлы черод.

Онись. Мед пыроз шораз Петыр.

Петыр. Уг-а пыр кожаськод? Пыро. *(Кырза).*

*(Со вискытй Онись, одйг борызэ басьтыса паньгатэ но Анноклэсь дэрэмзэ сапта, собере Катёк шоры Аннокез донге. Катёк Лиза шоры донге).*

Аннок. *(Бордыса).* Оля, ойдо бертом.

Петыр. Эн кошке, эн кошке. Кин тыледыз кур каре, со ачиз мед кошкыз.

Катёк. Озыен, тон милемыз улляськод. Тачедэ ём вите.

Петыр. Ачид ик верад ук Аннокез кур каремдэ.

Оля. Янгыш луиськод, Петыр. Аннокез нокин уг обидьы. Милемлы бертыны кулэ ини, нэнэмы кемалась вите дыр. *(Аннокез китйз кутэ но дэрэмез бордысь борьен саптамзэ адзе).* Учкы али, Аннок, тынад дэремед ваньмыз саптамын. Кин тазы кариз?

Петыр. *(Вожез потыса).* Кин сое озы кариз?

Онись. Малы, бен, сое тынды тодыны кулэ?

Петыр. Озыен, тон-а саптад Анноклэсь дэрэмзэ?

Онись. Мон. Бен, ма луиз солы?

Петыр. Номре ёвёл но, атайме ётыны мыно.

Маша. *(Дугдытыса).* Петыр!

Аннок. Ойдо, эн ветлы, Петыр, дугды. Солы номре но уз луы. *(Петыр потыны медэ).*

Лиза. Ми табере сое номре ум ни каре.

Катёк. Астэ зэчлы повыса, атайлы чагиськыны мынод-а, Петыр?

Онись. Милемыз та ныллэн пыд вылаз йыбырт'яны косод-а?

Оля. Ойдо, эн сюлмаське, ми ваньзэ вунэтим ини. Озы веть, Аннок?

Маша. Ойдо, эн ветлы атай доры, Петыр, Оляен Аннок уз кошке. Вае, мукет сямен шудоме, кышет сётыса.

Катёк, Лиза. Туж умой!

Маша. Кутскоме иське. Мон ветлысько, мон вузасько кызы мынам нимы — шуса.

Онись. Мон уг тодыськы та шудондэс. Та пичи визьмёослы гинэ шудыны пуктэмын дыр!

Лиза. *(Каллен гинэ).* Онись, та лекос умой шудон.

Онись. Иське, адзом кыче та шудыны.

Маша. Кутскисько „П“ букваусен. Со ббрьсь ваньдылы „П“ букваусен вераны кулэ. Верам кылэз вераны уг яра. Кин верам кылэз ке вераз, со кышетсэ сётоз.

Онись. Вань ужез ик отын-а? Мар веранэз—ялам секыт!

Оля. Мыным кутскыны. Мон лыктй Полякысь, вузасько перос, мынам нимы Параска.

Маша. Мон лыктй Пельгалась, вузасько питран, нимы Палага.

Аннок. Лыкти Пуклѣысь, вузасько пустол, нимы Пея.

Петыр. Лыкти Пӧбьялась, вузасько пуртэс, нимы Петыр.

Лиза. Лыкти Пиртэшысь, вузасько пуртэс, нимы Педора.

Маша. Онись, табере тон вера ини.

Онись. Мон но верано-а?.. Мон лыкти Сизьгуртысь... мон вузасько... чабей...

Петыр. Пус, пус! (*Ваньмыз серек'яло*).

Онись. Мон, пус шуса ӧй вера ук!?

Петыр. Пус кылэз ӧд вера но, тыныд аслыд пус сѣтоно луэ. „Сизьгурт“ но „чабей“—„П“ букваен уг кутско, „с“ но „ч“ букваен кутско.

Онись. (*Палӧнэ*). Укыр йыры кур мынам, нокытын но уг чидаськы.

Петыр. Ойдо, сѣт ини кышеттэ!

Онись. (*Кышетсэ сѣтэ*). Вае, выльысен кутскоме. Кутскы, Оля!

Оля. Буквадэ воштыны кулэ ини.

Петыр. Ум, ум воштэ: озы секыт.

Оля. Мон лыкти Полякысь, мон вузасько пуртэс...

Петыр. Пус, пус, нош ик пус! (*Оля зундэссэ сѣтэ*).

Табере тыныд вераны, Маша.

Маша. Лыкти Пургалась, вузасько пуньы, нимы Педось.

Петыр. Тодй ини янгыш дуымтэдэ. Табере тон вера, Аннок.

Аннок. Лыкти Пургалась...

Петыр. Пус, пус! Маша али гинэ вераз, Пургалась шуса. (*Аннок пельысьтыз угызэ басьтыса сѣтэ*). Катѣк, табере тыныд веран.

Катѣк. Я, мон но уг ни шуд.

Лиза. Мон но уг шуды.

Петыр. (*Онисьлы*). Тон но-а уд шуды?

Онись. Уг.

Петыр. Мынам но шудэме уг поты. Вае, пус октоме. Самой бадзымез пус кутоз, покчиез ужаны косос. Аннок, тыныд косылыны.

Аннок. Кинлэн пусэз сюриз, солы кырзаны, эктыны.

Петыр. Мынам пусэ ке сюрисал, мон ньыль зэм кыл верасал.

Маша. Кинлэн пусэз угы?

Аннок. Мынам... Эй, эш'ѣсы, ма, бен, ужалом ини?

Онись. Тон лекос усто малпаськод муртлы но, кызьы ачид ужалод тае.

Петыр. Кырза, Аннок.

(*Аннок кырза. Ваньзы кизэс чапко*).

Маша. Тау, Аннок. Туж шулдыр карид милемлы.

Оля. Та гинэ али мар! Аннок лекос трос кырзан'ѣсты тодэ.

Аннок. (*Солэсь ымзэ кыныз чокса*). Окмоз, Оля. Мон вожме ваё.

Петыр. Оля, кырза кырзандэ. Анноклы эктоно. (*Оля кырза, Аннок эктэ*).

Ваньзы. Усто, Аннок, усто! (*Кизэс чапко*).

Маша. Ме, басьты, Аннок, аслэсьтыд пустэ. Кылем'ёссэ кызы басьтоно? Вера, я!

Аннок. (Пуксе). Кинлэн пусэз потыз, мынэсьтым лэсьтэмме ик мед лэсьтоз.

Маша. (Пус поттэ). Кинлэн пусэз?

Онись. (Кышетсэ басьтыны турттыса, Маша доры мынэ). Мынам со, вай татчы.

Петыр. (Кутэ). Кызы кулэ, озы шудоно. Кырзад ке, кышеттэ сётозы. Од ке, уз сётэ.

Онись. Вай! вай! вай! Ой, шузи пи!

Петыр. Тон милемыз паймыгид, кырзавы усто шуса. Табере ми ум тодиське кычелэ.

Онись. (Черек'яса, бордыса). Мон асме кур карыны уг лэзь... Мон мыно атайлы чагиськыны!

Петыр. (Йыбырттыса). Ойдо, мон съорад келяса мыно.

Онись. Эн йётлы мон борды! Тон урод! Адземе ик уг поты, синдэ потто! (Ос доры мынэ).

(Пумитаз Павол пыре. Онись шётэм кеське).

Павол. Уд тэриське-а? Ма кесяськиськод, Онись? Тынад куараед кадь куарао визьтэм мурт пырем шуса малпай. Ымнырыд'я ке, тынад сыче вылэмед адске.

Онись. Тодысал ке, кызы монэ каремзэс!..

Павол. Когьма ласянь ик тынад янгышед адске, Онись... Маша, тодиськод на-а мынэсьтым мар верамме?

Маша. Тани кызы вал со. Онись Аннокез мыскылля вал но, Аннок валасьтэм кариськыса улыз. Собере Онись Анноклэсь дэрэмзэ саптаз. Аннок соизлы но вожзэ өз потты. Берпумаз шудон пöлын Аннокез куре уськытыны турттэ вал. Соиз но ой лась кур карем нерге. Аннок ог вадес туж умой возьматыз аслэсьтыз устоэ. Онисьлэн солы йырыз кур луиз лэся.

Оля. Бен, бен, солы Онись өз ни чида.

Онись. (Мгшалы). Тон ваньзэ ке вераськод, сузэр'ёстэ вера. Монэн валче мыскыллязы Аннокез.

Петыр. Ойдо, Онись, сузэр'ёсме аслад уродэд борды эн лякылы. Угь кыче тон урод!

Вань нылпи. (Чош). Уть солэн кыче урод мылкыдыз!

Павол. Табере мон ваньзэ адзисько... (Онисьлы). Тынад та ужед агаенэд зеч улонме сөре. Атаедлы мынам туж уно тыронэ вань. Табере со тырон'ёсме али ик куроэ ини ваньзэ... Маша! Табере вера ини сузэр'ёсыдлэсь кызы выремзэс.

Маша. Атай, соос озь ик но лекос тыш сиизы ни...

Павол. Маша! Уд тодиськы шат мар верамме? Мон ваньзэ тодыны турттысько.

Лиза. Ми асьмеос ик ваньзэ вералом.

Аннок. (Паволлы). Ойдо, Павол дядяй, соослэсь эн ни кызыськы. Эш'ёсы кайгуэ ке усизы, мыным мөзмылэс луоз. (Катёкез но Лизаез китйзы кутэ). Озы өвёл-а? Асьмеос веть али ик эш'яськом?

Катёкен Лиза. (Аннокез чупаса). Дуно эшмы тон милям

Аннок. (Паволлы). Табере но-а вождэ ваёд на ныл'ёсыдлы?  
Павол. Табере уг ни. Тонэн эш'ясыкыса мынам нылпие шу-  
до луоз.

## Пинал'ёслэн класс ласянь кусыпсы.

Пьесаеныз Майоров гуртын пинал'ёслэсь азьло ар'ёсын улэм-  
вылэмзэс, кусыпсэс туж зэмен, шонер возматэ. Гурт пушкын  
шорлыко но начар крестьян'ёс уло, пöлазы кулак'ёс вань. Вы-  
россы соослэн пöртэм луэ, пöртэм вырос'ёссэс пинал'ёссы но  
куто. Кулаклэн нылпиез, мукет кулак семьяос пушкын ас арлыд'ем  
пинал'ёсыз шетьонтэм дыр'я, шорлыко но начар крестьян'ёслэн  
нылпиеныз чош шудоно луэ. Шудон куспазы но кулак пинал'ёс  
вылтияськон, узыренызы уш'яськон сяменызы выро, эш'ёссэс че-  
бер дисенызы мальдытыны туртто. Кулак нылпилэн озыы выремез  
начар нылпилы уг яра, керетон потылэ. Кулиз нош пинал'ёс узыр  
эшсылы адзем каро. Пьесае пыртэм мут'ёсты эскерыса, тае умой-  
гес адзоны.

Онись. Кулаклэн нылыз луэмзэ Паволлэн но Машалэн вера-  
мысьтызы валаськом. Ёرمىсьтэм мурт öй вузасал, ваньбуртэм  
мурт нош öй басьтысал. Онисьлэн бубизлы Паволлэн тыронэз  
трос, сое но тае пунэмалыз вылды, табере пöлзэ ватсаса ты-  
роно. Кулак ныл ужаны дышымтэ, ужась ныл'ёсты серек'я со.  
Бадзым анаезлэн нылыныз чош ветлыны возьдаське: солэн, пе,  
дйесез зустари кадь. Весь малпанэз Онисьлэн — калгыса веглон,  
ческыт сионэз сион, эш'ёссэ ултиян. Вераськемез ик выли муртлэн  
кадь, — шуэ со сярысь Катёк. Буртчин дэрэм но буртчин кышет  
дйяса калыкез паймытыны шöта.

Эш'ёсызлэсь малы дйсь вош'ямтэзэс, начар ветлэмзэс Онись  
уг вала на, арлыдыз пичигес. Ассэ гинэ вылтияса возыны яра-  
тыса, со музон ныл'ёсыз ялам исамес карыны турттэ. Вераськем-  
зес пычкылэ, Анноклэсь дйсьсэ паньгатэм борыен сапта. Ачиз  
кырзаны быгатымтэен, кырзась нылэз шуге уськытыны выре,  
умой мурт жöк сьöрын уз кырза, пе. Солэсь выремзэ санэ ке уг  
басьто, со куатаськонэн вормыт'яське, визьтэм мурт кадь шöтэм  
кесяське.

Маша. Пичи дырысеныз ужаны дышемын. Мумиз öвöлэн со  
вань юрт котырын ужез нуэ, быдэс семья сярысь сюлмаське.  
Начар муртлэн нылызлы дйсь воштон уг шедьылы — майн ке  
ужа, со дйсен шудыны потэ. Воштон дйесез öвöлзэ вераны кер-  
потэ, дйсьме воштыны öй ваньмы шуэмен ватске. Соны ужаны  
сузэр'ёсыз уг ке юртто, со чидатске, ужамтэзы сярысь бубизлы  
но уг вера. Ужасьтэм муртэз Маша уг яраты, — Онисьлэсь ужам-  
тэзэ серек'яны кулэ, — шуэ. Узыренызы вылтияськемен Онисез но,  
семьязэ но Маша уг яраты. Соны матынэсь луо Оляен Аннокен.

Эш'ёсызлэсь кыче дйяськемзэс чаклан но Олялэн йыраз уг  
пыр, со усто ужамлы, зеч дышетскемлы синмаськыс ныл. Аннок,  
Маша кадь ик, начар муртлэн нылыз, дйсь вош'янэн йырин солы  
öвöл. Собере Аннок визьмо, усто ныл луса но, исаменызы чем  
пумиськылэмен, востэм, возьдаськись будэ.

Катёкен Лизаен. Онисьлэн вырссэзлы адзем каро. Машалэсь ужаны косэмзэ санэ уг поно, ужлэсь палэнско. „Ми крестьян ныл'ёс ёвёл ни“ шуо соос ас сярисьтызы. Онись сямен ик, туэй диясьскон, Ырзэс чебер сынан пумысь уногес малпасько. Алама диясьскем муртэз серек'яло.

Кыкназы та ныл'ёс кулак нылэн сьбраз кыстиськыны выро, солэсь верам кыл'ёссэ йыразы пырто но собере, асьсэлэсь малпамэс музэн, мурт кыл'ёсын верасько. Аннокез Онись исан дырря, соос Онисьлэн урод лэсьтэмезлы юртто. Школае дышетскыны ветлэмлэсь куддырря пегало, нунал'ёссэс Онись дорын ортчыг'яло. Музон ныл'ёсын умой эш'яськемзэс ум адзиське ни таослэсь.

Азязы чеберьяськыса, Онись соослы ас дэрэм'ёссэ кузьманы чектэ, зэмзэ ик кузьмано ке лусал, верам кылэсь со ёй быдэстысал. Тини сыче кулак нылын эш'яськеменызы, Катёкен Лизаен сбрисько. Нош соослэн Маша аказэс гажанзы бырымтэ на: Онисьлэсь умойтэм вырссэ валаса, со бордысь соос палэнскозы.

Павол. Ялам ёрмыса, куанерен улэменыз, чидаса улонлы сётскем. Пизэ — „чида, эн кереты нокинэн“ — шуса валэктэ. Вуж власть дырря куанер муртлэн быдэс куараен ваземез уг луы вал, сое лапак востэмен, зйбытэн улыны косылызы, котькыче ваземзэ ымйылызы. Пумит вазыны дйсьтэ ке вал, кык-куинь полэс юн куасалтылызы.

Онисьлэсь ассэ умойтэм воземзэ адзыса но кулак нылэз со уг тышкаськы. Ныл'ёслэн кусыпсы вайяськем бордысен тэргаськеменызы сэрэн, аслаз кулакен кусып сбриськемлэсь кышка. Солэн кулаклы тырон'ёсыз уно угось. Ырзэ ке кур кариз кулак, со вань курон'ёссэ али ик куроэ ук. Кытчы пыроз на соку куанер Павол?

Онисьзэ вылтйаськисен со адзе, аиз но сыче ик шуэ. Аизлэсь вылтйаськемзэ Паволлы тодыны уногес усе. Паволлы кулак родня ке но луэ, улэм-вылэмзы соослэн ог кадь ёвёл, огзылы огзы кыдэкин сыло: огез кукчась марке, мукетыз кукчам мурт.

Пинал'ёссэ Павол ужаны косэ. Машалэсь ужамзэ со туж умоен лыд'я. Машалэн сюрэстйз мыныны валэктэ пизэ но. Павол пинал'ёсызлы шудыны шудон жыт лэсьтыны эрик сётылэ. Дышэтсконэз кулэ каре, пинал'ёссэ школае ыс'я.

Петыр. Чиданлэсь кыдэкин со бунтарь. Атайзэ но, Маша аказэ но со туж гажа. Соослэсь верамзэс кылзиське, кулак нылынь ваче пумит луытозь. Солэн Онисен огзылы огзы азь палан тушмон луонзы шбдске ини. Онисьлы мытыны, очкарыны со котьку дась. Онисез эксэй кышно лыдэ пыртэ, со ласянь исамес каре. Кос'яськемез яратисьтэм кулак нылэз со ас косэм'ёссэ быдэстытыны вылысь нюрьяське, солэсь вылтйаськемзэ вормыны турттэ. Аннокез бёрдонэ вуттись Онисьлы Петыр шудонысь кошкон чектэ.

Онисьлы ке пумит луэ Петыр, со нош Онисен серемес карон ныл'ёслы дурбасьтэ. „Анноклэн батырез моя луо“ — шуэ. Кулак нылы адзем карись сузэр'ёссэ пыкылэ со, барошняосын чошатэ, куддыр'я „эксэй кышноен“, „эксэй нылын“ но ниманы вутскылэ. Сузэр'ёсызлэсь узыре потыны выремзэс адземез ик уг поты

солэн. Куд ласянь узырмоз куанерлэн нылыз, кызы уиськоз на узыр ныл сьбрь? Талась пёрмытэээ умой йбндыре ини Петыр. Соин сузэр'ёсызлэн выремзы солы тумошо но потэ, йырзэ но кур каре.

Катёкез но Лизаез Онись асэныз ог радэ, мыдлань уж лэсьтэм ласянь, пыртыны турттон дырья, Петыр сузэр'ёсыз пала кариське, сузэр'ёссэ кулак ныллэсь вис'я. Озы вис'я со кулаклэсь нылзэ куанер муртлэн ныл'ёсыз бордысь.

Калык азын зэмез мечак вераны Петыр одиг но уг пыкиськы. Ужлэсь со уг пега, боры но мерттыны дышем. Петырез туж гажаса възьматэ Майоров. Революция вылти Петыр кадь пиос кулак'ёсын, классовой тушмон'ёсын зол нюрьяськисьёс луо, сыче мурт'ёс тушмонэнызы ноку но уз урьяське, солы уз пыриське, солы уз сётске.



## Кедра Митрей

(Вордскиз 1892 арын)

Кузоньсен Пермаети Сибире ортчись бадзым сюрес вылын Зури ёросын Эгра село сылэ. Село — выр йылын, котыртиз Лозо шур бызе. Удмурт область кылдэмлэсь азьло, Эгра куинь уезд'ёслэн гож дуразы лыд'яськылиз: Сарапул уездлэн гожез дорозь татысен 5 иськем вал, Малмыж уезд гож дорозь 18 иськем. Бадзым сюрес кузя калык пумтэм-йылтэм мыдмыдлань ветлылоз вылэм.

Кедра Митрей со Эгралан 1892 арын шорлыко крестьян семья пушкыя вордскем. 1904 арын приходской школаын дышетскыса бытэ. Одиг толэз гуртаз ортчытыса, Зурие двухклассной школае мынэ. О.ын 14 аресысен ик инмарлы оскисьтэм кариське, эксэй пумысь но малпаськонэз мукетлань воштыське. Политика уж-пумен вырись П. Конев дышетись солэсь син'ёссэ усьтыны багатэм.

1907 — 1911 ар'ёсын Кедра Митрей Кузоньн учительской семинариын дышетске. Отысь сое праватэк улляло, „инмар ваньлы уг оскиськы“ шуэмез понна. Собере Кедра М. куинь ар чоже кыстаськыса ветлоно луэ, пöртэм мастерскойёсын ужалля, ды-рын-дырын зуч газет'ёсы статьяос, заметкаос гожтылэ.

1912 арын сизьыл Вуж Зятчалан, дышетисе пырыны вылысь, экзамен сётэ. Полида син улын воземенызы, сое дышетисе 1914 арын гинэ кутто. Со арын ик Кедрез армие басьто но Амур вылысь Благовещенске келяло. Татын со „Эш-тэрэк“ трагелизэ книгаен поттэ. Октябрьской переворот луэм бере, Кедра большевик'ёслэя штабазы Иркутскын но Читаын ужа. 1919 арын тöдьыослэн армиязы мобилизовать каремын. Берлогес Тасеев ёросысь горд партизан'ёс пöлы кариське. Горд армиясь сое 1920 арын Вяткае ысто.

1920 — 1923 ар'ёсын Кедрез Зуриын но Дебесын югдытон ужпумын ужасен адзиськом. 1923 арын гужемысен со „Гудыри“

газетлэн редакцияз ужа. 1928 арын сентябре, редактор ужелзсь локыса, сое Глазове югдытон ужпуме-ик пукто. 1930—1932 ар'ёсын Кедр Москван педагогической научно-исследовательской институтын дышетске. Собере со Ижевскын пединститутын дышетэ, научно-исследовательской институтын ужа на.

## Киын сюрло берга.

— Нэнэ! кылid-а туннэ чукна тылобурдоослэсь кырзамзэс?

— Соос котьку кырзало ук.

— Ой, нэнэ! тувнэ соос дурыстэм шулдыр кырзасы. Чирдо, чирдо... Кызы гинэ уг зильырto! Кыче чебересь соослэн кырзан гур'ёсы! Жужась шундыез соос сокем шулдыр пумитазы ук.

Аран куспытяз тазы вераське кузпаллы бызьыны вуэм ныл. Тылобурдоослэсь чукна кырзамзэс со нокызы уг вунэты, шулдыр гур'ёсын чирдэмзы сюлмаз пыдло пычам. Аслаз но солэн мылкыд капчи, кырзамез потэ, кырза:

Шундые, шундые.  
Тон шудо шундые!  
Туж чебер пиштйськод.  
Котькинэ шунтйськод.  
Адйськод котьмае,  
Потйськод югыттэ.  
Тон мыным возьматы  
Луоно кузпалме..  
Кыче со, кыты со —  
Муспотон гажанэ?..

— Оломае но кырзаны шетьтэ та, Дыдык! Ма, аран дырья но кырзалод-а ма?

— Мылкыд капчи ук, нэнэ. Ым ачиз усьтйське кырзаны. Учкы, куазь кыче шулдыр. Сюлэм вёл-вёл кошке! Бурд'ёсы ке лусал, оло кытчы но лобзисал... Нимы но тылобурдолэн нимыз. Бурд'ёсы гинэ уг окмо. Малы со озьы?

— Я, ара ини, ара удыстэ.

— Э, удысэ, удысэ, зарни удысэ!

Удысме нуыны  
Кин юрттоз ин мыным?  
Сезьымес араны  
Туж мбэмыт огинян..

— Паймисько мон тыныд, дыды. Огнад уд араськы ук сезьыдэ. Учкаль, көня кузя асьмеос тытын...

Зэм ик, удыс дурын дас мурт ара. Удыслэсь бур палзэ Дыдыклэн бубиз, Вортча Пужей нуэ, паллян палзэ — мумызы, шораз Пужейлэн кен'ёсыз, пиосыз, нылыз.

— Эк, нэнэ! — кужмысь вера Дыдык, — уд валаськы тон монэ, уд валаськы малпанме...

Нюлэсэ, нюлэсэ,  
Паськыд сьод нюлэсэ!  
Тон кинэ ватйськод,  
Тон кинэ ласяськод...

— Гондырез! — куараез окмымон кеське пичи Бетко. — Потоз ай гондыред кырзан шорад...

— Уть, эке! Эн поттылы татын солэсь нимзэ. Нюлэс пушкын ужаськом. Кылоз, вожзэ ваёз, — мумызы Беткоез алэ.

— Бен серем потэ ук, нэнэ, Дыдыклэн кырзамезлы. Кинэ со вите, кин солы кулэр?..

— Пичи на тон, эке, — Дыдык вазе.

Сюлэм эктэ,  
Сюлэм тэтча..  
Лэчыт сюрло  
Кыин берга —  
Вуэм шелез  
Куажак вандэ.

— Нэнэ! — кырзамысь дугдыса, мумиз шоры Дыдык вазьке. — Тынад но вал дыр ныл ар'эсыд. Тон нош кырзатэк а улид меда?

— Тон, дыды, бётъыртондэ туннэ уд куштиськы ни лэся. Ортчем ар'эсыз-а тодэ вайылод на. Мар но ой вал вылды егит ар'эсын, — юн пыдлось шокчыса, удысаз мыкырске Дыдыклэн мумиз.

Шлач-шлач! гинэ арам куара кылыське. Вортча Пужей, со ик Ворчия Миколай, аслаз быдэс семьяеныз берпум кулига пушказ сэзы ара. Ужасьлы Вортча Пужей уг ёрмы. Семьяез бадзым луэм'я, ачиз со мойы бвёл на, туэ гербер вылти мырдэм 50 ар тырмиз. Мөнняя кышноез, аслэсьтыз ньыль арес мойыгес ке но, ужаны туж пазырес, 54 аре пырөмез уг шёлскылы али, ужтэк пукыны уг чида, удыс дурын но кен'эсызлы уз сётскы на. Пиос, кен'эс — ужась воргорон'эс. Одыгез но синтэм-пельтэм яке суйтэм-пыттэм бвёл — ваньзы кочон кадесь. Ньыль пи пöлысь куинез кышноямын. „Уа-уа“ карисьёссы но вань ий кыкезлэн. Бетко нимо пиез гинэ Пужейлэн юмалгес на.

Дыдык — кузпаллы сётымон луиз ини. Дыдыкез Иларий поп, Степанида шуса, ниманы косэм вал но, Мөнняя ас сяменыз, Дыдык ним повиз аслаз пичи дыдыезлы. Мумизлэн ним сётэмез'я ик нылзэс нимало. Кенак'эсыз но „Дыдык, Дыдык“ гинэ шуо, Степанида нимзэ поттылысь но бвёл.

Шонерзэ верано ке, Вортча Пужей кен'эслэн ним'эссы быдэн кык, быдэн куинь но шуыны луэ. Нырысь пумоез ним'эссы — Пурга, Эгра, Маля. Таце ним'эс — мумы сётэм ласянь ним'эс. Кыкетй пумоез ним'эссы — Мардан ныл, Мото ныл, Бачкей ныл. Кузпаллы бызем бере вылкышнолы таце ним сётске. Пужеен Мөнняян кен'эссы шоры та ним'эсын вазькыло. Та сяна, поплэм черкын сётэм ним'эсыз вань на. Пурга, Эгра, Маля шуэм'эсыз поп кылэм-адзем уг кары, дьяволлэн сётэм ним'эсыз, пе, со. Тйни озыы Пурга но Пурга бвёл ни, Пурга интые Дарья луиз. Эгра нимез Марья воштйз, Маля нимез Малань. Вортча Пужей но, со сямен ик, Ворчин Николай пöрмиз. Пиос но черклэн ним тыронэзлэсь өз мозме, ваньзылэн кык пумо ним'эссы.

Пургаен Эграос али кузпал'эссы вöзын арало. Дыдыкен Беткоен мумызы бордын.

Дыдыклэн та высь вераськон, кырзан мылкыдыз жутскемын,

Оломае но тодэз вайыса кырза. Сюрло ке кутэ, сюрлозэ дан'яны кутске. Культо ке жутэ, кырзан гурзэ культолы кузьма. Нюлэс шоры учкыкуз, нюлэсэз лиятэ... Сыче ни Дыдыклэн сямыз. Со сям — туж вашкала сям, даурьсь дауре одигез адями бордысь мукетызлы палаське. Дырын-дырын Дыдыклы малпаськылон йотылэ. Нунал'эс ортчем'я пумен чем но чем малпаськылэ. Ма сярсь малпаське — ачиз но уг тоды. Куректонлы, Жожкоилы инты бвёл, улонлэн шугез-секытэз сое өз нюртылы на. Кытысь, малы медам таче малпаськон ныл йыре пыра?

Кылем тулыс куазен Дыдык шур вылын уясь юсьёсыз адзиз. Кык юсь — кузпал'эс. Зэм ик, дунне тазы кылдытэмын вылэм.

Дыдыклэн но бечейёсыз (брат'ёсыз) кузпал'яськемын. Нэнэез но, бен, бызэмын ук. Пичи Бетко гинэ огназ. Со понна ик со пичи на угось. Нош Дыдык но огназ улэ на ук. Тини кытысь потоз вылэм малпаськон.

Кин, бен, кудиз пи солэн сюлэмаз кельше? Сое Дыдык вераны уз быгаты на. Нырьсь пумиськемез ик солы умой потэ кадь вал. Умойгес эскериськем бераз, бырьськыонлэсь кулэзэ шбдэ. Чумой Васлей чебер кадь но, ойтод, вераськем куараез шонгылес, пельёсаз гон потэм. Пислег Ожмег укыр кузь кыскыськем, оло инэз ик йырывыз пыкыны медэ, ачиз восьтэт, куссэ лек төл чигтоз. Боры Камашез ке верано, таиз пуклэк но пуклэк, гурезь йылысен довгы но со туп сямен погылляськыса васькоз, но кытчэ но уз кудза.

Луыло ук дуннеын Дыдык кадь бырьськысь, тэргаськысь ныл'эс. Сю полэс котэ таза лу тон, одигез пиньыд кырыж-мерьж будэмын луиз ке, со тынад из'янед тэргаськысь ныллэн синмаз мертчоз ини.

Егит пиос шоры чем-чем учкылэ ини табере Дыдык. Кудиз меда мыным ярано кадь луоз шуса малпа. Тани мумияыз валче гинэ улийсь Дангыр но вань. Нырыз, ымдур'ёсыз чебересь вылэм, сын'ёзыз но туж визьмо учко, сюлэмез ик чогыр-чогыр карыса порто, вырето. Нош... малы медам солэн пыд'ёсыз сиес кыч кадесь, пыд'ёсыз артэ уг вуыло. Йырыз но бадзым, токма шорысь „мушко йыр“ өз шуэ вылды. Солэн йыр вылаз лэг'эс вань на, Бетколэн мыжык'ёсыз быдзаесь. Со быдзаесь ке но бвёл, лодига быдзаесь луозы дыр. Туж шотэм каро адямиез таче лэг'эс. Ой, кошкемыт та Дангыр!

Юамлы пумит верамысь Мбня чалмытскем бере, Дыдык нош ик кырзаны кутске.

— Гажанэ, мусое.  
Пог ини бусые!  
Аралом сезьымес,  
Чуп каром ог огмес...

Жыныо луиз Дыдыклэн кырзанэз. Пумитаз нюлэскысь кырзам куара кылыськиз Гуныдиз Дыдык. Арамысь дугдиз. Сезьы кырымзэ сюрлоеныз йыр вадесаз жутыса сылэ. Шокамез но оло кысиз лэся. Чебер-а, бен, бвёл со шоры учкыны. Мугор веськыт, бам'эс — ягмулы, син'эс — чагыр буртчин кысьто...

Дыдык гинэ өвөл: солэн кенак'ёсыз но нюдэскын кырзасьлэсь кырзамзэ кылзйсько. Чылкыт куара чуз'яське, луд вамен выжыса, тэлэ шоры шуккиське. Кырза пиосмурт. Кырза, Дыдыклэн кырзан гураз итйськыса:

— Мынйсько мон дорад,  
Муспотон гажанэ,  
Ваисько бусыад  
Кисьтаськись сюрломе.  
Аралом огазын,  
Яратон Дыдыке,  
Чектэмдэ ин азын  
Возьматол табере.

— Э, быри, быри; — куалектиз Дыдык. — Кин меда кылиз кырзамме?

Сезыы кырымзэ керттымтэ культояз Дыдык сэрытак куштэ. Соку ик ымнырзэ саесныз шобыртэ. Тылын пыжись бам'ёссэ кенак'ёсызлэсь ватэ.

— Верай мон тыныд, гонд... нюдэс нюняез өтиськод шуса, — пичи Бетко серек'я. — Табере мын ини пумитаз.

Сик дурысь писпу лысэз пужалляса Дангыр потиз.

„Чатран люкет!“ — малпа ас понназ Дыдык.

„Чатран люкет“ шуонэз нош чатраны уг но малпа вылды, арасьёс пала вamyш'я. Мугорыз солэн олань-талань бекырьяське, чөжлэн ветлэмез кадь адске. Паськыт пельпум'ёсаз али гинэ нием сёр ку ошемын. Йыр вылаз пыдэстэм выль сарва изыям, бадяр куар'ёсын чебермам. Ачизлэсь но бадзым, жужыт луэм тазы Дангыр.

Арасьёс арамысь дугдизы, ваньзы учко Дангыр шоры. Витён-тэм вылысь татчы вуэмезлы абдрало.

— Кужмо кариське ужаны! — капчи мылкыд сётись куараен кыдёкысен ваза Дангыр.

— Тау, эке, зеч кылдылы, — пумитаз Вортча Пужей вазиське.

Куасалгыса пуктылэм культоос доры вуыса, Дангыр сёр кузэ, сарвазэ но ас вылысьтыз кыске, культоос вёзы сайулэ лачмытэн понэ. Кус керттон е куспысьтыз сюрлозэ поттыса, пельпумаз жабырскытэ. Тирзэ, пуртэсэн валче езе но музэ куштэ. Арбериезлэсь мозмытскем бераз, лыктэ удыс дуре.

Чыжектым бамо Дыдык араны мыкырське, чал-чал ара. Дангыр шоры гырпум ултиз гинэ лушкемен учкылэ.

— Шудыр ик ветлйськод тон, эке, — Дангырез Пужей пумита.

— Ныллэсь кырзамзэ кылэм бере кызы уд кырза. Кырзась выллэн пумитаз мон кырзан гурен вазиськи, — серек'яса шуэ Дангыр. — Асьтэос но тй туж шулдыр кырзаса араськоды вылэм... Я, буба...

— Мон буба уг луйськы на тон поннад. Мынэсьтым пересэсь пересэсь вань.

— Я, иське, вармай...

— Тинь, озь веть ялам... Кызы мон тыныд вармай луйськем?!

— Шудыса гинэ мон верасько. Вождэ эн вай. Бызьмон ныльд вань дырья тонэ вармай но шуыны возыт өвөл ни...

— Я, пересь, мон веть туннэ тилед араны лыктя. Ми нэнэ-нын асьмелесь кулигамес толон араса быттйм.

— Тау, эке, Зеч мылкыдыдлы.

— Кинлэн удьсаз, бен, кутском ини?

— Кинэ ке гажаськод, со борды ик султод,— одигез Пужейлэн кенэз, серемзэ паль поттыса вера. Син'ёсыз солэсь но трос верало, Дыдык пала воьматом.

— Я, иське.

Кема малпаськытэк, Дыдыклэн аран удьсаз султыса, Дангыр тысё-шепо сезыез сюрлоеныз омыр'яса вандылэ.

— Нэнэ! Мон дураз, събрад султо—шуса, Дыдык аслаз мумизлэн урдэсказ султэ.

— Нэнэ! Мон но събрад султо,—пычкылэм нерге карыса, Дангыр вера. Кырымзэ сезыен тырмытыса, аслэсьтыз куссэ шо-нергэ.

— Котькытын аралэ. Ойдо, аралэ гинэ,— шуэ Мөнния.

— Ой та, нэнэ!—вожзэ поттыса сямен, мумиз пумитэ Дыдык вазе, ачиз виль удьсаз мыкырске.

Дыдыклэн вöзас Дангыр ара.

— Мон нош тйляд вискады султо—шуса, пичи Бетко мерске. Кеч така музэн со Дангыр бöрсьы тэтча.

Коня пöл интыгысь интые вош'яськылызы на та егит'ёс—ум вералэ ни.

Пужей ачиз но, кышноез но, кен'ёсыз но, Дыдыклэн Дангырен йыринтэмзы шоры серек'яса учко. Ваньмызлы ик тумошо потэ соослэн выремзы. Котькудизлэн мылкыд вапчи.

Удыс азьпала вамыштэ. Дангыр огназ жынызэ омыртэ. Удысэ вош'яса но бере кылэнэз со уг вала.

Бератаз Дыдык но чусомиз: Дангырен артэ кебертэк ара. Арам сезыы кырымзэс одиг культое тыро. Кык мурглэн культо туж сэрыт чожме. Дангыр керттылэ, культо вöзы культо пунктэ. Аранзы шуласа кошке.

## Вуж улонэз возьматон.

Та лыдзем веросмы—Кедра Митрейлэн „Секыт зибет“ нимо кузь веросысьтыз (романысь) нырысь люкетэз басьтэмын. Автор вуж улонэз возьматэ со книгаяз. Солэн гожтэменыз али улонмес чошаймы ке, пöртэмзэ туж уно шетьтомы.

Веросын возьматэм мурт'ёслэн ним'ёссы—Пужей, Мөнния, Бетко, Дыдык. Та винысь со выллем ним уг тыро ни. Сөбере поплэсь ним сётылэмзэ адзиськом на, аслаз мылыз потэм'я со ним тыре. Революция попез палэнтиз, сотэк нош туж умой ним кутэммы луэ.

Вортча Пужеез, быдэс семьяеныз, нимаз кулигаыя арамен адзиськом. Колхоз'ёс табере музон сямен арало: ваньзы огинин, семьяен-семьяен вис'ятэк. Сюрлоос сяна, аран машинаосмы, трактор'ёсмы вань ини. Пужейлэн кулигаез но колхоз бусыен огазьямын, тынад-мынам лудэ шуон быремын.

Вуж улонэз, ужамез нош Кедра шонер возматэ, син азе всяк пуктэ. Пужейлэн семья пушказ ужаны быгатисьёс тырмыт. Ваньзы ас кужыменызы ужало, ужзы шулдыр кошке. Зеч уж — адямилэсь мылкыдзэ но вылэ жутэ. Котырысь инкуазь но ас мылкыдэн ужась муртлы чеберен адске: тылобурдо зильыртэ, шунды пиштэ, кырзам куара нюлэс шоры шуккиське, аран удыс шула.

## Чеберман кыл'ёс.

Веросын возматэм мурт'ёс лыдзисьлы вунонтэм луоноесь понна, соослэсь туссэс, выремзэс автор маин ке чошатыса сётэ. Тани пичи Бетко „кеч така музэн тэтча“. Бетколэсь шортчи вылэмзэ, удыс дурын интыгысь интые сэрыт вошкылэмзэ умой шодиськом. Пужейлэн кен'ёсыз, пиосыз — „ваньзыс кочон кадесь“. Та кыл'ёсысен соослэн юн вылэмзы адске. Боры Камаш нош „пуклэк но пуклэк, туп сямен погыльскыса васькоз, нокытчы уз кудза“. Камашлэсь зёк но быгылес вылэмзэ, небытсэ, ужаны пазырес луымтээ, солэсь сумбырессэ зечгес валаны тазы верам кыл'ёс юртто.

Кенак'ёсыз азын возьдаськись Дыдык „тылын пыжись бам'ёссэ ватэ“. Возьдаськон — тыл ёвёл, пыжны со уг быгаты. Нош татын автор возьдаськонэз бам пыжисен возматэ. Шунды синмын сылсь муртлэн сямен ик возытэ вуэм адямилэн бам'ёсыз чыжгорд луо. Соин автор татын, кык валанэз чошатыса, тылэсь пыжны быгатэмзэ возьдаськонлы сётэ кадь. Басьтом на таче веранэз: „из'янед тэргаськись вылэн синмаз мертчоз ини“. Чаг, йыды кы, вень кадь лэчытэсь макеос зэмзэ ик мертчыло. Нош татын „син мергче“ шуса верамын. Дыдыклэсь котькуд ласянь сэзь вылэмзэ возьматыны понна, солэсь номыриз но адзыгэк кельтымтээ умой валатыны понна, автор лэчытэсь макеослэсь качествозэс синлы гожтыса вера. Тазы чебермаса гожтон кыл'ёс метафора нимасько.

Куддырья лултэм макеос но асьсэос выремен, кытчы ке мынйсен возьматэмын луыло. Тани веросысь таче верамез шетьтиськом: „удыс азыпала вамыштэ“. Удыс ачиз уг вамыш'я, сое арасьёс азинто. Татын удыс, лул'яса кадь, возьматэмын. Сое олицетворение шуо. Озы ик „аранзы шуласа кошке“ шуон олицетворенилы пёрме.

Веросысь таче верамез лыдзиськом. „Пислег Ожмег укыр кузь кыксыськем, оло инэз ик йырыныз пыкыны медэ, ачиз востэтэ, куссэ лек төл чигтоз“. Ожмеглэн жужытэз но востэтэтэз лекос юн будэтыса возьматэмын. Инэз адями йырыныз ноку но уз пык, куссэ но адямилэсь асьме төл уз чигты. Сыче ноку луонтэмозь будэтыса верамез гиперболо шуо. Куддырья марке сярэсь туж пичиятыса но верало.

Автор, туж чем дырья, веранэз вакчиятыса сётэ. „Чебер-а бен ёвёл со шоры учкыны! Мугор веськыт, бам'ёс — ягмульы, сян'ёс — чагыр буртчин кисьто“. Веран ке но вакчиятэмын, лыдзись мурт вала. Вакчи верамез сэрэн, Дыдыклэн таза но чебер вылэмез син шоры уката зеч пуксе. Тазы вакчият'ян сямез но чеберман амал шуэммы луэ.

## Пиме сѳризы.

Мон Саля гуртысь пересь Дурга луисько. Дорам зеч мылкыдын лыктэм муртэн тяпыртыны туж яратисько. Улэм-вылэм сярысь вераськем потэ.

Ляб, мѳйы сивмыным та дуннеез учкисько-учкисько но, номырзэ уг валаськы ни. Аслам кузпаллы быземе туж чем тодам лыктылэ. Оло кытчы кыдѳке, кылонтэм-адзонтэм интые монэ кузпаллы сѳтызы. Милемыз черкын венчат карытозь, нэнэе мыным эмеспизэ но ѳз возыматылы. Зэмзэ ке верано, ачиз но ѳз адзылы. Огыс-татысь кылыса, узыр, умой уло шуса, 60 иськем ѳроскы монэ бызьытызы. Соку арлыды мынам 22 лэся лыд'яське вал. Нэнэ кунулаз кадь дораз нуныяса воземен, номре но дуннеесь тодытэк улий.

Кузпалылэн бубиз туж лек сямо вылэм. Ѳжыт маке мыдлань ужам понна, гондыр сямен гурзылэ, гудырья вал. Дисьтытэк, кышкаса улий. Со мѳйымы кулэм бере, кузпалы мынам мукет луиз, вошкыз, аракы юныны дышиз. Кудзыса, монэ токма шорысь чем жугылиз. Одыг кыл но вераме уг лу вал. Трос мыжык'ѳс сии. Уйбыт-уйбыт бѳрдыли. Пинал'ѳсмы но данак вал. Бубызылэсь кышкаса, дѳймыса, коскась луизы, куатьсэ шай вылэ нуимы. Курадзи, юн курадзи.

Ойдо, ѳок шуод ини вылды. Сыче улэм-вылэм быриз, кузпалы но кемалась кулиз, бубыез борды ик ватим. Одыг пие но кык нылы бордам кылизы. Туж секытэн ворди, будѳти. Улэме куанермиз, юртэ куашкан доры вуиз. Малпасько ке, кузпалылэсь шай вылысь султэмзэ но витисько кадь, оло дышем бере, мыжыктэк но улыны секыт лэся.

Ар бере ар ортыса, пие воргорон луиз, войнае мыниз. Кык арлэсь кема салдатын кыстаськиз. Гуртэ бертэм бераз мон сое ѳй тодма ин. Книга, газет лыдзыса улэ, бускельѳсты ѳтчае кенешыны люкалля. Озыы уй-нунал'ѳссэ ортытылэ. Мон арлыдоесь пиос, кышноос, кырыз синмын со шоры учко, коммунист вылэм шуо.

Таиз оло умой лусал на вал, солэсь но уродэз ке ѳй вадсаськысал. Пиелэсь улэм-вылэмзэ абдрано гинэ луисько. Бубизлэсь юон сямзэ уг возы, черке уг ветлы, попез коркамы но пыраны уг лэзь. Инмарез вунѳтиз, уг вѳсяськы, войнаысь бертэм бераз кымсаз кирос понэмзэ ог пол но ѳй адзылы на. Табере нош кышнояськиз. Оло кытй мартй со ужез луиз, ѳй но шѳдылы. Бласловенняме но ѳз куры, венчат ѳз кариськы лэся. Умойтэм, умойтэм улэ. Кабен пиме сѳризы, оло вылаз син уськытызы. Туноез-пелляськисез ѳтѳно вал. Оло бен шурысь ваем выль ву ке вылаз пызгысал, тупаткысал дыр. Сола кычезэ пелляськисез но бырйыны уд вала, ѳрмод соин.

Ма гинэ бен та вераме! Солэсь но юн паймоно кадез вань. Э, туклячиосы, кудросы, мусоосы! Тазэ кызы вераны но уг тодйськы, уг валаськы ук. Кыл но уг шетьтыськы. Куар вѳсь вылти кенэлэн пиез вордскиз. Сола мон туж шумпотй. Табере кинэ ке пинал возись шетьтоно шуса малпай.

— Ку нуныдэ черке пыртыны нуод — шуса, пиме юай.

— Малы отчы нуллод, кулээз өвдл,— пие шуиз.

Мынам куарае ик гуньдиз.

— Кыззы бен солы ним сётод?— нош ик юасько.

— Ним поним ни. Ким солэн нимыз,— шуэ.

— Озы шуэм бере, мар юам-верамме но вунэти.

Пиналзэс но черке дз нуллэ, мудор'эсмес но гуртын сутызы. „Э, шузиосы! Инмар улын ветлыса, сое вунэтиллям“— шуса, малпасько. Ким нимо экемы шоры ке учкисько, оло зэм ик инмар но өвдл лэся шуса, ас поннам верасько. Ким чик висьытэк будэ, тэтча, эктэ, серек'я, шудэ. Озь но а лым ачим оскытэк, нунылэн йыролтэс улаз корт качы понй. „Нуныез чер алямлэсь лэчыт корт возьма“, пересьёс шуыло вал.

Кузпалыным улэме тодам лыктыса, таҕе малпан'эс но йыре пырало: „Чэм-а меда пие кышнозэ-пёрасьсэ жугылоз? Сотэк кышонмурт визьмо уз луы“. Та дырозь жугиськемзэс ой шоддылы на. Огзэсты огзы яратыса уло, уртче ужало. Собере нош тазэ кытысь кыллод-адзод вал? Жытл а быдэ пие кышнозэ книга, газет лыдзыны валэктэ. Ачиз но кенэ вольыт гинэ лыдзэ ини. Абдрасько гинэ мон соос шоры учкыса. Сёризы ик дыр пиме шуса куректисько.

Вераськыны мон туж яратисько. Дорам ветлылэ, мусо туклячиосы. Туннэ супыльтэме понна эн лекатэ. Котырысь йырсазь кошкем бере, ма карод на.

## Муз'ем люкон.

Милям туж чебер, гуртамы таза агрономез ыстызы. Агрономмы бускель пимы ик удмурт шедиз. Муз'ем ужаммес учкиз но тазы вераз:

— Бускельёс! Умойтэм ужаськоды. Учкелэ: муосты убо кадь сюлэгесь. Гырыны, усяяны, кыеданы но сое уз луы. Жаг гинэ муз'емдэс басьтыса улэ.

— Туж мыдлань ужаськом,— герман пленысь бертэм калык'эс шуо.

— Тон, иськавын, милемыз валэкты. Мдйы калыклы визь кенеш сёт. Одыг но соос милем уг оско.

Собере агрономмы гурт кенеш'эсамы лапак ветлыны кутскиз, выль сямен муз'ем ужанлы, ю-кидыс, турын кизёнлы валэктылиз.

— Токма дыр тон мадиськод,— куд оgez оскисьтэм мурт'эс шуо.— Кыззы со луоз, возьматы али милем.

Озы вераськем бере, агроном исполкомын черк муз'емез басьтиз но калыклы возьматон бусы пёрмытиз.

Ми бускелен люкаським но сизыым бусыен табере ужалом шуса пуктим. Зеч ужмы умой кошкоз дыр шуса, малпаны бдьям. Малпам'я чик оз луы.

Шунды пуксён азын жытазе гуртысьтымы узыр'эс чуштыр-

чуштыр гинэ куспазы кенешыны бгазе люкасыкызы. Отчы Микаля поп но, вузкарьс Габи но лыктыллям.

— Монэ муз'емтэк шат кельтоды?— бёрдыса сямен поп вера. — Пинал'ёстэс пыртиско, бубыостэс вбсаяско, кулэм'ёссэ инме, союз дуннее келяско. Табере оло монтэк-а улоды?

— Тонтэк милям улэм-вылэм секыт луэ. Куанерлэсь визьзэ согыны быгатискод, милем юрттискод,— Габи шуэ.

— Тонэ ум вунэтэ, ум куштэ, батько. Муз'емдэ берлань тыныд берыктом, — ваньзы люкасыкем кырныж'ёсмы поплы верало.

— Агрономдэс уллялэ,— поп валэктэ.

— Вашкала сямен муз'еммес ужалом,— Сели Иван шуэ.— Кыедам муосме мон кытынось сёто? Война дырья ваньмыз пиосы мынам гуртын улизы, ужазы. Бускельёслэн пиоссы войнаын калгизы. Асьме сэрэн соос бз куанерме.

— Сизыым бусы ум поттэ, ум поттэ — шуса, ог кылысь луса, узыр'ёс кошкызы.

Со арын ик милесытым агрономмес музон волосе воштызы. Ми агрономтэк кылимы.

Узыр'ёс улэ шедемен сизыым бусыен ужанмес вунэтим. Черк муз'еммес нош ик Микаля поп кияз басытиз. Оло кызы вузкарьс Габи но со муз'ем котыре бинялскиз. Асьсэос уг ужало, милемыз ик мед'яло. Кылемзэ муз'еммес нош люким. Му вылам лыктыско но зар-зар бёрдыско. Валэным берытскеме уг лу, вакчи, сюлэг. Вичак куанер'ёслэн озыы.

— Ужаны кужымо кариске — шуса, серек'яса, шултыса ми дортимы Габи кузё пара валэн кошке.

— Уждылы инмар мед юрттоз — шуса, ми вадсыти поп гойыса орче.

Зеч муз'ем узыр калык киекылиз. Чапкиском, йырмес ошыса чыртымес кормаском.— Мар тазы карыны лэзим шуса, куректиском. Эрикмы киямы, озь но зёк кёт'ёслы сётскиском.

Ар'ёс ортчизы. Совето кунмылэн ваньбурез юматскиз. Милям гуртамы но вылысь агроном вуиз. Вичакызлэн куачер бускельлэн нылпиез комсомолэ пырыса дышетске, визь люка: муз'ем бергатон ужез сзэ-сзэ валаны кутскизы. Кузь тол'ёсын кут кутан, пбзь керттон, мертчан черсон, вурискон куспазы пудо вордонлы но, бакча емыш мерттовлы но, уно бусыен ужанлы но дышызы.

Пинал'ёслэн тодэмзы юн будыз. Пересь, пурисытам тушо калыкез но пумен валэктытэк бз кельтэ. Табере тодэм-валам вылысен, Габи кузёмылэсь но ымзэ шымыртымы. Зёк кбто Сели Иваны но паськыт син'ёссэ лушкемен гинэ кырыж-мерыж бералля. Микаля поп чалмытскиз, ас йбназ пиньёсыныз зукуртэ.

Чебер куазен шунды пиштон нуналэ луд'ёмес шори-шори люкылим. Гурт кузёлы луд пыдсы муз'ем сётам. Та виысь милям куать бусымы. Муосмы паськытэсь, пасьталаен кузьдалаен ог кадесь. Турын кизиском, пудомес возьмасен вордйском. Мукет гурт'ёсын пудозэс кион'ёс кесяло, пе. Сыче уж'ёсыз тодэ вайыдон милям быриз.

Шудо-буро мед будозы пинал'ёс! Бад'ым тау Совето власть-мылы! Солэн ыстэм агрономез визьлы валэктыз, солэн крестьянлы эрик сётэмез юртмес пыд йылаз жутыз, улонмес капчи кариз. Нош комсомол туж зеч маке со вылэм. Киям кутыса дыб-дыб вешаме потэ, сокем яратисько сое.

## Выль сям'ёслэн улонэ пычамзы.

Одиг веросаз автор пересь Дургаез вераськытэ, мукетаз — пиосмуртэз. Соослэн вераськем пыртызы авторлэсь кин пала зечкын, кин пала уродэн малпамзэ валаны луэ. Дургалэсь супыльтэмзэ серем пырты ке но лыдзиськом, солэсь асьмелы матынзэ адзиськом. Пиосмуртлэн верамысьтыз гуртын классовой нюр'яськонлэсь мынэмзэ шёдиськом.

Та верос'ёс 1923 арын гожгэмын, со вакытэз ик возъмато но.

Дурга — пересь ини, вуж сямен улыны дышемын, ёрмонэз, курадзонэз трос адземын, вань улонэз пеймытын ортчем. Улон-вылон воштыське, революция бере выль сям'ёс пыро. Дургалэн пиез вöсьясконэз куштэ, инмарлы уг оскы, мудор'ёссэ сутэ, кышнозэ уг жугы, грамоталы сое дышетэ, пиналызлы кылымтэ ним сётэ. Ваньмызлы таче уж'ёслы пайме пересь, вуж сям'ёс пушкы со ачиз нөдэмын на. Озь но, пиез шоры, кенэз шоры учкыса, соослэсь но, пизылэсь но улэмзэс эсэпласа, пересьлэн вуж сям'ёсыз шонаськыны кутско ини. Инмар өвөл шуыны азьвыл ой но дйсь-тысал, ой но малпасал. Табере солэн осконэз пумен төла, визь-нодэз солэн, туж пыкытэн ке но, ялам будэ.

Кулак'ёс гуртлэсь уно муз'емзэ киултыса возьылызы. Начар'ёс, муз ем окмытэ улэ пачкаса, кулаклэсь муз'емзэ кулак вылэ ужал-лязы. Со мултэс муз'емзэс кулак'ёслэсь кызыы ке но таланы кул-вал. Гурт'ёсы муз'ем люкон ужпум вöлмиз. Поп'ёслэсь но кулак'ёслэсь муз'емзэс гурт калык пушкын люкылон уж лякытэн гинэ өз ортчы. Со котырын туж лек вал классовой нюр'яськон. Шуг вал соку сюлэг полосаен ужан сямлэсь но люкыны, трос бусыен ужанлы но дышетыны. Выль сям'ёс ас эрказы уг пыро.

Габи кузёлэсь, Сели Иван кулаклэсь, поплэсь но туссэс Ке-дра Митрей туж умой адзымон возъматэ. „Куанерлэсь визьзэ согыны быгатиськод, милем юрттыськод“ — шуэ поплы Габи кузё. Татысен валаськом ини поплэсь кин вылэмзэ: куанер'ёслы со тушмон, визьзэс сура, вöсьясконэн йыринтэменыз со кулак'ёслы юрттэ. Трудовой крестьян'ёслэн муз'ем люконзы дырья поп гойыса ветлэ, Габи кузё шултыса ворттылэ. Куанер калыкез поп инмарен кышкат'я, инмареныз ик соосты исамес каре.

Совето властьлэн гуртэ ыстэм агрономез трудовой крестьян'ёслы юрттысь, валэктись луэ. Тужгес ик егит'ёс, комсомолец'ёс гуртын азьмынысь луо. Выль улон котыре соос жоггес жабырско, соосын чош тушмонэз вормыны капчигем. Муз'ем люкон ортчемин нош нюр'яськон бырымтэ на. Попен кулакен чалмытскизы ке но, соос пивьёсынызы зукурто, син'ёссэс кырыз-мерыж бералляло. Тани-тани лушкемен вылад тэтчозы. Соин сак улоно, классовой туш-мон син улысь медаз ышылы, котьку тодоно — кытын со мар лэсьтэ.

## Обокат.

1. Палсин Микта. Обокат, узыр'ёслы пырыськись аямаи, ачиз куанер.
2. Овера. Сельсоветлэн төроез, пыртос, узыр улэ.
3. Кион Иван. Сельсоветлэн членэз.
4. Камаш Миша. Гурт кузё пи, удалтымтэ нерге.
5. Палага. Палкышно.
6. Зымыр Ёгор. Куанер ульсь бускель.
7. Зумья. Пересь кышно, ёрмыса ульсь марке.
8. Продотрядник.

### НЫРЫСЬ ЛЮКЕТЭЗ

*Сельсоветлэн корказ.*

Микта. Верамме гинэ кылзйське. Мон умойтэмзэ уг вера. Мынам сямен ке. ёз луы, синмам сязэ яватэ.

Иван. Я, вера, вера, Со понна ик тон обокатмы. милям.

Микта. Сыл али, дугды али! Кытчы, тырттэм шыкыс, мерс-киськод!

Овера. Ёжит ти каньылгем вазьылэ. Мон азиям чаш поттись-коды.

Микта. Эн куареты! Мон тыныд юрттэмен гинэ старшинаын уйд. Монтэк бускельёс тонэ гуртамы ой пыртысалзы. Узыр лусал шат тон,— куашкам штаниен татчы лыктид ук. Мон сэрэн улыно-вылыно корка возиськод. Жоген инме тубод ини...

Овера. Ма токма зулиськод. Ужзэ вера... Тон но, Микта, тыр-мостэм кёт. Дорам куноямысь уд дугдылиськы. Ялам винаен сек-тасько, пинал'ёстэ но сюдылисько. Кук'ёсыныд-йырыныд валче астэ мыным вузад ини... Я, ужмы сярись вераськом. Дыртыны кулэ. Разверскаез сэрят тырмытоно. Чуказе ём ке сётэ, монэ сьобразы каре нуозы.

Микта. Кемалась озьы вера вал. Мон азиям тыныд „мон но мон“ шуыны одиг но уг тупа. Котыкызы шу, асьмеос огмытэк огмы улыны ум быгатиське на ай... Табере ма сярись вералом на... Озь веть, кыл куспы пырыса, тон ужез сёриськод.

Иван. Ойдо жоггем, Микта. Асьмедыз со кион'ёс уз вите ук.

Микта. Ачид тон кион!.. Ёсэз пытса, мултэс калык медаз кыл. Кёня пуд ю-нянь асьме гуртлэсь куро?

Овера. Кык сю пуд зег, кык скал, вить парсь, ньыль сю курегпуз, жыны пуд вей...

Иван. Ма-ма, сокем тупыттэм!

Микта. Визьмыд ке уг тырмы эн мерскы, нюлэс пи, мунчо мурт коскатон люкет.

Иван. Бен трос ук, Микта.

Овера. Сое асьмелэсь уг юало. Чуказе чукна ваньзэ та вераме исполкоме вуттоно.— Ём ке нуэ, мынэсьтым куме ик ниозы.

Овера. Куанер муртэз эн исалэ шуса, веразы мыным. Узыр'ёслэсь гинэ октэ шуизы. Табере кинэ асьмелы пёсятоно луоз меда?

Микта. Овераен Микта обокатэн-ноку но уз тыре. Азьло ик тазы верамен пуктоно. Ма понна асьмеос сельсоветэ бырьемын.

Со мында ужаммы вьлэ<sup>т</sup>нош-а курадзома? Уг, уг сёты, ноказыы но уг сёты. Кышканэз өвёл, люканы быгатом. Мыным оске, мон валэкто. Нырысь ик вичаксэ пиостэм кышноосты ньылдалом. Соос понна дурбасьтысь уз шеды.

Иван. Мёйы Зумьямес ум вунэтэ.

Овера. Со доры мынэммы остэ карем луоз. Солэсь скалзэ поттоно. Парсез кык.

Микта. Асьмелы соиз яралоз. Собере Зымыр Ёгорез маялтоно. Съёд пуны музэн со куспамы пырыны турттэ. Ситэк, ютэк сое вордыны кулэ. Мед шёдоз кужыммес.

Камаш Миша. *(Бызьыса пыре)*. Марым, марым...

Микта. Ма марым?

Миша. Тятяе марым, тятяе ыстиз. Дас вить подводлы, марым, вал пе куро.

Иван. Э, со шайёс! Одиг но эрик уг сёто.

Миша. Марым, Овера, тонэ ётизы. Жог пе лыкты. Тятяе бызьса, марым, бызьса ик мын шуиз. Туж пе дыртыто, марым.

Микта. *(Овералы)*. Я, мын, бадзым туш. Валме кельты. Отизэ ми лэсьтом. Эк, Зымыр пиез йёскадь пызьыртом на! Мыном, Кион.

## КЫКЕТЙ ЛЮКЕТЭЗ.

### Ульчаын.

Палага. Егор, Егор!.. татчы лыкты ай!.. Сэрыт вамыш'я. Кылид-а, адзид-а, Егор? Ма сярэсь събсьёсмы кенешо? Ньылдам пуппы Микта тынэсьтыд юдэ поттом шуэ.

Егор. Кытысь сое тойдид, кин вераз?

Палага. Ачим, ачим мон кыли. Зумья кенач доры мыныкум, Микталэсь Овера доры пыремзэ адзоно луи. Пёлазы ик Кион пи но вал. Нош ик ма ке но умойтэм пуктозы шуса, мон събразы корказе пыри. Вань вераськемзэс кыли.

Егор. Ма, бен, кенешо?

Палага. Тини верай ук. Неномыртэм йыры кур.

Микта. *(Лыктэ)*. Ма сьлыськоды?

Егор. Тонэ, обокат, витиськом.

Микта. Мар монэ витед! Мон нокинлэсь но витемзэ уг возьмаськы, котьку азыло ачим вуисько.

Егор. Кыче мар вьль иворед вань?

Микта. Зечез өвёл, уродэз вань. Вераны ик секыт. Тон, пикок, 30-35 пуд зегдэ дася ай. Тон но, Палага, 20 пудзэ потты.

Егор. Тыныд-а со мында сётом, паськыт ньылон...

Палага. Эк эк-эк! кызы вераны ик уг валаськы ук. Тьрттэм кеносысьтым, сион шедьтытэк, шыр'ёс пегзизы ини. Маме басьтыны медиськоды на?

Микта. Кема вераськыны мон уг ваньмиськы, жог дасялэ! *(Кошке)*.

Егор. *(Микта събры мыжыксэ сзэ'я)*. Шедэз ай тыныд чырты берад!

Палага. Тьфу! нокутчы лэсянтэм лытэм урд! *(Микта пала сьлэ)*.

Камаш Миша. *(Бызыса лыктэ)*. Палага! Марым, мын валдэ, марым, подводэ сёт.

Палага. Ма, шузимид-а, мар-а тон? Мынам валэ ассэ Жут'-яны уг вормы. Кыдэке-а соин вуод?

Миша. Я кыткы, кыткы, эн вераськы ни, марым.

Палага. Кытын-ось мон кышномурт сое кытком. Кулэ ке, кытке асьтэос.

Миша. Ачил, марым, ямшикаса мын.

Палага. Нóш собере пиналме тон-а нонтод?

Миша. Со сярсы мон тонэныд уг вераськы. Марым, подвод сёт.

Палага. Иське, кыткы но мын ачид. Утча, возь вылын мынам валэ.

Егор. Астэ, Миша, малы уд кыткиськы? Учкы али, кыче тон ымныро-мугоро куаем.

Миша. Тятя... марым, тятяелы верало.

Егор. Коть ваньмызлы чер'ёслы урттылыськы. Мынам кеберы но ёвл.

Зумья. *(Бодыен лыктэ)*. Э, тол гудыри шуккон'ёс, пери шоры йётон'ёс! Кылэмды вань-а, пинал'ёсы! Скалме кыль басьтон'ёс таланы медо ук.

Миша. Ай парсьтэ но нуозы.

Егор. Эй, чуш'ял! Мойы муртэн озы вераськиськод.

Палага. Кытын тынад возьыт буред, чуж акаедлы кызы шуиськод!

Зумья. Таче октос'ёслэн куке возьытсы луоз-а бен?

Миша. Начар-куанер калык, марым, ака уз лу мыным.

Зумья. Э, куртчаныги кутон! Кóтты пилиськоз ини. Калыкез вóсь карыса улэменыды узырмиды. Мынам выжые ёвл тон, ёвл. *(Кошке. Кунулысьтыз бугорез усе но ёр кыреме погыльске. Бугорлэн сйныс пумыз бодыез борды бинялскыса кыле)*.

Миша. Ты сэрэн кóня дыры ортчиз. Тятяе, марым, табрезэ тышкаськоз. *(Жог кошкины ёдя)*. Марым... *(Пыдыз золскем сйнысээн сёлтаське но, кизэ азь пала куштыса, погра. Палагаен Егорен гой-гой серек'яло)*.

Миша. *(Султэ. Сынмысьтыз синвуэз потэ, ымнырыз луоен наштаськем)*. Ы-ый, марым! Марым'ёс! *(Кошке)*.

## КУИНЕТЙ ЛЮКЕТЭЗ.

### *Сельсоветлэн корказ.*

Микта. Гуртмес мон туж юн тодйсько. Кин кызы улэ, одигтэм валасько. Ма ас гуртэз гинэ, быдэс волосез, быдэс улосэз тодйсько. Пал ке сянмы, со палыз но зол адзе. Гожтэт лыдзыны уг ке но валаськы, ваньмыз закон мынам ки улам...

Продотрядник. Ма зулиськод. Пелям ик жангыртэ ин. Жог-а косэм'я люкәлоды?

Микта. Али ик, али ик со дась луоз. Туж чылкыт ми ужаськом.

Продотрядник. Куанер калыкез уд-а ёрмытыське?

Микта. Ум, ум, Куанер бускельлы ми юрттйськом.

Овера. (*Пыре. Сьбраз Кион Иван лыктэ*). Я люкало ия пу-  
мен. Кой-вй но, зег но дась луоз.

Иван. Кудиз уггем сётскы. Даллашонэ медаз вуттэ вал.

Микта. Ыстид-а октыны?

Овера. Вуттозы ин.

Продотрядник. Кытын подводэ дасям вал'ёсты?

Овера. Ульчаыя вите.

Продотрядник. Етизэ валдэс мыным сётэ ай. Люкам  
юдэс исполкоме али ик ыстэ! Кык скал вае.— Тодиськоды веть,  
тёдыосын ожмаськонмы лек мынэ. Горд армиез няньтэк возь-  
ны уг лу. (*Потэ*).

Микта. (*Сьбраз мынэ*). Соиз понна эн кышка. Нимы но мы-  
нам бытырзэ обокат луэ. (*Кошке*).

Овера. Эк, сьлэм ик капчи луиз. Синмам мертчем чаг кадь  
улэ вал.

Иван. Көня мултэсэз луоз, шори люком уть.

Овера. Дырыз вуоз ай, люком.

Камаш Миша. (*Бызыса пыре. Кымесыз лызвож пыктэмын*).

Марым, марым...

Иван. Нош марым вуиз.

Овера. Ма луиз?

Миша. Марым, марым... пёртмаське отын.

Овера. Кытын, ма пёртмаське?

Иван. Умой-умой, дыртытэк, чиньедлы быдэ, нимаз-нимаз  
кылдэ вера.

Миша. Озы ик, бен, верало ай. Марым, Зумьялэсь парсьсэ  
Микта поттыны косэм вал. Мон гидэ, марым, пыри но, отысь  
олокин жуштыса, гурзылыса вылам тэтчиз. Марым, суйтим ик  
кутэ вал ини. Урттэ ик мынам котырысьтым пегзиз. Тусь вамен,  
марым, погыльски но, олокытчы пеймыт гуэ вуи.

Овера. Сюр нош кытысь шетьид?

Миша. Палагалэсь, бен, шётэм валзэ кыткыны мыни но, ма-  
рым, шой кадь урдэс йылаз кылле ук. Быжтйз золти но, марым,  
чыж-жиз ук со мыным... Кытчы вуэмме но ой вала ни. Отчы ик  
шузими.

Микта. (*Дыртыса пыре*). Э, лыкто ук со кулэтэм'ёсыд. Киязы  
зыр кутылллям.

Иван. Нош тон, Микта, соосты визьматыны уд-а мар-а  
быгаты?

Овера. Тон, Микта — обокат. Котькыче быректэм вуэз кын-  
тод. Ми потом татысь. (*Мукет ёсэти потыса кошка*).

Миша. (*Корка шортй берга*). Быри, быри татчы мон. Марым.  
Э, марыме! Гуньдиськод ни. Сьлмы, сьлмы марым, пилиське ини.

(*Укное йыгасько. Миша гур сьбры ватске*).

Егор. (*Корка пыре*). Озы ти ялам куанерез куасалтиськоды!  
Туштыд кыскало! (*Учке но пайме*). Кытын Овера?

Палага. (*Зумьяен пыре*). Кион'ёс, сьбсьёс! Валме но быттизы.  
Табере валтэк кельтизы!

Микта. Ма луиз, ма луиз?

Зумья. *(Бодыеныз сээ'яса)*. Быттид, быттид вань улэмез, зичи! Кылемзэ но синдэ кокчато.

Микта. Дугды али, дугды али, пересь кенак...

Егор. Сэто мон тыныд дугдаль! *(Мыжыксэ урдьса Микта вылэ тэтче)*.

*(Микта бызьыса педло пегзе. Соос сьбры ик Зумьяен Палага но пото. Педлось кема кылкуара кылйське. Собере каллен чалме)*.

Овера. *(Кион Ивлэнэн пото)*. Кошкизы лэся. Асьме котыре гинэ медаз вутске. *(Осэз пытса)*.

Иван. Көня, бен, кылёз?

Овера. Трос эн вераськы. Шори гинэ ке люким, окмоз асьмелы. Ужаммы токма уз луы. Микталы эн поттылляськы. Мон солэз валзэ подводэ сётй.

Иван. Октэм юдэ мыным тон возьматы.

Овера. Я мыном, учком. *(Кошко)*.

Миша. *(Гур сьбрысь потэ)*. Ой сюлмы, сюлмы путэ. Пут пилыськыны медэ. Учкы, кыче жугиське. Мае мон нош тоди али. Марым, тятяелы туннэ ик верало. Кытын мед-а юзы ватэмын? Сое, марым, ад'зоно вал.

Микта. *(Юн шокаса, огеныз кыыныз кымессэ, кыкетйеныз тыбырзэ возьыса пыре. Жуштэ)*. Я, обокат лэся каризы. Жугизы, дйсьме кесязы... *(Пукон вылэ пуксе)*. Ма пайдаез табере потиз... Кин, ма понна мон сокем выри? Э, об-бок-каат! *(Йырсиоссэ кыска)*. Визьтэммем ин тон. Км... ачид куанер улэм бере...

Миша. *(Сэрегисен)*. Микта!

Микта. *(Кылытэк)*. Куанерез тон жаля вал.

Миша. *(Матэ лыктэ)*. Обокат!

Микта. *(Тэтче)*. Тон, гын тул, малы татын?

Миша. Ю, Микта, люком.

Микта. Люко мон тынэсьтыд кудэ. *(Мишаез чырты бертйз кутыса өсэтй донге)*. Котымае тодйсь!.. *(Аскымесаз мыжга)*. Законник, обокат! Кем, кем тыныд! Озы кулэ вал, кемалась кулэ. Узыр кузёослы, сьбсьёслы эн юртты. Азыпала визьмо луод.

## Кулаклы адвокат луись Микта.

Туж чем дырья кулаклы шорлыко но куанер улысьёс, подкулачник'ёс, юрттыло. Кедр Митрейлэн сыче подкулачник „Обокат“ пьесаяз возьматэмын.

Продовольственной разверсткаез октон вылти, сельсоветэ чурт-наськем кулак'ёс асьсэлэсь сьбд ужзэс быдэс'яло: куанер'ёслэсь, палкышноослэсь ваньбурзэс кыскало, берпум нянзэс, пудозэс окто, октэм ю-нянез асьсэлы лушкало. Озы соос Совето властьлэн нимыныз Совето властьлэсь уж'ёссэ кырыжатыса возьмато калыккы. Асьсэос тод'яськемен кулак'ёс исатэк кылё. Бадзым тушо Овералэн улыно-выльно коркаез вань, эксэй правительстоен данэ поттэм мурт со, старшинаын улэм. Кулаклэсь сьбсь луэмзэ возьматыны вылысь, Иван кулакез автор „кион“ шуса нима.

Палсин Микта кук'ёсыныз валче кулаклы вузаськем ини.

Овера дорын куноямысь со уг дугдылы, ялам отын вина юэ. Ачиз туж визьмо, уно тодись луэмен, солэсь узыр'ёс кылзйсько кожа Микта. Соин ик со Кион Иванэз „тыртгэм шыкыс, визьмыд уг тырмы, эн мерскы“ шуыны дисьтэ. Зэмзэ ке верано, кулаклы пыдулчи, кулаклы адвокат гинэ луэ со. Ассэ сое кулак'ёс ваньштэмезлы быдэ пöяло, валзэ но подводэн келяло.

Берло гинэ „ваньмыз закон мынам киям“ шуса уш'яськись Микта ачиз кин вылэмез сярэсь валатске. „Куанер луиськод бере, куанерлы юртты вал“— шуэ ини со, сое бускельёсыз жугем бере. Серемесэ ке но уськытэ Миктаез автор, сое шонер сюрес вылэ потгэ. М. Кедра та пьесаеныз куанер'ёслы классовой сознание шетьтыны, обществоын ас интыязы султыны, ас интерессэс валаны юртгыз.

Пьеса гож'ясь писателез драматург шуо. Пьесаяз автор мурт'ёсты куспазы, куддыр'я огназэс вераськытэ. Ачиз автор возьматэ мурт'ёсызлэсь пырем-потэмзэс, лыктэм-кошкэмзэс но мар гинэ пус'е. Сыче гож'ям'ёс скобкаос пушкы пыртэмын луо. Мурт'ёслэн куспазы вераськемзы д и а л о г шуса нимаське. Пьесаын огназ вераськисьлэсь верамзэ монолог шуо.

Микта ассэ уно тодйсен, сельсоветын кивалтисен лыд'я. Озы малапамез солэн мыдлань: со кулаклен кивалтосэз гинэ. Со — ачиз котырак пöям мурт луэ. Собере кулак пи Миша со туж серемес возьматэмын — вераськемез ласянь но, выремез ласянь но. Таче „Обокат“ кадъ пьесаосыз комедия шуса нимало.

Камаш Миша сярэсь öжытак вералом на. Мурт ваньбурез асэзтэм вылысен, со ымныро-мугоро куаем но гын тул кадъ будэ, сютэм вал но сое чыже, парсылэсь но со кышка. Удалтымтэ нерге йöскадь вераськыны но уг быгаты. Ы-ый марым! марым ёс — вань веранэз солэн. Кулак шöмыз нош котькытчы вутске. Лушкам юэз люкыны со дась, куанер'ёсты куасалтыны быгатэ ини. Начар-куанер калык со понна родня но öвöл, куанер чуж аказэ со ултия.

## Вожмин.

Ас юртысьтыз Наталья толон потыз, кылем уез со муртлэн юртаз кöлиз.

„Табере таиз юрт тынад луоз, — шуизы солы колхозэ пырись бускельёс. — Öжыг ке но, пе, шуныт коркан улод“.

„Я, ма бен шулдырез! шимес, мöзмыт уг та муртлэн юртаз, чапак пудо бусыын кадъ“.

Озы малпа Наталья, валесысьтыз султон дыр'яз. Пыд'ёссэ музэ лэзиз но, „ыш-ыш“ шуса черетскиз, голык пыд'ёссэ кезыт пол чепыльтыз.

Валес но валеслы лэсянтэм. Зукыртись пу кровать вылын куштэм вуж мешок'ёсы куро тыремын, кровать улэ куро пырыос куашканы вуиллям ни. Шобрет но вуж кесяськем сукман гинэ. Уез куалек'яса ортчытйськод ойдо марке со. Кузпалыз бордаз вал; тйни куазь жомытэн ик кытчы ке бускелё потэм ини.

Кровать ёс дорын сылэ, соин уката кезьыт. Гуразь пал — Маланьлы сётэмын. Маланьлэн бубиз — колхоз тёро угось, сьолмо адями. Натальлэн но кузпалыз, Пичи Микаль, гурт понна тёро луэ, сельсоветлэн членэз со. Нош озы но аслаз семьяез сярсы уг сьолмаськы. Тини кезьыт ёс доры карьяськиз.

Натальлэн жыны арес'ем нылыз Зечыретын кылле, котмем мугорыз лызэктэм ини, бёрдэ. Нылзэ Наталь кёс зустьрие бинялтэ, нылыз кизьнылэ, кызйылэ. Кынманы шедем ёс дорын. Маланьлы умой, со коркалэсь шуныт азьзэ басьтыз, пиналзэ но со гур азьын шунтэ.

Корка шорын пичи корт гур сылэ. Эсты вал сое, пу ёвёл, маин эстод.

— Эк, та Микаль! курадзон вылэ вуттиз семьяез! — вожзэ вае Наталь. — Пу понна коть сьолмаськы вал. Нош ик валэс ю кидыс люканызы потыз дыр. Ялам мурт'ёс понна, ялам мурт понна выре.

„Я малы татчы пыроно вал кулаклен юртаз? Мед пырысалзы бускельёс. Чубой Иванлэн нылпиез, семьяез юриське луоз“.

Аслаз чукинэс пичи вуж корказ бертэмез потэ ини На альлэн. Зэм ик, ваньмыз кулэ арбери солэн корка пушказ ки улаз вал, сэрегисен сэрегозь мултэс вамыш'янез ёй вал. Собере огназ со улиз ук. Татын нош тини Малань но вань на. Одыг гур дурын кык кузя луизы.

Гур дурын Малань шаркетэ, пбра ини лэся. Арес'ем пиез паськыт зус вылын погылляське. Тини отын Маланьлы но шуныт, пиналызлы но лякыт.

Маланьлэн умой сэрегын улэмезлы вож'яське Наталь. Микаль-зэ ки улаз шетьтысал ке, со тавиысь солэсь гонзэ пурзытысал. Нош педло потыны мылкыд уг тырмы таче лек төл вылти. Калыклэн кадь дйськут но ёвёл, дйсьлэн шёбез гинэ пельпум вылын шонаське, сое төл сйс'я, куазьлэн кезьытэз лы пушкы пыре.

Наталь тазы малпаськон куспытй, корка нылкышноос пыро. Педлосен бус жутске, пол шорти питырськыса мынэ но, борд доры шуккиськыса, валлань урдске, собере Натальлэсь кияз кутэм пичи нылзэ омыртэ.

— Пытсалэ ёстэс, пытсалэ, кенак'ёс! — Нунызэ бордаз зыгыртыса, Наталь сьолворе.

Кенак'ёс пытсаса вуо оло уг, отчы ик нош ог дасо арес'ём ныл'ёс-пиос чуртнасько!

— Э, та, октос'ёс! Нылме кынтыса быттозы ини.

Быдэс гуртэз понна ик Чубой Иван кузё вал. Сое визьмо мурт лыдэ понылизы. „Визьмо ке ёй лусал, сое старостаын ёй возьысалзы дыр валляна ар'ёсын, — малпалляз гурт калык. — Токма шорысь-а Иларий поп со дйне гинэ пыра вал. Уратникен но туж тупаса улизы“.

Ар'ёс азьпала мынэм'я, гуртлэн улон-вылонэз сураськиз. Чубой Иванлэсь сйзэ-бурзэ тулыс вуэн кадь гылтизы, та учыре солы пырисьвьись, сое кылзйськись ёвёл нй... Ванез вань на ик, нош таосызлы но со оскиськыны уггес дйсьты нй.

Улон дунне берытскыны кутскем дырысен, гондыр гу кадь гуртазы кыче гинэ калык өз вуылы ни: комиссар'ёс, муз'ем мер-тасьёс, агроном'ёс, дышетйсьёс, дышетскись пинал'ёс но. Огеныз-кыкеныз тупатскысал вылэм Чубой Иван. Нош улэм-вылэмэз'я, со тупатскемлэсь падиэзэ адзыны уг луы. Калык ялам вош'яське. Одыгез кошке, мукетыз вуэ. Ветлэмзылы быдэ Чубой Иванлэсь мылкыдэз сэро, гурт калыклэсь туссэ-буйзэ вошто, малпаськонзэ берыкто.

Тани Пичи Микаль но бурд'яськиз. Медоын улылэ вал, юртэз но маиз но өвёл шуэмлэсь, курег жол тус'ем коркаез вань. Мае со валалоз вал, табере бумага вылэ чаб'яны быгатэ ини. Чубой Иван вылэ чапак 374 манет но 37 коньы выт пуктыны быгатыз. Шарк-шарк гинэ лыд'яське счотэн. „Ижысь но шайысь лыктэм мурт'ёс со котырын олокызы но йыринтизы уг-а, пыд'яськыны туртскись кунян дурын мактал“.

Сыче кунянэн төрозэс лыд'ямез Чубой Иванлы аслыз тумошо потыз. Со куспын ик корказэ таламзы тодаз лыктэ.

Йырбераз тышкалтизы кадь! Гуртазы коллектив кылдытон валлин, сое ас юртысьтыз витентэм шорысь поттизы.

— Пичи Микальлэн юртаз улод табере,— шуизы солы.

Кузё гуныдиз, пумитазы вазыса өз вуы.

— Иське, уг ке яра, Парамон дине мын. Кык сьбсьёс улоды огазын, коммунаен,— исамес каро на вылаз ик.

Чубой Иван ноку но колхозлы пумит уг вераськы вал. Бен сыче выль закон потэм бере, со уг пумитаськы.

„Ужалом вылды колхозын но“,— шуылэ вал.

Аслаз визьмыз мукет. Кузёяськовлэсь палэнэ кылемез өз потылы. Колхозын сое кузёяськисе пыртозы кожа вал.

Вераськемез, малпамез токма луиз. Иж заводьсь бригадир вуиз но Чубой Иванэз колхоз доры матэ но пыртыны өз лэзь. Тини табере ваньэз ваньбурзэ — машинаоссэ, корт уробооссэ, сюдэм вал'ёссэ но мар Чубойлы сьбраз нуыны өз сётэ.

— Гуртлэн чырты вылтиз ворттылид, милям ужаменымы та тынад люкамын — шуса, келязы.

Солэн бер палаз ке чыжысалзы, оло сокем юн вожзэ со ой вайысал. Верам кылзы лэчыт ук!

„Мон-а дасен ули,— малпа Чубой Иван,— уйме но ой кёлалля. Медолэн ужаменыз трос-а улод, ачид ке пёлазы од ужа. Ялам эскероно ук соослэсь ужам бервылзэс. Котькытчы козяинлэн синмыз мед вуоз“.

Али со аслыз кызы ма карыны сюрес утча. Маия ке но йыр-курзэ веськатоно.

Косызы сое юзэ кутсаны, сезыы, йыды кидыс, пе, вай.

— Нуо мон тилед,— серек'я со ас йбназ,— шумпотонэз вунэ-тоды.

Кутсам-төлэм йыдызэ, изыны музэн, гур вылаз куасьтиз, со-бере сое лымыен сураса, нюромытыса, гуртлэн кидыс люкан ке-носаз кисьтиз.

— Уг-а вай кожаськоды. Ваё, гыдык'ёсы! Тани вылам понэм-дылэсь мултэс потоз.

Нокия солэсь ваем юзэ бз эскеры, мертам беразы сусеге кисьтиз но кошкыз. Солэн ю вылаз мукет'ёсызлэсь киськазы на лумбыт.

„Чуж'ем мед кылдоз кидысты!“ — серектиз со ас понназ.

\* \* \*

Таче сьод уж лэсьтэм бераз, Чубой Иван пыре вуж юртаз, Наталь дине. Наталез со ваиз ук карысен сютэм арын. Аслыз кӧня ке ар чоже мед'яса ужатиз. Тини собере Пичи Микальлы бызиз Наталь.

Корка пушкын та виысь калыкез тырмемын: нылкышноос, пинал'ёс отын, йӧл нуыны шуса лыктыллям. Колхозэ пырис'ёслэн скал'ёссы огазе люкамын Чубой Иванлэн бадзымесь гид'ёсаз.

Отчы гуртысь кенак'ёс вожен-вожен ветло скал кыскыны. Кыскем йӧлзэс коркалы быдэ, арлыдыз вуымтэ нылпиы быдэ люкыло. Педлон али кезыт луэмен сэрэн, та калык корка пушкы пыре, аслаз юртаз сямен. Соин ик Натальлэсь сюлворемзэ но санэ уг поно.

Нылкышноос палан Чубой Иван зеч'ясыкыса вераське, Наталез „вордэм нылы“ шуэ, Маланез „чуж-ака ныл“, пе, луиськод.

— Э, кезыт азын пукиськыды! Тиледды жаясь ӧвӧл лэся. Ачим ик шат юртто ини.

Жаяны со уг жая. Нош азбарын, гидэн кеносэн вискын, липет азын сортировка сылэмез со тодэ. Азбаре потыса, кенос кор путэтысь кузь кортчоғ кыскиз но мечак мыниз сортировка дине, кортчоғзэ машина пасе пыдло донгиз, машина пушкы отчыяз но татчыяз кык-куинь пичиесь шелеп'ёс куштиз на, улийсь пичи гайказэ кылатыз.

— Ужалэ ни табере мурт ваньбурен,— ас йӧназ серектэ со.

— Йыр'естэс мед пильылоды та котырын.

Скал гид азе ыбес лэсьтыны дасям кӧс пуч'ёсты собере тирен пулы кораны ӧдяз.

— Тани, Малань, чужодйгед ик юрттоз вылды ялам, вакчиен-вакчиен корам пузэ пичи гур борды поныса, вера со.— Монтэк, тй понна сюлмаськись но ӧвӧл, Наталь.

Гуре тылскиз но отын ик тамак кыскыса пуке.

Наталь самовар пуктоно кариськиз.

— Семьяед'я жӧкед бадзым луоз, Наталь,— зеч'ясыкыса кадь, нош вераськон поттэ Чубой Иван.— Воштод ке, пичизэ жӧкме сето.

Солэн жӧкез та корка пушкы кылемын на. Жӧкез но солы жальпотэ, солэсь бадзым вань мугез мукетыз. Жӧклэн зӧкесь пыд'ёсаз со зарни уксезэ ватэм вал. Пулзэ жутыса, ожонэн гоп'ёс лэсьтылиз, басма зустырие бинем зарнизэ отчы тыриз, собере пулзэ выд ласянь кортчоғ'ёсын ик шуккиз. Юртысьтыз урибери поттон дырязы, жӧксэ нуыны ӧз сётэ солы. Кыззы ке но сое татысь туннэ кӧчытоно.

— Бубаелэн лэсьтэм жӧкез куалан сылэ, туж чебер со, пужыятэмын,— чеберьяське Иван.— Сое пыртом шат, тазэ поттыса.

Пбсь гур дорын Наталь шуназ, мылкыдыз ик капчи луиз кадь.

— Бен воштод ке вошты,— шуэ.— Жбк гинэ мед луоз, мар милем.

— Тау, Наталь, зеч кылылды.

Ульчаны, укно вадьсын ик, воргорон пиез сылэ, Чубой Иван укное йыга.

— Пыр татчы! — кеське пиез шоры.

Верам кылзэ Наталь берлань медаз басьты шуса, дыртэ.

— Та жбкез выль юртамы ну,— косэ пырем пиезлы.— Али ик.

Пизэ келяса потыз коркась. Кбня ке улыса, пичи жбк пыртиз. Муз'ем вылын сылэм жбк пьд'ес пыкмиллям ини, сисьмем азь-эсыз йбзектэмын.

— Шудо лу, Наталь, та жбк сбрын,— шуиз но, сэрытак потыса кошкыз.

Пичи Микаль уж'ес улэ нориськемын. Приказ вылэ приказ вуэ райисполкомысь. Ыстэм бумагаос посйськемын, кудзэ ноказы лыдзыны уг луы, машинаен шуккем'эсаз букваос сайкытэсь бвбл. Удмурт кылын гожтэмаз но чик тодымтэ кыл'ес шедьыло: зус кылын оло мар гожтэмын.

Али тани ю кидыс люкано тулыс азелы, шертоно сое, заёмлы коньдон октоно, налогез, страховкаез чожмытоно, опись лэсьтоно, бумагаослэн пумитазы гожтоно. Мар но мар но бвбл, ваньзэ вераса пумаз уд вуы. Йыр пороме Микальлэн. Таче уж котырын выремез бй вал солэн ноку но. Туэ гинэ сельсоветэ бырзызы.

Пичи Микальлы колхоз тбро бжтак юрттэ ик. Нош соизлэн но тодэмез трос бвбл. Район ласянь ветлйсьэс кудиз лачмытэн, валэкто, кудиз вань ужез туга. Пу ворттысь уполномоченной нош кесяськиз 'гинэ, номре но йбскадь бз 'валэкты. Оло озь кароно, оло тазь кароно табере.

Секыт мылкыдын бертэ гуртаз Пичи Микаль. Бускельэс туж пыкытэн люкало ю кидыссэс, ялам тэргасько. Колхозэ пырем'эс но куд-огез берлань потому шуо. Соослы али ик пе вай трактор. Кытысь ваёд, уг сёто на бере.

— Сиськод-а? — кузпалыз шоры вазе Наталь.

— Вай, иське.

— Мае вай? Дасяд а — пыкылыны бдя.— Бвблзэ но юмес кидыслы сётид лэся. Калыклэсь пбртэм луыны медйськод. Учкы, бускельэс чуритаськыса сёто, асьсэлы азьпала азелы шырьяло.

Озы нуркетыса самоварзэ Наталь жбк вылэ пуктэ. Жбк пул чукинэс пьд'эсыз вылтйз зус пала бжытак гылзе.

— Си тани макня колзодэ! — Пичи Микальлэн нырулаз нянь суқыри донге.— Макняез ым вогырие мбртче нянедлэя. Эшшо начальник, сельсовет шуиськод астэ!

— Я, эн куареты ни... Адбзом ай зеч улонэз...

— Адзйтод тон.

Ббрдыны кутскем пиналзэ азяз кутыса, жбк сбры пуксе

Наталь. Микаль нянь шорылыны султэ. Султыкуз жок дуре йдтскыны шетэтэ. Жок пул нош ик зус пала гылзе. Лек'ясько-нэн сэрэн, Наталь тае уг шодылы. Йд шунам'я нош, жок пул вакчиесьгес пид'ёсызлань пумен лэзьке. Собрее...

Самовар кымалскиз. Быректэм ву Натальэн пиналэз вылэ, ас вылаз но...

Чир-куара корка тыр...

Микаль куалектиз. Гур палась Малань сое азьпалтиз'—самоварез сьорпала чыжыса, жок пулэз кыске. Соку гинэ Микаль кышнозэ жутиз...

Парамонэн Чубой Иван быдэс гурт понна шумпото. Соос куспазы вузкарон ласьян керетыса улыло вал. Али нош соосты ноказы уд люкы ни, тупаса уло.

Микаль дине бускельёс тачак люкаськемын. Пумтэм-йылтэм визькенеш сёто. Наталез Малань ас валес вылаз выдтиз, со дорысь уг но кошкылы. Нылыз котырын Микаль пуке...

— Коли желательно дак, приходи чай пить—шуса, келя Чубой Иван доразы йыромыса пырыны кемдэм адямиез.

Та адями—карысь ыстэм бригадир, заводын ужась. Гуртэ калык изён дырья вуиз но синмаськонтэм пичи вуж коркан начар крестьян улэ дыр шуса, гурт кузё шоры чапак шедиз. Чуконаозь отын пукыса, козянлэсь кин вылэмзэ валаз но мугорыз ик кезьыр-юзьыр кошкиз

— Кытын сельсовет членды?—ульчаысен пумиськем муртлэсь юа.

Возьматязы.

Наталь жуштыса кылле, тёрнам, ыльзектэм мугорыз турбича мактал бичеми. Мудор'ёс улын, сэрегын солэн посьвуаськем нылыз чоньдэмын. Изызы йыраз поныса урдэс зус вылын, шузимем пу сямен, Пичи Микаль пуке. Уйжомем. Малань пиналэз зыбкаын ветта, солэн бубиз полать йыр азьти йырзэ мычем.

Карасин лампа оломазэ чипсыса жуа. Корка пушкын жомыт, вужер'ёсын чожемемын кожалод. Педлось пырем муртлэн син шораз тыл азын кисьтаськись мудор'ёс азьло ик йдто. Мудор'ёссэ Чубой Иван нуыны вуымтэ на, иконостасын сямен соос сыло.

Куректон куректонэн, уж ужен. Пичи Микалэз бригадир каре ыстиз, туж кержек ужен.

Ачиз колхоз тёроез ужаны поттиз.

— Нырысь ик люкам ю кидысэз шертоно. Машина токма медаз сылы. Жынызэ пиос калыктэс пу кораны нюлэсэ келялэ.

Сортировка интыяз пунктэмын. Бергатыны кутско.

— Реж-куаж!—вазе машина.

— Ой-йы!—кеське адями, йырзэ кутыса.

Ки улысьтыз вир вия, чиньыосыз пулсыти кошке. Солэн кымесаз корт пум палдиз.

Машина куашказ, пуштыросэз нэлькиськиз. Таче уж луэмен, ю шертонзы аналмиз. Бергазы машина котырти, утказы-маразы но тупатыны оз быгатэ.

— Есть выход! — кеське бригадир. — Диньшурын заводьсь бригада вань. Соос бордазы кебитсэс но нулло. Крестьян'ёслэсь тупат'яны юри ыстэмын. Отёно со бригадаез.

\* \* \*

Толэзь чоже кыллиз Наталь. Кыче гинэ малпаськон'ёс солэн йыраз өз пыралэ.

— Инмар куштитз вылды муртлэн юртаз пыремен, — жожкы-лиз со куддырья валес дураз пукись Маланьлы. — Кулак нылпиослэн юриськемзы оло шөтаз усиз.

— Кулэтэмез вераськод, — шуэ. — Ачид, бен, лэзид ук со тушмонэз жөктэ воштыны. Тушмон бере тушмон ини. Тонэ-а жалалоз кожаськод? Сисьем куко жөкез тыныд со юри поттитз ук.

— Озыен со озы но..

— Вунэтид-а ин асьмеды гырытэмз!

— Кызы вунэтод, гырим угось.

— То-то.

Муз'ем люкылон вылти вал со. Виль закон косэм'я люкы-лиськом шуса, ог арын быдэс гуртэн муз'емзэс люкылизы. Гурт кенеше юрт кузёос гинэ лыктэмын вал. Чубой Иванлэн валэктэмез'я вань ужзэс нуизы соку. Муз'емез мертан дырья виль межаос гожтоно луиз. Сабанэз бусые ваизы, ныл'ёсты, кышноосты со сабанэз кысканы косизы. Наталенды Маланенды кыткизы, „ти егитэсь, пе, vormоды нуыны“. Чубой Иван ачиз геры борды кутскиз. Серек'я, вал'ёсты музэн чортэ, шудэм валлин пöсятамон шуккылэ сюлоен. Бускельёс гойыса серек'яло, чапкисько.

Зэм, вал сыче уж. Наталь тодэ сое умой.

— Исамес карыса, кыткылизы ук, — ватса Малань. — Аслэсьтыз кең'ёссэ либо кышнозэ со өз кыткылы. Начарез нош сереме поттыны кин локетэ вал солы.

Та сяна но узыр'ёслэн Наталез интэмамзы трос. Парамонлэсь курегзэ лушкад шуса, чыртыяз курег шöй ошылизы, ульча кузя нуллизы, берласянь мырыло..

— Адзиськиз возытэз, съблыктэм йырья! — пыдлось малпа со. — Маин ке соин сютэм лулэз буйгато вал но, сьолэмез юнматыса, нош ужаськод вал со събсьёслы.

— Э, Малань, вождэ эн вай. Мон тыныд вож'яськыля гур пала кариськемедлы. Йыры но кур луыляз..

— Эн ни жожкы я, улом каллен. Туала ар'ёсын зеч мурт'ёс асьмелы юртто. Юрттэмзылэсь сязэ-бурзэ валано, косэмзыя улоно.

— Одиг верам вылысь тань та но тодэ лыктэ.. Арасько вал мон Чубой Иванлэсь, шай корослэсь, сезыызэ. Вазь лымы усиз уга ог арын, тодйськод дыр. Соку вал со. Юэз трос киземян вал, араса өз бытты вакытаз. Уй но нунал. огнам сямен, кыр-масько вал со гөрзектэм сезыызэ. Киосы ик пилиськылизы. Лымыез кырмыса арасько вал. Удыс дуре тылскиськод но араськод. Тыллэн югытэз пиштэ. Ай малы ичи арад — шуылэ вал кузёе. Ачиз картовкаен гинэ сюдыляз..

— Ваньзэ, ваньзэ туэ ик тодаз вуттом ини, вуттом,— кыл куспаз пырыса, уретэ Малань.— Тон кыллы, мон пөрме быдэсто.

Катьяськем бераз, Наталь дышетсыны чектэмзэс өз палэнты. Нырыс ик ас гуртаз лыдзыны, гож'ясыкыны дышетскиз, собере каре но колхоз курсэ мыниз. Пумен дышетскемез'я мылкыдыз капчи луэ, сиямыз пумен паськыт но паськыт усьтиське кадь. Син азысьтыз тушмонзэ уг тодмалля вал, „таре кыдёкысен зынзэ ик кыло“— шуса, малпа ини.

\* \* \*

Гуртаз кенак'ёс пöлын колхоз ужын ужакуз, аслэсьтыз куз-палызлэсь небыт выремзэ шöдылэ Наталь.

— Эк, тае лэсьты вал, сое лэсьты вал, бергатыса ик кушты вал! Ма со отын тяпайтэ?

Куддырья Пичи Микальлэн ужаз ачиз кыткиське. Микаль йырзэ гинэ кормаса учке. Зэм, учкы-ай, кышноезлэн ки улаз уж сэрят пöзе. „Кытчы мерскиськод тон кышномурт!“— кеськысал со азывыл. Али нош аслэсьтыз бере усемзэ шöдэ.

— Дышетэмын уга тон,— шуэ кышноезлы.— Соин сокем пазырес луэм.

— Бен, тыныд сюрес пытсамын-а?

— Пытсад угось,— кочатэ Микаль.

— Мон-а пытсай? Мын но дышетскы.

— Мон уг дышетскы.

Наталь веськытске, Микаль шоры тодматэк учке.

— Кош дорысьтым, матэ но эн ветлы! Югыт дуннеез шонер валамед уг поты. Тани мынам кылы. Али нош ик колхоз курсэ люкало. Од ке мын мара, бордысьтыд таки люкисько.

„Ма та кышномуртлэн вераськемез“— шуса, Пичи Микаль соку курсэ юри өз мыны.

Кышнозэ юнгес кочато кожа вал. Наталь нош сое дорысьтыз уляз.

Солань-талань малпась нылкышно калыкез Наталь ас киулаз кутыны быгатыз. Капчи öй вал со уж. Вуж сям'ёслэсь выжызэс ишкыны лякытэн гинэ уг луы.

Чубой Иванзэ колхозэ пыртон пумысь кышно калык супыльтыны öдьям вал.

— Етинзэ тышкаса, сэстыса көня улыды,— уретыса вера Наталь.— Ужамды понна трос-а дунзэ тыриз? Кöртчалэн сюдэ вал лэся, вемеаз öттыса. Ачиз со көртчал-а сие?

— Малы со көртчал сиоз, сюдэм парсьёсыз вань дырья

— Озы угось... Сюл'ёсты потылымон из ворттиськоды вал солы. Со изваска вузаляз. Кин нош узырмиз? Оло ти-а?

— Чубой Иван лэся...

— Валады-а тебере?

— Ма кызы уд вала.

Советэ выльысь бырьськон дырья, сельсоветэ Наталез бырызы, Микальзэ солэсь, „кулаклы мытыны удгес быгатиськы“— шуса, палэнэ кельтйзы.

Микаль йырээ кормыштыз но каре кошкыз, заводын ужасьёс пушкын визьнод люканы, пёлазы ужаны.

## Кышномурт сайулысь потэ.

Юн курадзыса будэм мурт луэ Наталь. Пинал дыр'ёссэ калыкети кыстаськыса ортчытэм безаз, Чубой Иван кулак дорын батрачкаын но улэм. Улытояз котькыче сантэманээ адзылэм. Ялам зйбем мылкыдын улыса, пумитаськыны уг дйсьты, узыр'ёслэсь керпотэ, соослэсь верамзэс санэ пыртэ. Сычеен адзиськом сое нырысь.

Классовой нюрьяськонлэн лекомемез сое ньыртытэк уг кыль. Нош на бад'зым шуг'ёс улэ шедьылэ со. Шуге усемез—кулак сэрэн. Аслыз юрттысь со начар'ёс пёлысь шетьтэ, магысез ик эшез Малань луэ. Озы, „Вожмин“ веросээ лыдзыса, Натальлэн улэм-вылэменыз тодматскыса, солэсь мылкыд воштэмээ, шонер сюрес вылэ потэмээ адзиськом.

Тушмонэн золгес нюрьяськыны тодэм-валамез солэн ичи на. Дышетскыса, со ассэ юнматэ, улонээ умойгес валаны кутске. Ас съобраз бускель кышноосты но валтэ. Кылем арын, толон гинэ но, сельсоветын Микаль ужаны быгатэ вал. Улон азинскем'я, нюрьяськон амал'ёс пёртэм но пёртэм луэм'я ичи тодйсь муртлы классовой тушмонлы пумитаны пумен шуг луэ. Тае кузпалызлэсь азьло валаны ёдя Наталь, солы дышетскыны мыноно шуса, визь сётэ.

Микальлэн вуж сям'ёсыз тёласа бырымтэ на, кышноезлэсь азьлань сётскемээ уг шоды, кышноез шоры азьвыл сямен ик учке на. Натальлэсь верамзэ лыдэ уг пырты. Соин угось, Микаль бере кыле улонлэсь. Со интые сельсоветэ кышнозэ бырьё, ачиз со та вадескын отчы уг тупа нй: гуртээ валтыны уг быгаты. Соку гинэ со заводын ужасьёс пёлы визьнодээ будэтыны кошке.

---

## Дядюков И. Т.

(Вордскиз 1896 арын)



Ас сярсыстыз Дядюков тазы гожтэ:

„Вордски Ожмос гуртын 1896 арын августэ. Аи вазен шорб-куспо улиз, али колхозник. Вордскем гуртам 1913 арозь гинэ ули, Кельбедин поп тузыса лэзиз. Немешаево гуртын Новокрещенов Матвей кулак доры арзэ 20 манетэн ужаны батраке мед'яськи. Одыг гужем отын ужай /но Сарапулэ кочи. Дуак гинэ интыяськыны ой быгаты, кык арня ужтэк калги, кеч такаос пöлын кöлалляй, полицае но басьтылызы, вылам протокол гожтызы. Сионэ соку урамын лош'яськись чорыг йыр'ес но сыче куштэм мылес'ес вал. Кураськыса ветлыны керпотй. Кык арня ортчыса, Носманлэн колбасной фабрикаяз ужаны кутизы. Жыны ар чоже дунтэк ужай, собере гинэ толэзлы 50 коньы тырылызы. Татын Иван нимме ой кылылы, „гожмо шыр“ вал нимы быттырзэ, 1916 арын арние басьтызы монэ. Германь ожысь бертэм берам, 1918 арын сизьыл, Горд арние ас эрикеным мынй...“

1920 арысен Дядюков Сарапулын удмурт комиссариатын ужа, „Гудыри“ газетэ статьяос, кылбур'ес гож'я. Со дырысен кылбурверос'ес гож'ямысь со уг дугдылы. „Чукна Зардэм“ нимо кылбур книгаез солэн тужгес тодмо. Туж чем дырья Дядюков кылбур'эсыз улэ ассэ „Иван Кудо“ нимаса гожкылиз. Озы ку-тэм мукетнимез псевдоним шуо.

## Уриськисьёс.

Гурезь йылын вож беризь,  
Зегуд кадь ик, вож сылэ.  
Лемлет бамо льоль Ониеь  
Зегуд пöлысь турынэз  
Огөн-кыкен ишкылэ.

Онись сьӧры эш'ёсыз  
Чошатскыса уисько,  
Жуг-жаг турың куар'ёсыз,  
Бӧмен, бӧмен люкаса,  
Сюрес вылэ поттыло.  
Вылысен зарыт шунды  
Тылсиоссэ пазьгылэ,  
Зегуд урись ныл'ёсты,  
Шунытэныз вешаса,  
Чуп карыса зыгыртэ.  
Вож укно кадь, вож зегуд,  
Вож зарезь кадь, вӧл'яське.  
Чылкыт луэм колхоз луд,  
Вож мамык кадь луыса  
Узырлыксэ возьматэ.  
Йӧ гурезь кадь пилем'ёс,  
Тӧллы нялтас уяло.  
Лемлет бамо льӧль ныл'ёс,  
Куспазы чошатскыса  
Нянь далтӧнэз жутыло.

## Улэп.

Солэн пазьгем тыл кизилиосыз  
Мынам сюлэм пушкам  
Пыдло пычало... Учке со,—  
Синзэ вош'ятэк, мон шоры учке...  
Кылтырлыке ляб...  
Ваньзэ ик вераса быттэме уг луы мынам.  
Валасько, монэ гинэ ӧз сайкаты со...  
Вань дунне вылысь пролетарез,  
Ваньзэ ик сайкатыз.  
Солэсь кыл'ёссэ мон гинэ ӧй кылы,  
Вань курадзыса улысь калык кылиз.  
Жильыен дурем дунне сэрттиське,  
Кызыпу гуры кадь юдэсэн палдиське.  
Вань дуннелэн куатьмосэз  
Жильытэм азын горд-горд пиштэ.  
Ини чукнапал шаерысь муз'ем но  
Горд биштыен биштыяське.  
Солэн кыл'ёсыз, динамит кадь, юн пуштыло,  
Пуля кадь, пыдло мертчыло.  
Берлинын, Парижын, Лондонын,  
Нью-Йоркын, Венаын, Варшаваын,  
Быдэс дуннеын —  
Солэн дышетскисьёсыз ужало.  
Жуа, бугырские революци тылжу.  
Вань капитализмо кун'ёсын.

Солэн кыл'ёсыз „милемлы  
Выль улон лэсьтыны кулэ“ шуса,  
Вань дунне шаер тыр ик,  
Гудыри кадь, гудырскыса вёлдисько.  
„Интернационоло общество —  
Коммунизм улонэ потыса,  
Одиг семьяен улыны“ шуса,  
Одиг быдэсэн герзасько.  
Ленинлэн кылыз курадзыса улись  
Калыкез ваньзэ ик сайкатиз.  
Пролетарен уртче герзаськыса,  
Капиталлы пумит чош султыны өте.  
Солэн тазы верам кыл'ёсыз  
„Войналы пумит — война“...  
Вань дунне шаерысь пролетарен,  
Одиг вамышен вамыштыса  
Мынйсь интеллигенцилэн скулмаз но,  
Тыл кизили сямен, юн мертчиз.  
Амстердаме конгресс өтчаса,  
„Войналы пумит — война“ шуса,  
Одиг кылын, одиг куараен чош вазькызы,  
Зор гудыри сямен чош гудыртйзы.  
Солэн кылыз дунне шаер вылысь  
Бисьмен'ёсыз ваньзэ ик быттыны косэ.  
Мыжык'ёссэ юн кырмыса,  
Трибуна вылысен Зырдыт кыл'ёссэ,  
„Искра“ газетсэ сямен, пазя.  
Али но со мынам борддорам  
Тыл кизилиоссэ пазя мынам  
Зырдыт скулэм пушкам.  
Завод'ёсысь секыт молот'ёс  
Зырдам кортэз, Зырдам анданэз дурыло.  
Бадзымесь мартэн гур'ёс  
Чугунэз, ву кадь қизер чыжтыло.  
Комбайн'ёс, трактор'ёс,  
Мукет пөртэм машинаос  
Совхоз'ёсы, колхоз'ёсы,  
Сизьыл бызись ву сямен, бызыса пырыло.  
Солэн — „Ильич“ нимо  
Югыт жуась лампочкаосыз  
Вашкала пеймыт улись гурт'ёсыз  
Юг-юг югыт карыло.  
Ленин кулэмын... Нош солэн идеяез  
Социализм лэсьтон удысын,  
Азьло кадь ик, улэпын кивалтыса,  
Туж кужмо но батыр ужа со.  
Солэн знамя улаз дас миллёно комсомол'ёс  
Одиг вамышен вамышто,  
Куинь ньыль миллёно коммунист'ёс  
Ваньзы ик революци тылжуэн кивалто.

## Пилот.

Пилот пуке кабиназ,  
Рульзэ кияз юн возе.  
Син'ёсыз солэн аслаз  
Сэзь учко азьлане.  
Борт-механик но учке  
Кыче ужа моторез,  
Мотор ужа, жургетэ,  
Пропеллер вандэ омырез.  
Пилотлэн  
Пилот сյүлэмыз юн,  
Дыр вуиз  
Лобзыны  
Омыре.  
Аэроплан  
Бадзым ёрзи кадь бызе..  
Вылын ини со,  
Туж вылын,  
Пилем'ёс улын,  
Ву вылын кадь, уя,  
Жургетэ,  
Куаразэ сётылэ.  
Борт-механик  
Кужмо ужась моторез шоры  
Туж сак,  
Туж сэзь,  
Синзэ вош'ятэк  
Учкылэ.  
Пилотлэн  
Синмыз  
Азьланьын.  
Рульзэ кияз юн возе,  
Картаез но сэрттэмын,  
Чем-чем гинэ эскере.  
Виль ивор'ёс  
Быркыт сямен,  
Туж жог лобзо,  
Одйг час куспын соос  
Кык сյү километр выжо.  
Пилот пуке кабиназ  
Рульзэ кияз юн возе.  
Син'ёсыз солэн аслаз  
Сэзь-сэзь учко азьлане.

---

## Горд Костя.

### Кырзась тулыс.

Зангари син'ёсыз тулыслэн,  
Вылысен учкыса, пальпото.  
Жуасесь син'ёсыз шундылэн  
Жальтыртысь вуосыз мальдыто.  
    Векчиесь шурвуос, ошмес'ёс  
    Жальтырто, мальдыло, чияяло,  
    Шулдыресь калыклы кырзан'ёс  
    Котырысь калыклы кырзало.  
Тулыслэн куараез, кырезез  
Бусыын, гурт'ёсын кылыське.  
Мугорез, мылкыдэз, сюлэмез,  
Малляса, вешаса буйгатэ.  
    Мон тулыс пумитэ коркасьтым  
    Туж капчи мылкыдэн потйсько.  
    Чебересь кылбур'ёс ымысьтым  
    Асьсэос потыны курысько.

---

## Михаил Петров.

### Укно улын.

Укно улын юг-юг тӧды,  
Жужа льӧмпу сяськаед.  
Чукна быдэ сяська пӧлын  
Шулдыр кырза учыед.  
    Учы кырза, сюлэм шудэ,  
    Льӧмпу сяська ворек'я.  
    Вож буртчин кадь льӧмпу куарез  
    Чукна шуныт тӧл сэзья.  
Тӧл сэзьям'я сяська зыныд  
Урам кузя вӧлдиьске.  
Учы кырзам куараосыд  
Чукна шулдыр шуккиське.  
    Учы кырза, учы чирдэ,  
    Шулдыр куара вӧлмытэ,  
    Гурт калыктэ чукна быдэ  
    Учы куара сайкатэ.

---

## Анатолий Писарев.

### Бусы өте.

Пөсь. Шунды пыже.  
Мон бусыын.  
Азямы зарезь —  
тулкым'ясыкись чуж зег  
Паськыт колхоз бусы.  
Чылкыт лыз ин.  
Небыт төл  
Зегез оген лыдзе.  
Иырам суред:  
вуиз ни аран дыр.  
Колхоз калык  
лудын ужа, ара  
Вань бусыез,  
вань ёросэз котыр  
Сэз'ялтиз кужмо  
машина куара.  
Мон адзисько:  
Бусы но воштыськем.  
Чуж зег погра,  
Жнейка культо кизе.  
Ана вылэ  
культо, суслон жутске.  
Уж зол пөзе.  
Онтон дыртэ, вазе:  
— Давай, Петыр,  
чошатскомы кысык,  
Мон сю культо кертто,  
тон куд мында?  
— Ярам... Кык сю...  
Мон кылысько:  
Бусы ужан өте.  
Зег вуэмын.  
Ми дась!

## Я. Софронов.

### Ю бусыын.

Гурт сьöры ке потысько,  
Кизем юэз адзисько.  
Ю бусыын ке ветлйсько,  
Капчи омырен шокасько.

Зарни шундыез уш'яса,  
Вылын турагайёс кырзало.  
Шуныт зорез яратыса,  
Кизем юос будыло.

Юос пушкын будос'ёс,  
Синме йётись лыз сяська.  
Гурт котырысь кыр'ёслэн  
Сюлэм небзытись ю бусы.  
Жытэн, чуken ю бусыез  
Тылобурдоос уш'яло.  
Ог кбня ке дырлы гинэ  
Толэзь югыт шобыртэ.

Ожыт улыса, вадес вуоз  
Кизем юлы чуъектыны.  
Калык дэмен колхозэныз,  
Тирлык кутса, аран потоз.

---

## Филипп Александров.

### Аран дыр.

Туж вылын, льблырась лыз инмын,  
Горд шунды чилек'я, ворек'я.  
Дурыстэм, та паськыт луд вадьсын,  
Дугдылтэк. ас посьсэ со пазя.  
Калык'ёс та виын луд вылын  
Туж капчи мылкылэн арало,  
Ужаса посьамзы соослэн  
Вылтырзэс уятмон кошкыло.  
Му вылысь кисьмаллям чуж юэд  
Та пөсен куасьмыса пештырске.  
Жингыртись виль сюрло куараед  
Омырты шуккиське, чуз'яське.  
Араса, калык'ёс чуж юэз  
Культоен, культоен куштыло,  
Собере куштылэм культоез  
Огазе суслон'ёс пуктыло.

### Вынылэн гожтэтэз.

Толов жыт мон басьти гожтэтэс  
Яратон гажано вынылэсь.  
Шбнгылё кыл'ёсын гожтэмээ  
Лызыса кёт уз тыры солэсь.

Со пичи... Ветлылэ школае.  
Кыкети группаз ни пуксем.  
Тодыны со турттэ котьмае,  
Дышетскон удасын туж чырккем.  
Дорамы отпускын улыку,  
Огазын ужамы гужемзэ.  
Сязьыл пал гуртысьтым кошкыку,  
Со кылиз ужаса колхозэ.  
Со мыниз школаяз, мон — каре.  
Мынэсьтым табере со мбздем.  
Кырыжесь конгылэ кыл чурен  
Гуртысьтым ивор'ёс со гожтэм:  
„Зеч но бур, Олексан агае“, —  
Нырысь ик чур'ёссэ со гожмам. —  
„Чырккемесь анаен атае...  
Колхозысь верасько пбсь салам.  
Тон вырзид ми дорысь. Чук вал куазь.  
Ми соку бусые кошкымы.  
Аранмес быттымэ туэ вазь,  
Вань юэз шырьяса пыртымэ.  
Кутсаимы но өз жега, чик өз!  
Жоглыкен быдэстим вань ужмес.  
Сю возэн кылдытим горд обоз  
Кунмылы сётыны зеч юмес.  
Вал, скал гид лэсьтыло пиос'ёс.  
Кышноос мунчоын сэстйсько.  
Со сяна но туж трос гожтон'ёс...  
Нош али школае дыртысько“...  
Чыдытэк мон лыдзи гожтэтсэ  
Яратон гажано вынылэсь.  
Шонгылэ кыл'ёсын гожтэмзэ  
Лыдзыса кбт уг тыры солэсь.

---

## *Иван Александров.*

### *Эй, мертчы, тйр!*

Азьвыл тэлез ке малпасько,  
Со вал шимес:  
Жангрес лыз кыз,  
Веськрес беризь  
Сылиз шим-шим.  
Огназ гинэ жальыртыса,  
Бызиз ошмес.  
Куддыр шаугетиз

Губрес пужым.  
Нюлэс ваньбур  
Сисьме вал тупыттэм.  
Ой вал сое учкись, чаклась.  
Вужлы нюлэс  
Уго вал кулэтэм.  
Сое огназ кораз,  
Кокчаз сэзь сйзь.

---

Табере,  
„Нюлэс кылэз ке кылысько,  
Тодэ лыкто:  
Корам кор, воз,  
Нюлэс обоз.  
Весь кораськем  
Сэзь тйр куара.  
Быдэс нюлэс  
Уно полэс  
Гурен вазем кырза мара:  
„Жи-и-и! жу-у-у!“ —  
Котыр вазе,  
Вандэ бычкы.  
Кудиз корам'эссэ  
Валэн потта,  
Кудиз сылйсь кызэз кора.  
Учкы — веськрес кыз'эс  
„Жу-у-у! Зып!“  
Муз'ем вылэ погыляло.  
Удар вылэ удар понса,  
Ваньмыз зол ужало.  
Шөдтэк вандэ пила,  
Сюсьтыл кадь пужым но кыз  
„Резь!.. куаж!“  
Музэ погра.  
— Сётскы, промфинплан!  
— Вай чошатском!  
— Жегатскытэк вандом. —  
Огез но мукетыз кеське, вера.  
Эй, мертчы, андан тйр!  
Шелеп вылэ шелеп  
Палдытыса кока.  
Сётскы, нюлэс фронт!  
Жутскы, выль уж стройка!

---

Ужын юнма кужым.  
Пумен будэ задор.  
Соку сылйсь пужым  
Туж жог пөрме выль кор.

Чалмыт нюлэс лэйка,  
Котыр со лэйкаське.  
Отын ик вьль корка —  
„Рабочий клуб“ жутске.  
Асьмелэн пумтэм-йылтэм  
Жужа ини вьль кар.  
Гигант вöзы ригант  
Лэсьтэ веть пролетар.  
Ужась гигант ужлы-дася  
Эгыр но корт,  
Мынам сётэм потэ  
Вьль ужлы  
Вольыт кор.  
Эй, мертчы, андан тыр,  
Коран кызэ борды!  
Ударно ужаны  
Вьль вир,  
Кынар чортэ.  
Вьль уж!  
Дунне кузя вöлмы тон  
Котыр.

## *Филипп Кедров.*

### **Тулыс праздник.**

Тулыс омыр, мамык выллем,  
Вешаськыны яратэ.  
Мылкыд капчи, шудэ сюлэм,  
Шулдыр дырлы шумпотэ.  
Шырчык сайкам кызьпу йылын  
Нёр'я веськрес гур'ёссэ.  
Инмын кырзась турагайлы  
Пазя кыл салам'ёссэ.  
Ваньмыз маде, кырза, вера  
Шумпотэмзэ туннэлы.  
Овись, Пеклис, Аркаш, Вара  
Дйсяськиллям чуж, горд, лыз.  
Школа азе ошем флагез  
Тол каньылля маялля.  
„Шулдыртом коть нырысь маез“  
Шуса, флаге гожтиллям.  
Калык тубе, тубе, тубе  
Школае пумтэм-йылтэм.  
Чын-чын берын пересь Губей  
Калькез, сутны турттэ.

Шулдырен, каньылэн улон пöннә,  
 Виль сюрес'ёс утчаны  
 Вордиськемын туннэ нунал  
 Ужась крестьян калыклы.

Вунэтомы вуж улонэз,  
 Вылыныз кушласькомы.

Вунэтомы аракьез,  
 Улонмес шулдыртомы.

Школа пушкысь плакат, лозунг  
 Калыклы маде озьы.  
 Калык тырмиз, ырзиз ужпум,  
 Маез дан'ян öдьязы.

Зеч кыл'ёсын, виль гур'ёсын  
 Школаед актэ туннэ.  
 Котыр кунысь тушмон'ёслы  
 Сильтöл кужымзэ пунэ.

## Кылбурлэн пöртэмлыкез.

Кылбурын, рифмаос сяна, ритмез вань на. Ма ритм — сонн, Ф. Александровлэсь „Аран дыр“ кылбурзэ басьтыса тодматском. Кылбурын чурезлы быдэ укмыс слог, юн веран слог'ёс ялам ог вадескы тупало. Сое тазы возьматом:

Туж вылын,	льöльырась	лыз инмын,
Горд шунды	чилек'я,	ворек'я.
Дурыстэм	та паськыт	луд вадьсын,
Дугдылтэк,	ас пöсьсэ	со пазя.

Быдэс кылбур озьы йылысеныз пумозяз гожтэмын: котькудиз стих (чур) куинь ёзлы, быдэн куинь слога люкиськемын. Нырысьёсыз кык слог'ёс огшоры вазисько, куиньметйез — юнгес. „Вынылэн гожтэтэз“ кылбур но тазы ик гожтэмын:

Толон жыт	мон басьти	гожтэтсэ
Яра — тон	гажано	вынылэсь.
Шöнгылё	кыл'ёсын	гожтэмзэ
Лыдзыса	кöt уз ты-ры	солэсь.

Та выллем ик луэ, ритмез ласянь, Горд Костялэн „Кырзась тулыс“ кылбурез но.

М. Петровлэн „Укно улын“ кылбурез мукет пумо луэ. Солэн яче:

— — — — —	8 слог
— — — — —	7 слог
— — — — —	8 слог
— — — — —	7 слог

Укно улын юг-юг тöды  
 Жужа льöмпу сяськаед.  
 Чукна быдэ сяська пöлын  
 Шулдыр кырза учьед.

Нырсыз но куинетяз чур'ёсын быдэн 8 слог, кыкетяз но нылетяз быдэн 7 слог: кык пара стих'ёс луо. Азьло верам паралэн юн веран слог'ёсыз одиг ляб вазем слог бере луо. Кыкетя паралэн кык пол быдэн кык слог, собере быдэн куинь слог (кыкез ляб вазисько, пумысез юн). Петровлэн выллем удмурт кылбур'ёс чем вадьсаськыло. Куддырья кылбур'ёсмы быдэсак таче ритмен гожтэмын луо:

Чапак тазы гожтэмын И. Дядюковлэн „Уриськисьёс“ кылбурез. Мукет'ёсыз та книгае пыртэм кылбур'ёс кабен музон амал'ёсын гожтэмын

Чеберман кыл'ёс пöлын эпитет шуон кыл'ёс вань. Тани Г. Костя тулысэз „кырзась“ шуэ. Татын кырзась шуэм кыл эпитет луэ. Со кылын тулысэз тодметтыса, асьмеос тулыслэсь шулдырзэ юнгес шöдиськом кадь. Та книгаысь лыдзем кылбур'ёсамы эпитет'ёс уно шедьыло: зангари син'ёс, жальтыртысь вуос, жонгырес кырзан, зарни шунды, льблырась лыз ин, жингыртысь сюрло, сэзь тир, веськрес кыз'ёс, чалмыт нюлэс.

Вераны медэмзэ умойгес мед валалозы шуса, кулэ интыяз кылбурын поэт но, писатель но одиг кылэз трос пол верало. Первой май праздникез калыклэсь дан'ямзэ возыматыны понна, Ф. Кедров тазы гожтэ:

Калык тубе, тубе, тубе

Школае пумтэм-йылтэм.

„Тубе“ кылэз бöрсьысь бöрсе куинь пол вера. Озы вераменыз, зэм но, уно калыклэсь пумтэм-йылтэм мынэмзэ зечгес валаськом.

Горд. Костялэн, М. Петровлэн, Я. Софроновлэн та книгае пыртэм кылбур'ёссы лирика кылбур'ёс лыдэ пыро. Верам поэт'ёс кылбур'ёсазы инкуазез возыматыса, асьсэлэсь малпамзэс, мылкыдзэс но возымато. Костя „тулыс пумитэ капчи мылкыдэн потэ“, „чебересь кылбур'ёс ымьсытыз асьсэос курисько.“ Ю бусынын ветлись Я. Софронов капчи омырен шокамеэлы шумпотэ, солэн сюлэмез небзе.

Чеберлыко кылбур'ёс, ог'я басьтыса, поэзия нимасько. Кылбур гож'ясез поэт шуо.

## Медведев Г. С.

(Вордскиз 1904 арын)



Бигер республикаысь Балтач районысь Лӧзя гуртысь шорлыко крестьян пи луэ Медведев Григорий Сергеевич. Со 1904 арын вордскемын. 1925 арын Можга педтехникумез пырпотыса быттэ, собере Бадзым Кибьялан но Шарканын ШКМ'ёсын 1929 арозь дышетисьын улэ. 1929 арын июль толээе „Гудыри“ газетлэн редакцияз ужаны кутксе. Собере Иж карын „Удмурт коммунален“ редакцияз ужа.

Нырысь ик, селькор луса, 1925 арысен гож'яны ӧдыяз газетэ, собере пичи верос'ёсыз но газетын ик потылызы. Тавийсь солэн гожтэм чеберлыко произведениосыз ньыль книгаен потэмын — „Ез юбо кырза“, „Етын штурм“, „Лӧзя бесмен“, „Кыйкар бамын“. Зуч произведениосыз но удмурт кыллы берыктылэ.

### Субботник.

„Октябрь“ колхозын Зег аран дырря тылпу жутскиз. Бугырскиз со палсин Микворлэн гид бордысьтыз. Отысен, куро липет вылти бызьыса, Миронлэн юрт'ер бордаз тэтчис. Тыл эрказмиз. Зырдам омыр, сильтӧл потыса, липет йылысь липет йылэ куяны кутскиз тэшкат'яса, аяз сюремзэ нюлысь „горд атасэз“.

Номыр малпатэк арась колхозник'ёс, выльтыртй кезыт вуэн кисьтась гырлы куара вӧлмем бере гинэ тодизы жуамзэс. Соку съӧд пурись бугор'ёсын чын ин йылэ кыстыське вал ни. Визьтэммыса сётскизы гурт пала. Ини тыл вить юрт'ер'ёсыз нюлэ вал, пожарной сарай Зырдыт эгырзыса йӧмырамын.

Палэн гуртысь пожарной дружина, тыл эрказмыса юмшан вадес гинэ вуиз. Уг вормы ни ву урмем, кужмоям, шупылляськись кузесь горд кыл'ёсыз.

Мар борды кутскыны ёрмыса бызылэ калык, чигтиськыса бёрдэ, омырез зуркатыса черек'я, кесяське. Ведроас зукурто, куасьмем бекчеос шалтырто. Ваньмыз ик кизилиос, жуткась тэшкыт'ясь тыллэн куараеныз сураськыса, кыдёке шуккисько.

Гоп дурын борддорен будись бадьпуос борды гинэ дугдиз лекомем тыл. Кажыр-кажыр йыр'из куар'ёссэ, мукет юрт'ер'ёсыз сузыны турттыса. Чем будись бадьпуос өз сётске, кортназы. Тыл берлань сётскиз, дыректиз, собере выльысь кужмося нюлыны, сугскем юрт'ер'ёссэ йырйыны кутскиз, чил-чиль горд эгырзытыса. Жытозь юмшаз, жалятэк, калыкез матаз лэзытэк. Чукна азелы толон гинэ муз'ем борды пань-пань бурмем юрт'ес интые съодэктэм, шдмыг гур'ес, съод пыр'яськем лю'кес гинэ кылызы.

Озы вось кариз дас тямьс хозяйствоез классовой тушмонлэн кыныз донгем тыл.

Зег кизён, валэс аран дугдиз. Сёриськызы ю-нянь октон план'ёс, пус'ем дыр'ёсыз чигтыса кузёмизы. „Октябрь“ колхозник'ёслэн, озь ик но жикыт кужымзы из'ян адзонэ шедем член'ёсызлы улон сэрег лэсьтон борды куштиськиз.

Секут васькиз колхозник'ёс вылэ. Правления член'ёс изытэк-изытэк ужало, уй-нунал саес'ёссэс пужалтыса. Мур выизы соослэн син'ёссы, лек учко отысен, куртчылиськыны дась кариськем кадь.

Из'ян адзонэ усем Гаврило юыны кутскиз, куректонзэ вормытэк. Со сёры Комак Паши кыстиськиз, колхозник'ёсын керетон'ёс поттылыса.

Васьлейлы (колхоз төро), колхоз активлы мултэс куректон сюрис. Алоно янгыш сюресэ кожем'ёсыз, сезькытоно, мукет'ёссэ кутыны быгатоно.

Васьлей, виро пульсам пьд'ёссэ жалятэк, Гаврило доры вутске, либатэ:

— Гави, кушты юондэ. Соин куректонлэ уд вормы. Учкы асьмеос ма мында! Вормомы секытэз...

Гаврило бёрдэм сив'ёсыныз со шоры учке, купырмыса, йырзэ сз'яса.

— Сюлэм пыже, — викуштэ со. Вось луонэн кырыжем ымнырыз кузёмемын солэн. — Кыззы уд юы?.. Сюлэм бёрдэ.

— Ужмы трос, Гави. Ужа, вунэтод... Етин вуэмын. Ишкыны кулэ... Трос киземын веть, хозяйстволы быдэ кык гектар мында лыктэ. Дуно ваньбур. Из'янмонэ шедыны лэзёно ёвёл, — сюлмаз пычатыны турттэ Васьлей.

— Табере ваньмыз быриз. Номыр но кулэ ёвёл ни мыным: выд но кул.

Сзэдьиськы, сзэдьиськы шуисько мон. Шуг-секут'ёс азын юкиськыны уг яра. Пинез юн-юн куртчыса уж борды кутсконо. Трос асьмеос — вормомы!

Отысен Комак Паши доры выже Васьлей. Утчаса шетьтэ сое, вёзас пуксе.

— Паши, — чурыт со вазе солы, — колхозмылэсь данзэ саптаськод. Жугиськыса быремзэ берыктод-а?... Тырмоз. Калыкен жугиськонэз ёвёл. Етинмы повна жугиськоно.

— Пшол татысы! — кеське Комак Паши, гордэктэм син'эссэ берык'яса.— Колхозын ой ке лусал, ой но сутскысал!.. Ти быт-тиды йырме. Пшол, лыостэ тиямелэсь азьло!

Колхозник'эсыз суранэз өвөл.. Тон гинэ из'ян өд адзы веты! Одиг семья асьмеос. Ваньмылы секыт.

Син'эссэ басьтытэк учке Васьлей виналэсь гордэктэм Комак Паши шоры. Уг чида Паши пумитаз учкыны, йырзэ улань лэзе.

— Эх сузмытысал,—пиньёсыз гызырто.— Ярам, общественной мурт, асьмелэн муртмы... Васьлей, мынам но сюләме вань,— куаразэ лябомытыса вера.— Умойгэм лэсьтэмме шөдисько. Ачим но курадзисько со понна. Бер ни. Уг луы куректонме вормеме. Жугиськыса, керетыса, сюләмме каньылатыны турттисько. Бер ни.

— Тупатскыны ноку бер уз луы,—Васьлей но небыт вера.— Етинмы сылэ. Кужыммы вань вылысь бусы кельтомы-а?.. Октыны кулэ.

— Бең, озы но чидаме уг луы.

— Мукет'эс чидало. Учкы али Миронэн Миквор'эс кыче ужало. Соос уг но куректо ни. Оско — огазеяськем хозяйствоын улонзэс туж жоген тупатозы... Тыл понисьёс но кутэмын ни. Вот веть, зверьёс, туж кыршам зверьёс та кулак'эс!.. Педор сволочь Сармак Миктаен Исьтёпанэз узатэм. Асьсэлы но пёсь лыктоз табере.

Паши кияныз шоналске.

— Мыным мед сётысалзы соосыз. Тодысал мар карыны.

— Ужано, Паши...

Бератаз колхоз актив ужанэ жутиз суйпыдзэс лэзем'эсыз. Чурыт нюрьяськон кутскиз: виль юрт'ер'эс понна, бусыысь вуэм юзз октон понна, етин понна.

„Октябрьлэн“ ужез жегатскиз. Бусы ужын ужасьёс мырдэм гинэ тырмо, сое лэсьтиськонэ вис'яно луиз. Жикыт кужым. Етин трос, кикур'эсыз чурит пульсатымон.

Етинаны вис'ям бригада жожтиське:

— Етинмылэн пумыз но уг адскы. Ум вутске октыны. Кужым вае милемлы.

Васьлей мар веранызудэ. Адзе со — тыршыса ужа бригада, секытлы сётскыны турттытэк. Нош ньылдон муртэн гинэ сю куатьтон гектарез дыраз быттод-а ма?

— Ужасьёсмы пересен пичиен уже кутэмын,—Васьлей шонерзэ вера.— Кытысь шетьтод?.. Тиледлы ик, етинанын кыдам'ёслы, сэрытгес выроно.

Бригада Васьлейлэн уг буйгатскы. Вань веранзы одиг:

— Ужез изытэк ужаса но ум быдэстэ.

Куаретытэк мукет ужасьёс доры кошке Васьлей. Писырья солэн сюлмыз. Йыраз пеймыт, секыт малпан'эс сильтөл пөгто. „Уз быры етинан!.. Бригада жадемын ни“, — чигтиське со. Амалыз ке лусал, али ик кутысал но етинасьёслэсь киоссэс машиналы беректысал.

Кытын ке но пыдлон, пушказ оскон шунтэ на сое. Кытысен ке юрттэт вуоз кадь. Васьлей со борды кужмысь -кыرمىське.

Осконэз пöрмиз. Етин штурмлэн зырдыт нунал'ёсаз ик юрттэт вуиз „Октябрь“ колхозэ.

Пинал'ёс сю тямыстон кузя бусые жоктыськизы. Тросэз комсомолец'ёс соос, ШКМ-ын дышетскись пинал'ёсыз субботнике вырзытысьёс. „Октябрь“ колхозник'ёслэ етин бусызы пинал куараосын улзиз. Дыректыз бусы тыр, пинал кужым азын каньылэнгес сётскыны кутскиз.

Васьлей лөптэмын, жадемез сэрттыськиз, мынян бугыртиськыса потэ пушкысьтыз.

— Кызы йöнды сузиз? — вешано кадь кариськыса юа со.— Дыраз, туж дыраз вуиды.

Пинал'ёс вожмаськыса валэкто солы:

— Кылым ми — етинанады прорыв! Кужымды уг тырмы. Нош завод'ёсмы, басма куись фабрик'ёсмы небыт, юн, умой вуэм мертчан возьмало. Сырьё дыраз сётоно. Жутским. Чыдэтскон нуналэ юрттыны вераським.

Ваньзылэсь куаразэс Петя соге. Таза пи со, комсомолын кыкетя арзэ ужа. Со ячейкалэн секретарез.

— Мон доклад лэ ыти! — кеське со.— Юрттыны, субботник'ёс лэсьтыны кулэ шуи. Вырзызы.

Ужанэ зымизы дышетскись пинал'ёс. Огзылэсь огзы ортчыны турттыса ишко. Лэчытэсь кыл'ёсын вош'ясько куспазы, огзэс огзы жуткало.

Нунал чебер. Инмын кесяськем шуба кадь пурись пилем'ёс уй пала уяло. Öжыт соос, отын-тагын гинэ. Шуныт төл лымшор паласен пельтэ: тулкым'ятэ етинэз.

Петялэн сюземез вырт-вырт тэтча. Ужан дырья ик яратон кырзанэз бусы тыр вöлмытыны турттэ. Шöдытэк кырзаны кутскиз:

— Как родная меня мать...

Вöаз ишкисьёс итиськизы:

— Провожала-а!..

Со кырзан соку ик жуж'из, кужмояз, трос куарао луиз.

Öжыт мөгаса, быдэс бусые вöлмиз омырез зуркатись куара:

— Тут я матери родной поклонился!..

„Октябрь“ колхозник'ёслэн бригадаязы вераськон бугырскиз:

— Мар мында, мар мында соос!

— Быдэс армия.

— Уж улысысь армия!

— Учкыса ул, туннэ ик дас гектар етинмес октозы!.. Пурзыто!..



— Вормонтэм уж öвöл,— Васьлей урамысь кор'ёс вылын пукись колхозник'ёслы вера.— От кылысь кариськыса ужаны кулэ...

Кыз нюзэс сьöры ватскись шунды горд, пиштэт'ёсыныз ымнырзэ лемлета солэсь. Тöл шляпа улысьтыз потысь сьöдо-пурисё йырсиоссэ сэтэ:

— Чуказе ваньмылы ик ужаны потоно,— киосыныз пу корам кадь шонаське со. Кулэ өвөл асьмелы спас! Вуж сямен утён ужез гинэ жегатэ.

Комак Паши ымнырзэ кузял кариз. Интыяз пукыны уг чида.

— Чыдэтскытэк ужаны машина но уг чида,— куаретиз со.— Адыми отдытэк ужаны уг быгаты!

— Возыт! ШКМ-ысь пинал'ёс дышетскем беразы чуказе нош суббогникен лыктозы. Соос ужалозы, асьмеос киосмес кысыямы тырыса ветломы-а?.. А?.. Производственной совещание правлениен валче ужаны кулэен пуктиз. Колхозник'ёс, ужаломы веть?

— Ужатэк-а собере?— Гаврило куспаз пырыське.— Асьмелэн законной чыдэтскон нуналмы чуказе улыса луоз. Шонергес верано ке, бусы ужмес, етин ишконмес быттым ке... Кылпум поттонэз ик өвөл — ужалом.

Комак Пашиез чогизы.

— Ужалом!..

Юртгисьёс вуизы. Бригадаен-бригадаен пазьгиськыса уж борды кугскизы соос. Задор куараосын пачылмиз бусы. Со куара, вылэ жутскыса, чуз'яське шып сыйсь интыосы.

Петя туннэ но лыктэмын. Ужа со, пинал'ёс пёлы ышыса. Шер-шер чылкыт куараез кылйське:

— Эш'ёс! Не подкачай!..

Пинал'ёс кужым сёто киоссылы, кырым сьбры кырымен ишкалто етинэз. Тузон жутске межаостэм луд вылын, ыше чылкыт омыре. Чигна етин — бадзым, огазын кужым азын, ёжыта.

Туннэ Васьлей соосын ужа. Пинал'ёслэсь кылыны турттытэк ишке. Малпан'ёс бугыр'ясько солэн йыраз, пушсэ шунтись малпан'ёс. Тани соослэн колхоз бусыязы трос мурт'ёс ужало асьсэлэн семьязы кадь ик тыршыса, дыраз быдэстыны турттыса. Трос гурт'ёсысь люкаськемын пинал'ёс, пёртэм малпан'ёсын, мылкыд'ёсын кадь. Та бусыын мылкыдзы соослэн одиг — етин понна нюрьяськонын вормыны. Кыче кужым вырзётэ, огазе нюрьяськонэ султытэ, Васьлей угтем вала на. Тодыны турттэ со кужыме, уг сётскы. Аслэстыз пинал дырзэ тодаз уськытэ. Чик таче ой вал со. Ужаны яратись ке но, аслаз хозяйствояз гинэ. Муртлы юрттон тодаз ик уг лыкты вал. Соин йыромиз Васьлей, вырзётись кужыме шетьтыны уг быгаты.

— Шөдйсько мон,— вера со Петялы,— бадзым уж лэсьтись-коды. Нош сое лэсьтыны кин жутэ?

— Воспитание, воспитание. Со кужым милемыз юрттонэ жутыз. Кыл веранэз өвөл, сыче кужым вань пинал'ёслэн мылкыдазы пычамын өвөл на. Валасьтэм'ёсыз трос. Соосыз азьмынйсьёс гинэ вырзёто..

Васьлей нош малпаськонэ зымиз. Али кадь тодэ со колхозэ пырон азын писырьямзэ. Ноказы но сюлэмыз уг вала вал огазын ужанэз. Олокыче йётэ вал со солы. Дышиз. Огазын уж туж трос воштит сое. Табере зырын тышкаса но валче ужанлэсь уд вис'я ни.

— Вот, Иетя, ти ке туннэ өд лыктысалды, милям кудогез член'ёс празник угысалзы. Ужмы жегатскысал.

— Ми сое азьло ик тодиськом вал...

Ишко дышетскись пинал'ёс етинзэс, чошатско куспазы. Сереме уськыто бере кылисьёссэ.

— Киыд съёдэктэмлэсь кышкаськод-а?

— Кускыз висе солэн!

— Ха-ха-ха!...

Каллен вырисьёс возытэ вуо. Кужмысь кутско етинаны. Ужало комсомолец'ёс, жог ужаны кулээз валаса. Огазын уж мылкыдэз жутэ, жадёнзэс капчиятыса.

Куазь юрттэ данлыко ужзылы, чебер сылэ, сизьыл шöмын пöсытыса.

Колхозник'ёс тросэз, мылкыдзэс тырыны быгатытэк, субботнике лыктэм'ёслэсь ужамзэс учко, вераськемзэс, кырзамзэс кылзисько. Виль кужым, будись таза кужымен пельтэ соос бордысь. Васьлеез таңе юрттон нюрьяськонэ жутэ. Бусыосы виль шöм пыремез возматэ.

Ужало юрттысьёс, чаш потто етин йыр'ёсын, куроосын. Шулдырто киултэм бусыез вормись куараосын.

## Муз'ем походын.

Шуркеч гурт нюлэскысь нюкын гу коркан кемаласен пересь Обран улыз. Кызы Обран та гу коркан улыны шедемын, умой-умой тодись өвёл. Одиг нуналэ, гужем куазен, Шуркеч гуртэ шöдымтэ шорысь лымы усиз кадь. Нюлэс паласен ивор лобзиз:

— Обран бабай — святой мурт. Гурт калык сöризыккыны кутскемысь, инмар сое гу коркан улыны косэм... Съöлыклясь сузяськыны со доры мынэ...

Пересьёс вырзизы, шау потто, чеберьяско. Макмыраса кыллись Исьтапан но нюлэсэ сётскиз: адзоно, кылзиськоно, мар вералоз.

Обран губырмемын, ымнырыз, көс арын муз'ем пилиськем кадь кисырмемын. Пичиесь син'ёсыз нош, чонари вотос кадь пожесь.

Исьтапан матегес кариськыны турттэ — святой вöзын оло йырыз висемьсь дугдоз. Уртэз өвёл солэн, куаретыны уг дысьты Обранлы. Нош сюзэм уг чида, писырья, урдлыоссэ тияса кыре потыны турттэ.

Обран ачиз ик кылпум поттыз. Каллен вера, киоссэ мöляяз кирос карыса.

— Съöд убир ти пушкын пыремын... Агай-вын'ёс, сöриськем мурт'ёсыз инмар монэ адзыны өз лэзыь. Адзем потэ, уг адзиськы. Пож луиллямды ти... Кин бордысен?

Обран нош на губырскиз, лызэктэм ымдур'ёсыз куалек'яло.

— Секыт вераны, — шыпыртыса, пелляськем кадь, вера со. — Нылпиосты вамен пожомиськоды. Инмар сое адзе. Ти вылэ усе

секутэз. Сянтик гуртын колхоз кылдытиллям. Тани съод убир!— Обран куаразэ будэтыса кеськиз.— Палэнске солэсь, соку мон но тиледыз адзыны быгато..

Со дырысен гу корка лушкем интылы пөрмиз.

\* \* \*

Колхоз'ёс кылдытон сярэсь ивор'ёс Шуркеч гуртэ чөмгөс вуылыны кутскизы. Районысь ужасьёс вуыло, ужзэс пөрмытон куспазы ик, колхоз кылдытон ласянь верасько. Комсомол ячейкалэн сюләмез зырдаз, бугырскиз. Волин Матвей, ячейкалэн секретарез, нуналлы быдэ сямен комсомолец'ёсын кенешыны кутскиз: кызы кылдытоно, гурт калыкез кызы пыртоно? Атай-анайёсы пöлын валэктон борды дугдизы. Нош Волин ачиз райо-нэ чөмгөс ворттылэ. Мынэ — виль-виль ивор вае, мынэ — газет, книга вуттэ.

Нырысь ик, салдатэсь бертэм'ёс комсомол ячейкалэн вераськемынэз тунсык'ясыкыны вуо. Волин копак колхоз кылдытон уже зымиз, валэктэ, газет, книга лыдзэ. Мукет комсомолец'ёс семьязылэн көт урдэсазы донгало, жуткало. Петялэн атаез уг но кылзиськы, мыжыкеныз сээ'я.

— Эн пожомыты пож мугорме!— кесяське со Обранлэсь верамзэ тодаз вайыса.— Молчать, штобы мынам!.. Йыртышкад мыжык верьямед потэ-а?

Комсомолец'ёс жыт пал гурт калык пöлын колхоз кылдытон сярэсь мөчак пуктоно каризы. Сое Исьтапан, Петялэн атаез, кылиз. Лушкемен, гу коркась Обран доры кошкиз, Обранлэсь „визьнодзэ“ курыны. Отын гуртэн берык'ясен лыд'ясыкысь Макарыч, төды офицерын улэм Селивер, собере Аграфена монашка пуко вал ни. Макарыч, съод син'ёсыныз тыл кысьтаса, визьтэм кыл'ёсыз посэ.

— Сволыч'ёс!— гуныдылэ со, вожпотонэн шупылляськыса.

— Сыче-таче... колхоз кылдытыны лэзэно өвөл!.. Могила!..

Исьтапан куалектиз: Обран азын-а озы вераськод? Йырыз кур луиз солэн. Гадьзэ гань-гань урдыса, Макарыч доры вуиз.

— Возьытэд кытын? — синкач'ёссэ уллань лэзиз со.— Уг лэзы мон пересез сентэманы!

Макарыч но Селивер вылтыяськыса, серектизы гияэ. Нош Аграфена, син'ёсыныз шудыса, Исьтапанлэсь куалек'ясы кизэ кутыз.

— Сыче кыл'ёсыз отец Обран уг кылы,— либатэсь куараен Аграфена зуле. Инмар ачиз пельзэ чокта солэсь. Свят, свят, свят, отец Обран. Озы-а?

Обран киоссэ мөляз киросаз.

— Зеч кыл'ёслы гинэ мынам пельы усьтэмын... Кылзэ мынэсь-тым, дунне съөдэктэ. Югыт карыны кулэ сое..

Аграфена соку ик Обран доры вамыштиз. Пельдораз кариськыса, ма ке но шыпыртиз солы. Исьтапан одиг „писание“ кыл гинэ кылыса вуттиз.

— Писанын но верамыя,— Обран азы чиньызэ вилэ урдиз,— „кышкалэ пеймытлэсь“... Колхоз дунне сурась. Пумит султэ солы...

Макарыч Исьтапанэз ас дораз чортиз. Паймем Исьтапанлы лушкәмен Обранэз возматә.

— Тани та пересь асьмедыз сьöлыклэсь мозмытыны лыктәмыя. Асьмелы гинэ оске со. Тужгесь тыныд оске. Валаськод-а?— оскытыны турттыса, көс учке со Исьтапанлэн синкылияськем син'ёсаз.— Колхоз кылдытәм сярись кылид луоз?

— О о. Марым, Обралчлэсь верамзэ тодоно.

— Пумиг султыны косыз, — Макарычлэн син'ёсыз вöйзекто.— Вылысәя верам кыл со. Валаськод-а? Тон вылын оскон, Исьтапан агай. Тыныд шат каром.

— Ма, ма,— керпотиз Исьтапан.

Макарыч Исьтапанлэсь пурисьтам тушсә маялля, вешаны турттыны кадь, гызь-гызь кариськыса пуке.

— Кужым тон бордын,— лөпкыт'я со.— Тон куанер. Куанер куарадә сәт. Мукет'ёс пöлы, пырыны кулэ öвөл шуса, тыл кушты. Визьмо куара кыләмын луоз.

— Ма, ма...

— Чурыт вазь! Куаразэс согымон. Мон ачим вöяськысагес котырьясько. Сотэк уг луы. Амал кутано, амал.

— Амалтэк улыны уг лу,— Селивер Макарычлэсь верамзэ юнматиз.

— Лёгон, кырмиськон инты медаз шетьтә. Пыч медаз куртчы, озы ужано,— Макарыч син'ёсыныз чия.

— Валче кулэ,— Аграфена Макарычлэн веран куспаз чурт-наськыз.— Лулскыса медаз вуэ, куашкатоно.

Исьтапанлэн йырыз поромиз. Сюлэм улаз вöй зырзизы кадь. Пыд'ёссә муз'ем борды йöгтытэк сямен, гуртаз лобзиз со, Макарыч'ёслэн верам'ёсынызы бурд'яськыса. Нош йыраз из сектаесь кыл'ёс погмасько, огзы вöзы огзы тул'ясько.

Пожарной сарай доры вуыкуз, со доры нимаз-нимаз уриськем куараос кылыськыны кутскизы. Валамтәесь соос, бадзым кужым бордысь куалдылыса кадь, чуз'яськыса шуккисько Исьтапанлэн пель бордаз. Кужымтәм мылкыд карьяськыз пушказ. Соин со ог эсәплы бадьнулэн салкыме интые султиз. Табере кыл'ёс тодмогес луыны кутскизы— Волин Матвей вера кадь.

— Муз'ем бөрдэ, жуштә!— валаз со Волинлэсь ураметй, бакча сьöрын чуз'яськысь куаразэ.— Тазы ужамысьтымы бөрдэ... Мукет сямен-а... Колхоз...

„От, поганой!— пиньёссә куртчыса малпаз Исьтапан.— Кыл'ёс но шетьтә ук. Öлексй. Гувьдыто али мон“,— мыжык'ёссә лосырр, вöсь луымон, кырмиз со. Зурак ишкалтиськыса, куара палы вამыштиз.

Калык'ёс пожарной сарай сьöрысь гуждоро интые люкаськиллям. Волин, сисьмем лйял вылэ тубыса вера, киосыныз омырез кораса. Шып кылзйсько. Комсомолец'ёс огинә люкаськиллям, „озы“, „шонер“ кыл'ёс вераса, Волинлы юртто. Исьтапан пересьёс, нылкышноос пöлы ватскыку, Волин колхозлэн бадзым пайдаез сярись, та сюресәтй гинэ азинскон шонер луон сярись вера вал ини.

Со куспын Макарыч но, сьöд син'ёссә кырмет'яса, востәмен

ассэ возыматыны турттыса, вуиз. Волия, куаразэ будэтуса, трактор но бадзымесь машинаос сярись, огазын ужан вамен муз'емез шулдыртон сярись вераны кутскиз. Пöзыса, кисьмаса пото кыл'ёсыз, кисьтисько котыр'ёсы. Нош Исьтапан пересьёс пöлын лек шыпыртэ:

— Уть сое, тожо дышетыны турттэ ук.

Макарыч уг лек'ясыкы — амал солэн. Волиялы матын ик сылэ, мыняса.

— От, таиз яра!— уш'я со Волиянэз.— Сыче, сыче зеч улонэз тодытэк улийськом-а? Кыче-кыче пайда!..

— Тракторен, та дырозь бöрдись муз'еммес, — Волиян пöсектонэ вуиз ни, — шукур-шукур удалтытись муз'ем каром!.. Соку асьтэос ик „ярам пырим“ шуоды.

Волия вераса дугдэм бере, Макарыч азылане сётскиз. Съод тушсэ маяллыса, калык'ёслы азин кариськиз.

— Мон но бжыт ватсаса верало ке шат?— небыт гинэ юаз со.

— Тынад кылыд ноку уз пöсьты дыр!..

— Мед вералоз!— куараос кылийськызы.

Макарыч пурись гын шляпазэ кияз кутыз.

— Матюшылы верам понназ быдэс гуртэн тау шуоно, — лушкем мыняса, йырзэ мыкыртыз со Волиянлы. — Колхоз кылдытыны косэ-мез понна но тау. Шумпотисько зеч кыл'ёслы. Колхоз'ёслы государство машинаосын но мар юрттэ, пе. Быдэс гуртэн шумпотано солы. Тау кароно!..

— Малпамдэ вера!— куспетй дугдытызы Макарычез.

— Тон кырзатэк но тодиськом!..

Макарыч шляпазэ изьяз, жожтиськем кариськыса.

— Тиледлы ик зеч карисько, — викиштитиз со. — Ну, тани, колхоз кылдытоды. Государство тиледлы юрттоз. Кутсаськон машина, трактор сётоз шуом. Лэсьтиськон понна дунтэмен кор'ёс нуллытоз... Нош кутсаськон машинады, тракторды тияськиз ке?... Лэсьтэм коркаосты, гид'ёсты сутскиз ке?.. Соку ма кароды?

Волия куалектитиз. Ныж пеж'ян кадь, бышкалскизы сюлэмаз Макарычлэн кыл'ёсыз. Комсомолец'ёс вырыны кутскизы, сюлэмзы пöзе, тушмонлэсь кескич кыл'ёссэ кылэм беразы.

— Уллялэ сое!..

— Уть, кыче вöяськыса кутскиз!

Ваньмызлэсь кужмогес Исьтапан кеськыны турттэ:

— Верась муртлэсь ымзэ эн чокталэ! Эн чокталэ шуи мон!..

Дуй, Макарыч, вера!

— Кулаклы кыл сётэмын öвöl!— Петя зöк куараеныз жоктэ.

— Ма, мон сое гинэ вераны турттисько вал, — Макарыч йыртышсэ кормаса, палэнскиз. — Колхоз кылдытонлы тау кароно. Соиз гинэ вань, тияськиз я мар ке, государство пöсятоз... Кабы юрттэм понназ, витьмос медаз тырыты мар-а!..

— Мон верало со интые!— Исьтапан чыжектыса, интыысьтыз ишкалскиз. — Мон öгнам улийсько, нокин мынам улонам уг бугырь-ясыкы. Колхозэ пыр али! Таиз тынад öвöl, таиз тынад öвöl. Берык'ясыкемед но уз лу ни. Што мон али улийсько? Герые тиясь-

кыз ке, нокин азын ответ уг кутиськы... Колхозын луид ке, пыт-сэтысь потыса уд вуу! Вот!..

Волинлэн зырдыт верамез Макарычлэн но Исьтапанлэн вера-менызы жокатскиз. Волин сое мурт'эслэн кӧс учкыны кутскем бордысьтызы валаз. Со нош одиг пол валэқтыны кутскиз, княз кутэм бумагаен шоналлыса. Куд-ог'ёсыз кенешысен кошкыны кутскизы.

— Ми, комсомолец'ёс, ваньмы пыриськом,— Волин бас куаразэ поттиз.— Макарыч выль ужез куашкатон вылысь вераз... Уз кылды куашкатыны!

Калык'ёс шеромизы, тунсык'яськисьёс гинэ кылемын на. Озы но комсомолец'ёс шӧдизы— кутскон вань, уж вырзоз. Задорен чилясь син'ёсысьтызы адске — „колхоз вормоз, сое валазы“,

\* \* \*

Петялэн йырысьтыз атаез уг кошки. Маке весь Обран сярсы куаретылэ. Святой шуэмлы Петя серек'я гинэ вал, атаез жаль-потэ. „Малы ветлэ али со отчы?— шӧдымтэ шорысь али малпан кылдиз.— Кытысь со пумит мынон муг'ёс шетьтылэ?.. Маке но вань. Солэн тыбыр сьӧраз кин ке кескич мурт сылэ. Нош кий?.. Обран?.. Матаз но уз луы. Обран— синтэм мурт, пал кукыныз шайпул вылын сылэ. Кив?..“

— Кин ке но вань,— шара куаретиз со.

— Мар-о тон?— паймыса, Волин юа.— Ас поннад верась-киськод-а?

— Маке но лушкем уж вань татын..

— Вера, вера.

— Тани, атайме колхозэ пыртон понна кык ар тыршисько ни. Уг луы сӧлэмзэ вырзытыны. Чорт тодэ сое, оло со пу, оло из. Уг валаськы.. Обран доры ветлылэ.. Маке но лушкем уж вань отын. Зын'яно вал.

— Зэмзэ ик, тодоно. Мынам...

Колхозлэн правлениез пожарной сарай дорысь нардомын. Волин но Аннок борддор'ёссэ суред'ёсын, лозунг'ёсын чебермазы. Нардомлэн корказяз Петялэн гожтэм вывескаез ошемын: „Красный пахарь“ колхозлэн нардомез.

Волин— колхозлэн тӧроез. Туннэ чукна ик правление вуиз. Сэрыт дыр вузмын: бусысь ю-нянез октыны кутсконо. План'ёс кемалась пус'емын ни. Колхозэ пырыны медисьёслэсь куриськон'ёссэс но эскероно на.

Петя, шок потыса, правление вуиз. Гуньдылыса, гуньдылыса Вотинлы вазиз:

— Ойдо жоген... Обран доры кошкизы.

Волин, паймыса, валатэк султиз.

— Кив'ёс?

— Атае но Макарыч. Сьӧрти гинэ, ватскыны турттыса выжизы...

Петя бызьыса потиз. Со сьӧры Волин, фуражказэ жок вылэ вунэтыса ик, уиськиз. Бакчаос сьӧрысен Петя мур шокчыны

дугдиз, нюлам кымессэ саесэныз чушыса, Волин соин чошам бере, чош вамыштйзы.

— Кызы, бен, кутод али? — Волин шугек'ясыкыны кутскиз. — Тазы номре карыны ум быгатэ. Оло Аннокез пересь карыса диятомы-а?

— Пожалуй, озы умой луоз, — Петя өз пумит'ясыкы.

— Тон мын. Заман диясыкы. Мон татын возьмало.

Петя кошкем бере, Волин кисьмам зег пöлы выдиз. Чагыр омыр муш'ёслэн бунгетэменызы пачылмемын. Лябыт, шунит төл зег йыр'ёсыз шукуртытэ. Петяен Аннок кема вуымтэысь, писырьяны кутскиз со. Со куспын Педорлэн кабан лöспыд'ёс тырем интысеныз каллен гинэ шултэм кылыскыз. Волин соку ик султяз.

— Матвей, лык али, — Зустарияськем дйскуто мурт вазиз. Волин Петялэсь куаразэ тодмаз.

— От, чорт, тодмантэм дйсыськем. Нош Аннок кытын?

— Пыласькыны кошкем. Ой ветлы ни... Асме но уз тодмалэ ни дыр. Ойдо!

Обранлэн гу коркаозяз шонерен кык изькем мында гинэ. Волинэн Петя, гу коркан ма карон сярысь вераськон'язы, вуэмзес но өз шöдэ. Ярлэсь вöлдэм гу корка липет пасети чын бугырлатыса вылэ тубе. Корка пушкын шыпыт кадь. Ос сьöрысен, гуысь сямен, юазы:

— Кин со?.. Мар кулэ?

— Мон тупал ни, — Петя губырскиз но öссэ ваяк усьтыса, пушказ пыриз.

Зус вылын пиялатэм лампа сырма, пичи югыт сётыса. Петя соку ик атайзэ но Макарычез тодмаз. Обран вöзын пуко. Макарыч, мурт пырем бере, йырзэ уллань лэзиз.

— Обран татын улэ шуо вал, — Петя куаразэ кажгетись кариз. — Мон Дурга пи луисько. Визькенешлы лыкти.

— Бен пуксы, умой мурт куноясыкыны инты шетьтоз, — пеймыт азысен кышномурт пумитаз вазиз солэн. — Туж кыдөкысь вылэмед. Пукьсы.

Ог эсэплы шып луиз. Куаретытэк пукись Обран жуштыса султяз, мöлязэ кутыса.

— Инмар монэ жоген ас дораз басьтоз ни, — шумпотыса кадь, Петя доры лыктиз со, синкылияськись син'ёсыныз Петя шоры мертчыса. — Сöбриськем'ёсыз мон уг адзиськы... Кытысь бен луиськод?

Петя верам гуртсэ вунэтяз. Сияса кошкиз вылтырфиз, кымесаз кезыт нюлам погыз.

— Кужмогес юа, пельы уг кылы уга, — шуиз со, гурт нимзэ тодаз вайыны турттыса.

Обран пель дораз ик губырскиз, Петялэн бамаз пурись тушэ йöттымон.

— Кыче гуртысь луиськод, родня?

— Э-э, тодисько на. Док'я гуртысь мон!

Макарыч ошем йырзэ соку ик жутиз, лек син'ёсыз Петя пала чöлскизы.

— Дургалась шукод вал кадь.

— Э-э, шай, Дургалась, Дургалась мон. Йырвизе сыче сурась-киз ни. Вунэтысько. Аслэсьтым нимме но вунэтылысько... Кызы уд вунэты? Раскулачить каризы уга... Куректонэ бадзым.

Макарыч зурак тэтчыса султиз. Лосыр кырмиз со мыжык'эссэ.  
— Кылиды-а? Тини кыче каро зэч мурт'эсыз!.. Ожыт-а верай мон тиледлы, колхозэз муз'емен чошкыт кароно шуса. Тыл понылоно, тияно!.. Гурт'эсыз жаляно өвёл! Быттоно комсомолец'эсыз! Со Волинэс йырйыса, сыскыса вионо!..— Макарыч вожпотонэныз гуныдиз. Секытэн шокаса, ог вадес сылэм берез, Обран азын, жугиськись атас кадь тэтчаны кутскиз со.— Пересь пуны! Шайтан!.. Малы тонэ сюдыса возисько?! Уд быгатиськы ужаны... Инмарлы осконлыкэ кинлэсь ке вбськарыны быгатид-а?

— Господи, югыт инмаре! — Обран, дырек'яса, тэлымырыны кутскиз.— Вань кужмысьтым тыршысько ук... Тани кытысен, кытысен мурт вуэм.

— Петя сак кариськиз. Со лы табере ваньмыз валамон луиз ни. „Тани кытысь пото вылэм сьод-пож тушмоно уж'эс!“— гудыр'ямен васькиз солэн йыраз.

— Ма, мон интыяз ик шедиськем вылэм! кеськиз со, аслэсьтыз куаразэ поттыса.— Кемалась утчасько вал, Макарыч, тонэ. Сюрид!

Обран азын кечырьяськись Макарыч соку ик лябрак пуксиз. Нош Петя со куспын, кык чиньызэ ымаз поныса, шултиз пелез урмытымон. Ури-бери вуиз Волин.

— Пот, кин вань отын!

Петя зустаризэ вылысьтыз куштиз.

— Тани контрреволюционной „кенеш“ копакез татын,— гу коркась тэтчыса потиз со кыре.— Волин, дыраз вуим!.. Ойдо потэ, потэ. Мар онгромиды?

Нырысь ик палэн гуртысь кышномурт потиз, ымнырзэ кышет пумыныз шобыртыса. Со сьбры Исьтапап но артэ гуртысь Васелей но Тропинь.

— Макарыч, пот!—Петя лек кеське.

Ос азын чошен Аграфена но Селивер адскизы, кбсэктэмын, лужкемен кутэм бере кадь куалек'яло.

— Исьтапап агай, чошен гинэ лэся соос,— гу коркасен куара сэтиз Макарыч.

— Пот!

— Мар, кышкасько кожаськод-а? Пото!

Нюкысен Макарыч Селиверлэн пеляз шыпыртиз:

— Кык кузя гинэ. Октоно. Тон Матюшез кекаты, мон Петяз.

— Эн шыпыртэ,— Волин куспетй кариз соосыз.— Азьдэс учкытэк мынэ. Пегземды уз луы. Котькытын ик возьмасьёсмы сыло.

Соку гинэ Макарычлэн пельдиняз чилектиз: „сюри, йырыным валче сюри“...

Гуртын соку ик ивор лобзиз:

— Контрреволюционной „кенеш“ гу коркась поттэмын. Карзы отын вылэм...

„Красный пахарь“ колхозын пöсь дыр. Нылкышноослэн бригады кык аран машинаен валэс юэз ара. Суро бригада арам юэз бусысь ворттыса кутса. Кутсаськон машинаез бергатыны МТС тракторзэ ыстиз. Итымын трактор жуштэ, кутсаськон машиналэн гудыртэменыз сураське. Пурзгытэ бригада ужзэ, зег кизыны кидыс вуттэ, государстволы горд обоз кузьманы дася. Нош комсомол бригадалы трактористэн валче зег кизён сётэмын. Тракторист пинал гинэ, чуж йырсио пи. Заводын ужамын. Татчы хозрасчот опытэз пычатыны лыктэмын. Комсомол кенешын со тракторзэ хозрасчотноен ялиз. Со бордысен бригада но хозрасчотноен нимаськиз. Табере соослэн асьсэлэн горд флагы вань, „хозрасчотной ударной муз'ем походын“! — соослэн лозунгы.

Бригада лэн уж радэзлы заданиез куинь сю кыз гектар. Соос асьсэ совещаниязы встречной кутызы — куинь сю куатьтон гектар. Тракторлы смена куспын вить но жыны гектар гыроно. Нош заводьсы лыктэм тракторист сизьым гектар гырыны кыкети сменаысь Петровез чошатсконэ чортиз. Петя но Волин кык шабалаё плуген быдэн гектар но черык гырыны куспазы договор гожтызы. Хозрасчотной трактор бордын Пленков эшеныз кадь выре. Одыг винтэс но эскерытэк өз кельты, котырак чушылиз.

— „Хозрасчотной“ утылтэмез яратэ, — тунсык'ясыкисьсыз валэктэ со. — Утылты, ужатыны но быгаты — со бордын хозрасчотлэн лысьомез.

„Красный пахарьлы“ куинь изькемын „Май“ колхоз. Гырыны потон азын отысь пичильтык гинэ гожтэт вуиз: „Тракторлы, одыг гектар гырытозь, кбня килограм карасин быттыны пус'иды? Ми кылем арын 25 быттим. Туэ 21 пус'иськом. Тракторист Щекин“.

Пленков соку ик пумитазы ас нормазэс ыстиз:

„Дас одыг но жыны понна нюрьяськом. Простойёслы 20-25 процент пус'емын. Дас вить процент гинэ кельтом“.

Хозрасчотной бригада нырысь нуналысен ик батырлыко кутскиз. Пленков киосызлы тэк улыны маза уг сёты, гырон'яз ик эскере, кутылэ, учке. Плуглэн шабалаосыз, кук'ёсыз жаг турын выжыосын пачылмиз ке, соку ик сузя. Нош Волинлы туннэ пöсь лыктыны кутскиз, вал'ёсыз шукуяськемын ни, дыг мыно.

— Конюхмы умой сюдымтэ, — чагиськиз со арте уцастокин гырысь Петялы. — Ужлэн азиялыкес вал'ёс бордын но вылэм.

— Пöсятоно сое. Ваньзэ одыг кадь мед утылтоз...

— Трос-а гырид ни?

— Жыныез бырыське.

— Адзид-а? — чигтиськиз Волин. — Монэ кельтэмед.

Пленков аслэстыз нормазэ быдэстыз. Плуг'ёсын гырысьёс но тросэз быдэстызы. Петя туннэ быдэс черык гектарлы Волинлэс азылань кошкиз. Быдэс'ям нормаоссэс туннэ ик лыдэ басьтызы соос.

— Хозрасчот соку ик лыдэ басьтэмез яратэ, — Пленков валэктэ комсомол бригадалы.

Бригада тырмымтэоссэ уж удысын ик палэнтылэ. Азь мынй-

сьёс понна — горд пул, бер кылисьёс понна, арбериос тйясь понна — сьёд пул. Комсомол бригадалась та кичёлтэмзэ мукет колхоз'ёс но басьтйзы бёрысяз.

Пурзйтэ бригада ужзэ. Гектар вёзы гектар жутске. Усыясьёс, кизисьёс гырьсьёсыз лёгамон ужало. Кырзам шер кылыське. Ваньмызлы сямен одиг мылкыд карьяськемын — горд пул вылын инты басытоно. Табере бригада член'ёс, горд пул вылэ сюрон понна, мар кулэ тодо ни: нормаез мултэсэн но зеч быдэстоно, ужан арбериоз яратыса утялтоно, медаз тйяськы, роскод ичи мед луоз.

Комсомол бригадалэн ужаны жутскем мылкыдыз жоген мукет бригадаосы но вёлмиз. Ог'я Чошатскон жутскиз колхозник'ёс пöлын, азьтэм'ёсыз, ужез сураны турттйсьёсыз жалятэк сэрпалляса.

Нардом азын ялон пул бордын тöдбь дэра тёл пельтэм'я лэйка. Отын заводьсь лыктэм Пленковлэн геройлыко ужомез возьмагэмын:

„Пленков тракторез хозрасчотэ поттйз. Возьматйсьёс часлы быдэ — 0,9 гектар, трактор — сёл таза, тракторлэн сионэз — гектарлы быдэ 18 килограмм, трактор плуг'ёсыз сузян сяна, простой ёвёл, гыремлэн умойлыкез — нырьсь категория. Пленковлэсь кичёлтэмзэ — вань уж'ёсы! Завод'ёслэсь опыт'ёссэс — социализмо бусыосы!“

Сизьыл куазен салкымам омыре тир'ёслэн куараоссы, быськыослэн жингыртэмзы вёлме. Жуж'ё выль лэсьтйськись борддор'ёс.

Нош сюрес вылын горд обоз мынэ. Волинлэн обоз вылаз горд флаг гожтэмез тулкым'ятэ:

„План быдэстэмын. Встречной планэн — 150 центнер“.

## Коновалов М. А.

(Вордскиз 1905 арын)



Можга районысь Акашурин куанер крестьян семья пушкын 1905 арын вордскемын. Педагогической техникумын куинь интыын — Сарапулын, Можгалан, Иж карын — дышетскыса, 1926 арын пырпотэ. Собере 4 ар чоже Можга районн дышетисын улэ. Профсоюз орган'ёсы бырьсыкыса, арен жыныен ужа. 1932 арысен Удмурт областысь писательёслэн оргкомитетазы төрое бырьемын. Кылбур'ёс гож'яны кутскиз 1925 арын. 1933 арын солэн „Вурысо бам“ нимо бадзым романэз нимаз книгаен потэ. 1935 арын „Шудо выжы“ книгаез потэ. Татчы солэн „Лизи“ веросыстыз одиг люкетэз, „Егит'ёсын чошатскон“ пыртэмын.

### Егит'ёсын чошатскон.

Шундылэн кужымез кенер борды, чильтэрен ворек'ям тулкым кадь шуккиське. Чир-р, чир-р-р турагай кырза, вылэ тубе но, чилектэм кадь, уллань лэзиське. Кушкем бусы улзиз. Калык сезыы бусы тыр пазгыськемын. Тар-р-р гинэ трактор дуннеез куашка-тыны турттэ, куараез, шушгес ке но, мусо крезь кадь кылыське. Муз'емез йырье, кеся, мур гопче.

Участоклэн пумаз комсомол бригада ужа.

„Айда, ребята, айда, комсомольцы,  
Браво, браво, мо-лод-цы“...

Кырзам куара шуккиське. Бусы дурысь нюлэсэ пыдло-пыдло, векцияса кошке, каллен копак ыше.

— Параски! валдэ шуккы. Мар сыче кисьмад?

— Лизи! милям одиг усымы уг тырмы, — Петя вазе.

— Мар шуиськод? — Лизи лек син'ёсыныз Петя дыр потыз.

Петя чыжектиз. Лизи нош каллен гинэ Петя доры матэяськиз.  
— Тон усы өвөл шуиськод. Эшшо чагиськыны дйсьтйськод!  
Лизи Петя шоры лэчыт син'ёсыныз мергчиз.

— Комсомол бригада шуиськоды, иське. Озы, озы оло Герей усы сётоз кожаськод-а, возыт өвөл-а? Кин кузё кожаськоды?... Ти асьтэос өвөл-а ма?..

Петя чатрес нырзэ ныс-ныс кыска, ог ингыяз зызы толэс кадь лёгаське...

— Азыланын таңе вераськон'ёс медаз луэ ни. Вань комсомолец'ёсыз вал борды, усы борды юнматы...

— Кызы юнматомы?

— Усы но, вал но кузёё мед луоз, валаськод-а? Ужлэн кузёёз мед луоз!

— Э-э, вераськеммы вал озы. Яралоз, яралоз. Асьмеос утялтом, скулмаськом, — комсомол'ёс вазызы.

Петя пештырскиз. Кузё син'ёсын тирлыкез чакла. Петя гинэ озы өз луы. Вань комсомолец'ёс ужпумлэсь мукет луэмзэ шөдйзы. Азыло но ужез яратыса ужало вал, табере нош огазын уж пушкы „ас уж“ огазынэз уката кужмоятиз. Параски кылясь усы пиньзэ ноку син аяз уг пукты вал. Табере нош „тае жытазе тупатон, тул шуккыса гинэ юнматонэз вань“ — шуса, усы пиньзэ бергатэ.

Вася Павол но учыскалзэ костаськись кунян гозыен гинэ юнматэм вал. Табере нош, „бертыса вылтйз пыш гозыен вильдыса лэзё“ шуса, кыштыр гозызэ маялля. Азылон комсомол бригада усыоссэ кытчы луэм отчы кымалоз вал. Табере нош Петя „татчы понйд ке зор но мар во уз йоты“ — малпа, ачиз чем улваё мырк кыззэ кочо кадь мерта.

Комсомолец'ёс ус'янэз пурьса кушто. Бертон кыдёкын али, бригада нош нормазэ быттэ ни. Со куспын Петя тянгес куареныз — шу-тэт-скон! — черектиз. Пинал'ёс, тып-тап дугдыса, чургинэ муыр кузя ваёбыж'ёс сямен пуксизы. Параски, Паволз кык куктыз кутыса, куинь котыр тэкмыльтйз. Соиз султйз но визьтэмме: куд пала мыныны уг вала. Пинал серек'ям кураос сураськыса одйг пурись, гурлы пөрмо. Ха-ха-ха-хи-хихи-лы пумыз өвөл.

— Эш'ёс! — кытй ке өвөл Петя вазе. — Кин валзэ умой утёз, кин тирлыксэ умой возёз? Ойдолэ чошатском!

Параски кылясь усы пиньзэ кырыж-кырыж гинэ учке. Павол но учыскалзэ синултйз лудкеч кадь косой кариськыса чакла. Параски кема малпаса өз улы, — мон чошатскисько! — вазе. Павол өз сётскы — мон но! — шуэ.

Соос сьöры вань комсомолец'ёс.

— Мон но, мон но! — гурето.

— Чошатскыны мöйы бригадзез но öтёно, — Параски будэтэ.

Пинал'ёс пöзись пурты кадь бультырьясько.

— Ойдолэ, ойдолэ чошатском! кин вормоз?

Бусын забыль шуккиське. Параски султыса, — норма пуктоме! — шуэ.

— Асьмеос соосыз кельтом небось!

Пинал мылкыд кабеныз жутскиз. Ышатсконэ отьыны мурт'ес быръем бере, Петя тянгес куараеныз — шутэтскон быриз! — вазиз.

Пинал'ес уж борды, пери кадь, кутскизы. Параски векчи куараеныз дышем гурез нѣжтыса лэзиз. Со съоры вань пинал'ес быга-а, уга-а, — ымзэс анзы вольтчымон усьтыса, кырзаса лэзѣ. Петя но, кенер вискы пачкам кечлэн кадь куараеныз кырзанэз чышке гинэ.

— Мар ымдэ со быдза усьтид, тузон пыроз, — Петя Васялэн ымыз шоры чиньыеныз возьматэ. Соиз нош соку ик калык рад лэзыны кутскиз.

Гур тупаз. Уж вырзиз.

— Контораын Родя огназ гож'ясыкыса луке. Нокин өвөл. Пёсям. Трудодень пуктон бордын вырыса солэн калыз быриз ни. Уж ляд'ян солэн йырысьтыз ноку но уг поты. Лизы пыриз.

— Родя, Офонь ужаны потымтэ ук: татчы оть али, пыжыса куштоно.

— Ожыт сиктано.

Кыты ке ой вал, Офонь пыриз. Кеберыз но өвөл.

— Пуксы али, Офонь, — Лизы лэчыт син'ёсыныз вандэ. — Тон марлы ужаны од мыны?

Офонь сак кариськиз. Чалмиз...

— Малы ужаны од поты? Вера али.

— Ма... Мар-ы-м, — юри кышкамтэяске.

— „Марым“, „марым“. Колхозысь поттэмез возьмаськод-а? — Лизы йыг жок шоры мыжгиз. Жок вылысь карандаш питраса кошкиз.

— Общественной суд лэсьтоно, сыче мурт'ёсыз ожыт пёсятоно, — Родя будэтиз на.

— Мын берытскы, 10 минут бере бусыын лу, од ке мыны, эн чагиськы. Та ужед сярсы кенешын вераськом.

Офонь син'ёссэ тэркы кадь кариз. Номыр шуэмез өз луы. Кошкыны но уг вала ни.

— Мын ужаны шуисько, — Лизы лек куаразэ поттиз.

Офонь кыштыр потыса кошкиз. Со куспын Гирыш пыриз. Со котьку тулыс кадь шулдыр. Ма шулдыр уз луы: со кадь ужаны быгаты али?

— Ну, Гирыш, кыче ужед мынэ?

— Номыр өвөл. Кыззы быгатиськом, озы мычиськом, пул пилиськом. Лиял сайкиськом: етин кизыны дась мед луоз. „Двигатель революцидэ“ валасько ни... Пуш, пуш! жуштэ. Уг жадьы.

— Бригадаед, бен, зол-а ужа?

— Пукро гинэ азьтэм'яське но, пёсятиськом. Шымпырич кадь луэ. Микаля Илляед нош мар турттэ—сьось кадь ужа! Номыр уг тырмы, ваньзэ нылэ.

— Яра, яра. Удой ужасьстэ лыдэ пон. Зеч кыл верано луоз. Зеч кыл гинэ өвөл, трудодень пуктиськом кин көня ужа.

Шунды көня ке сул гинэ тубыса вуттиз, колхозник'ес уж борды кутскизы. Комсомол бригада, мылпотытэк ужась Кипанез

мыскыл карон понна, усы вылаз оло кытысь шетьтыса, ызы мешок сэрег ошиллям. Асьсэос, бен, пызек'яло гинэ! Кипаньлы нош серек'янэн йырин өвөл ни. Кесяськись ке но өвөл, юнме шорысь вунэтонтэм возьдаськиз.

Офоньлэн гыркес син'ёсыз, шуралилэн кадь, тэк кымес ултиз лек ош кадь, утчаллясько. Ас понназ весь вушкетэ. Юнме кулэтэм'ёс сярись оломар но супыльтэ.

Калык нош кылэм ик уг кары. Офонь уката задормиз.

— Памиез, Ванькаез кулаке поттим, — ачиз көтурдэссэ чаж корма. — Мар, бен, зечез?.. Кинлы соос урод лэсьтизь? Пунэмен курыку соос уг ёрто вал. Зизтыны пырыку, Пыши курытсэ сётэ вал. Мар, бен, ватонэз: асьсэос өз пыралэ-а, мар-а?

— Тон, Офонь, нош кенешиськод-а ма? — Гондыр Олексан лек вазе. — Вунэтид-а кыл сётэмдэ? Сисьмем мурт тон, явал!

— Сое колхозысь поттоно: ужаны люкетэ — шуса, Сильвер черектиз. — Ужез гинэ жегатэ. Трудоденьзэ куштоно! Нечево, брат, вешаны.

— Поттоно, уляно, поттово! — ваньмыз сямен гырьсь бригада вазиз. — Тырмоз ни, трос нуныямы.

Офонь востэммиз: ак но, бак но өз вазы. „Таос экей, зэмзэ но поттозы“, — йыр пыдэсаз лэчыт пуртэн мертчиз.

— Эй, пересьёс! — вазись луиз.

— Кин со? Ма соку ик тодмазы: чатрес ныро бере Петька сяна кин луоз... Сандраен Опросен лыктэм.

— Комсомол бригада чошатскыны өте. Кин чаляк, кин умой ужалоз? — Петя вормем син'ёсын котыр утчалляське.

Мойьос первой паймизы. „Оломар но шетьто, бен“, — Кайсы малпа. Собере өз чида ни.

— Давай, давай кужыммес мерталом, — тач сязьыса кизэ посэ. — Мон пиналгес ке лусал, комсомолэ но пырысал. Табере басьтоз-а, уз-а незнай.

— Оче-че-чесь, таосыз эке! — Олексан бур кизэ пужал'я. — Чошатском шуиськоды иське. Од ке, бен, ортче... Ми веть, мосье ке но, чылкак саргамын өвөл на. Тани кужмыд, — кизэ возьматэ. — Кужмыд вирсэр кузяд луло узвесен ворттылэ веть. Палкиным 2-3 гирвонказэ уг но йётты.

— Ом ке ортче, юрттоды.

— Хах-ха-ха! вот мар соос малпало, — Офонь шуэрьяське. — Мед юртскозы, шетьтиллям кескич'ёс!

Кема жегаса өз улэ.

— Офоньлэсь эн кылзы пие, так серек'ясько, заводын кадь шуиськод ини тон, — Олексан вазе.

— Маин, бен, чошатском?

Петя лөптиз. Калык шоры учке но, ваньмыз мынек'яло. „Ярам, ярам, пумит нокин өвөл“, — Петя малпа.

Чошатскон пичи гинэ. Гырьсь бригадалы 25 валэн 25 гектар gyroно. Со сяна, тракторлы нимаз сётизы. Комсомол бригада нош валлы быдэ одиг гектар во черык усыяны кылзэ сётиз. Собере трудоденез умой рад'яно. Нимаз ужасьлэсь лэсьтэм ужзэ лыд'яно.

— Ну, табере, бере ке кылиды, съöd пул вылэ шукком, —  
Сандра вазе.

„Таос зэмзэ ик бере кельтыса мыскылэ вуттозы“, — Олексан шöме.

— Ну, эш'ёс! гыроно ке, гыроно, — Петыр вазе.

Соослэсь уд тоды: кельтозы но ява. Гырись бригада уж борды кутскиз, ана пумтй нош, турагай кадь, комсомол'ёс мынек'яса бригаадаязы берто.

Тракторлы но задание сётйзы.

Петяос шуэр'ясько: быгатим — шуо лэся.

Гырись бригада ужез позыртыса куштэ. Котырлы быдэ кык вись пасьта вож выло муз'ем съöd дэрэмзэ дйся.

— Мöйыос, пинал'ёслы сётйськыны уг яра!

— Кин урод ужаз, съöd пул вылэ одно ик пуктом.

— Офонь, мар нош лукиськод? — Петыр вазе.

— Ма, тани кенжытысько уго. От тырем лэзёно шуисько вал. —  
Синултйз шунды шоры учкыса лулзе.

— Тазы ке ужамы, комсомол'ёс асьмедыз куасаса куштозы: учкы али соосыз, мар туртто!

Комсомолец'ёс, зэмзэ ик, ужез зезьыса кушто. Чошатскыны öттыкузы соос, гырисьёсыз сутыса, вить валэн ужасьёсыз сутыса, вить валэн ужасьёссэс геры борды сётном шуса, асьсэ куспазы кылзэс сётйзы. Гырисьёслы юри öз вералэ. Гырись бригадалэн нош 1 тракторез, 25 гырись валэз, бере кылыны возыт.

— Та Офонь кыкетй тыремзэ лэзе ни. Одиг но уг дырты, мед'яськыса баринлы ужам кадь пуке.

— Кыче уж мынэ? — Кыдёкысен ик Лизи вазе.

Офонь чорк султйз.

— Уж пурзэ, Лизи. Комсомол бригада чошатскыны öтиз. „Уж-мес быттыса тиледыз сутом“ пе. Сётскем уг поты, соин тйни туюн поттйськом.

Лизи но дышем киосыныз, Олексанлэсь валзэ басьтыса, куашкуаш! гыриз... Геры улысь суй гозы кадь пуниськыса потэ. Гырем инты весь будэ, вуж пурисьтам муыр'ёс котькулы кесясько.

Комсомол бригада кабеныз сутйське ни. Офонь но эшшо кык-куинь мурт чильым кыскылыны чем дугдыло. Олексан пыжыса куштэ. Жоген Офонь но öз дйсьты ни.

— Лизи, уж-югдурез мукет сяменгес пуктоно вал... Кесэген-кесэген уж сёт'яно... Нимаз ужез лыд'яны шуг, трудодень нош одиг кадь басьтйськом.

— Ми но али гинэ озы вераським, трудоденьмес но шонер-тоногес.

— Родя ваньзэ лыд'яса кылиз. Кылсярьсь, нюлэскысь бригада куд мында пиле, со мындады коньдон басьтоз. Делянка сузясь бригада — участокезлы. Гырись, ус'ясь, кизись бригадаослы но уж кесэген-кесэген сёт'яно.

— Озы, озы кароно.

— Родя тани вьль нормаос пуктылыса кылиз, табере гырисьёсыз, лйял поттйсьёсыз, пул пилисьёсыз нимаз нормаен ужатомы. Со понна карточка лэсьтйськом, нормалэсь мултэс ужамлы мултэс дун рад'ялом.

— Куд мында ужамез лыд'яны шуг ик уз луы. Мон тани ас бригадаелэсь лыд'ясько ни. Офоньлы мон толонэзлы куинь черык трудодень гинэ пуктысал.

... Норман, кесэген басьтыса ужаны кутскем бере, уж уката умояз. Комсомол бригада кизись бригадаен Григорейлэсь бригадаэ но чошатскыны ётиз...

Григорейлэн бригадаез, нормамес ужасьлы быдэ черык кубометрлы мултэсэн быдэстом шуса, кылзэ сётиз.

Гырьсь бригада кема сётскытэк мыниз. Ёз чидалэ, вормоно кужым вормиз. Комсомолец'ёс сутызы. Асьсэос, бен, кабэныз лёттызы. Вить ужасьсэс гырыны куштызы. Соос пёлы Павол но сюряз.

— Сэзы бусыысь гырон бырьське ни, етин борды кутсконо луоз.

— Туж умой, туж умой,— Лизы шумпотэ.— Асьмеос мае ум быдэстэ.

— Мар мында выль ожо кесям,— Олексан лёттэ.— Со кёс кыз сьёрез „Баян сик“ шуиськом. Куалак веть кесим. Кёня ар со Герей кулак ки улын улиз.— Олексан малпаськон'яз пыдло но пыдло выиз.

---

## Выль ужан амал'ёс.

Г. Медведевлэн „Субботник“ но „Муз'ем походын“ верос'ёсыз, М. Коноваловлэн „Егит'ёсын чошатскон“ веросаз муз'ем ужпумын выль амал'ёсын ужан възматэмын. Куанер но шорлыко крестьян'ёслэсь коллективен ужамзэс азьло ик адзиськом. Кудогез бере кылем'ёс гинэ колхозлэсь палэнын на. Вуж сямен улыны дышемзы соосты берлань кыске на ялам, сычеос ик кулаклен ки улаз жогенгес шедё, соосын кулак бергатылэ на.

Завод'ёсын ужасьёс вамен, завод-фабри'ёсын кутэм ужан амал'ёс колхоз'ёсы пычалло. Ужен бере кылем колхозлы ю-няньзэс утялтыны школаын дышеткисьёс, суботник лэсьтыса, юртто. Тракторез, машинаосты, вал'ёсты, вань ужан тирлыкес, бригадаосты но колхоз'ёсын хозрасчот вылэ пукто. Ужзэс умой но пазырес нуыны, быдэстыны вылысь, чошатскон'ёс лэсьтыло. Трудодень шонер тупатон но колхоз ужез туж зеч азинтэ.

Вань лыдзем верос'ёсысь егит'ёслэсь азьмынысь луэмзэс адзиськом. Партиалэсь косэм'ёссэ, валэктэм'ёссэ нырысь комсомолец'ёс пырти быдэстэмен адзиськом. Выль амал'ёс котыре соос жоггес вутско. Комсомоллэсь музон'ёсыз но гуртысь егит ныл'ёс, пиос уг кылё ни. Егит'ёслэн кужмо, етиз но пазырес ужамзы воргорон'ёслэсь, мёйыослэсь но ужан мылдызэс лёткытэ. Соослэн кужымзы вань ук. „Кужмьд вирсэр кузяд луло узвесен ворттылэ веть“— шуса, Олексан ас сярэсьтыз вера. „Давай, кужыммес мерталом!“— шуо мёйыос комсомолец'ёслы. Шуэм безы ик, саес'ёссэс пужал'яса, сюлмысь кутско колхоз уж котыре.

Кулак но колхозэн нюрьяськыны вьль амал'ёс утча. Табере со колхозлы пумит мечак уг вераськы ни, табере со зичьяське. Комсомол секретарьлэсь калыкез колхозэ пырыны валэктэмзэ тушмонэз азын со уш'я. Нош отын ик бускельёсыз пушкын колхоз пумитэ тыл кенжытэ. „Государство, юрттэм понназ, кабы витьмос медаз тырыты мар-а!“ — шуэм кыл'ёсын Макарыч кулак бускельёссэ колхозэ пыремлэсь возыны турттэ. Куанер Исьтапанэз кияз кырмыса возе на со, инмарлы но святойёслы оскытэмен, йырзэ усыкмытэ, пересь Обран вамен колхозлы но, пиезлы но пумит урдскытэ.

Комсомол пушкы мертчиськем Офонь нош колхозлэсь уж'ёс-сэ пуш ласянь жегатэ, аналскыса, дыг ужа со, колхозысь улям кулак'ёсты жаляса эш'ёсыз пушкын вераськылэ. Куддырья нош кулакен пумиськылытэк, чик вераськытэк но, Офонь кадьёс кулаклы юртто, ас мыдлань уженызы гинэ.

Та куинь верос'ёс гурт калыкез туж умой воспитывать каро, сельской хозяйствоез партилэн социализме вуттон мугезлы кужымо юрттэт луо, трудовой крестьян'ёслэсь сознанизэс вьль улон пала берыкто. Соин укыр дуноесь луо таче верос'ёс.



## Миронов А. С.

(Вордскиз 1905 арын)

Миронов 1905 арын Балезино районын Вёёгуртын вордскем. Глазовын II ёзо школаез пырпотыса быттэ но „Гудыри“ газет-лэн редакцияз ужаны пыре. 1927 арын Удмурт областылэн лым-шор пал волостыёсаз рабселькор кенеш'ёс ортчыт'я. Собере со арын ик мынэ со Горд армие, ар чоже Одесса карын ож ужлы дышетске. Армиысь бертыса, нош ужа газет поттон ужын, „Кенеш“ журналлэн редакцияз секретарын но улэ. 1931 арын военной маневрын бырыны шеде.

Миронов егит писатель вал. Пичиесь верос'ёс 1925 арысен гож'яны кутскиз. Нырысь верос'ёсыз улонлэсь воштыськемзэ выл ласянь гинэ возматэ. 1926 арын „Гудырьян дыр'я“ веросэз книгаен потыз. Ныль ар ортчыса, „Шунды шорын“ книгаез потэ, татын гожтэмез солэн Горд армия сярысь очерк'ёс луо. Литература ужпумын уногес ужомез'я, солэн „Дас тямс“ веросэз творчество ласянь азияскемзэ адзытэ. 1933 арын, Мироновлэн бырем безаз ини, солэсь та дырозь печатать карымтэ верос'ёссэ „Кыдало“ нимо книгаен Удгиз поттиз на.

## Гудырьян дыр'я.

Ульчаын пуныос чаш уто. Пуны утэмлы ёрмыса, калык солань талань ветлэ.

— Ма, мар озыы лекос пуныос уто?—быгылес, пурись тушо Кузьма, лапег гине маке, горд тушо Сергейлэсь юа.

— Нош ик салдат'ёс нянь октыны лыктизы дыр. Коньдон мар ке сётысалзы, соку оло нянез сётись но лусал. Табере ужа-ужа но олокин понна токма сёт ини. Ма, кин озыы токма ужалоз. Эк, та'е но дуннеын улод! Кошкизы умой улон'ёсыд, кошкизы!

Салдат'ёс потизы. Висказы гурт төро мынэ.

— Кытчы сое озьы нуо? Шат мар ке янгышез 'вань? Номре но таче улонлэсь уд вала,—Зезьы азын кык кузя кышноос куспазы кенешыса сыло.

Салдат'ёс пырак гурт пуме мынизы, нюк съёры выжизы. Ёжыт улыса, соос съёры, кунулаз бадзым книгаен, кусказ револьверен, егит гинэ салдат выжиз на.

— Озьы ик луоз. Нош нянь кулэ луиз вылды.

— Быриськиз ук табере, быриськиз! Вань няньдэ ик чужыса кошказы.

— Пинал'ёс, мынэ али, тодэ, мар меда соос ветло. Оло көня ке няез палдуртыны вуод на — шуса, пересьёс пинал'ёсты нюк съёры ыстизы.

Куинь кузя ог 7—8 арес'ём пинал'ёс шудыса кадь ик, нюк съёры тачыр гинэ кошказы.

— Со пал пумын улысьёслы та дырья умой ни. Соос, майбыр'ёс, няньзэс но мар палэнтны вуозы ни. Котьмае, бен, татысен утчаскыны кутско. Коть одыг пол со пал пумысеныз мед кутскозы вал,—Кушья заректыса вера.

— Корт уробоосты гож'яса ветло,—Дурга ивортыз.

Кинлэн ке корт уробоез ёвёл, соослэн сюлэмзы небзиз.

— Сергей! Ойдо, кытчы ке корт уробомес палэнтмы. Кужмысь-кужмысь басыны турттиськиз но, табере огшоры-а сётыса лэзёд ни,—Зумья, туж куалектыса, Сэргеезлы вераса, липет улын пукись муртэз суйтиз кыска.

— Кытчы ватод на? Тани вуозы ин ук!

— Тынад ялам озьы луоз. Сенике нуыса вылаз куро куяно. Шара кылемлэсь ватэм луоз, оло сокем уз бугырьяське.

— Котьмар мед луоз! Ватыса-мараса уд турскы ни. Ватид ке но, бускельёс ик вералозы, уката урод луоз. Уробоед понна йырыд быроз. Ачид ке луид, корт уробоез гинэ нош шетьтод.

— Тон соослы маин ке тырмытод дыр! Аслэсьтыд салдатысь ваем шинельдэ но кузьмад уг-а. Сётоно шуса, ивор гинэ вуиз, соку ик нуыса вуттид. Калык ёз нуы, соослы номре ёз лу. Табере соос шуба кыскет карыса нулло ни.

— Оло утчаса но уг ветло, оло гож'яло гинэ. Гож'яло гинэ ке, ум вералэ. Утчало ке, ватэмзэ но шетьтозы.

Со куспын салдат'ёс гурт төроен корка вуизы.

— Митрей, корт урободэ возьматы, тани гож'яса ветло,—гурт төро шуэ.

— Мынам уробое вуж ни, куашкамын. Малы со яралоз на?

Солэн уробоез урод ке но вал, яралоз шуса, гожтизы. Собере, шип гинэ кенер вамен тэтчаса, Сергейлэн азбараз вуизы.

— Сергей, возьматы али урободэ. Со тынад кытын понэмын?—төро юа.

— М-м-ма, кыч-че мын-нам-ам уробое!? Нокыче уробое ёвёл. Митреен кемалась ём люкиське на, уробомы чош вал,—заректыса, бакчыса вераны турттэ Сергей.

— Что? Нет что ли?—огез салдат дыртыса юаз.

Дисьтыса, дисьтытэк Ондрей — н-н-не-э-эт — шуиз.

Ватэмзэ ке тодизы веть сое зол пыжозы. Сое озы одиг пол пöse вуттылизы ини. Таосыз но салдат'ёс гуртысьтыз потыкузы ик кышкатызы.

— Пöяд марад ке, арестовать карыса сьöрамы нуом, — шуизы.

Кышкатытэк уг лу ук. Соослэсь но юало, ма карод?

Салдат'ёс умоесь шедизы. Ондрейлэсь мөгаса верамзэ шöдизы ке но, ас сюлэмазы гинэ кельтизы.

— Идем дальше, некогда стоять — шуса, кошкызы.

— Имнар нуиз. Ойдо, Сергей, уробоез ватоно... Берлань лыктозы, шайяськозы.

— Öйтöд, ватыса турскод оло мар.

— Лыктизы ке липет улын, ныр улазы ик. Табере адзизы ке, ватид шуозы ини.

— Пыдло ватэмлы уката йырзы кур луоз. Э-э-кек-эк!.. Улод вылод, аслад ваньбуредлэсь кышкалод. Ас ваньбуреныд ватсконо луиськиз ук!

— Я, эн ни мога, лыктэмзылэсь азьло ватоно.

— Кошкы ай, та уробоед понна йырде быттод. Мыныса, ачим вералом шат? Мед гожтозы, малпанэз ичигес луоз.

— Кытчы мынод на?

— Буба, эн ни мын, оло уз лыктэ ни, — дас вить арес'ем нылзы бубазэ буйгатыны тырше.

Сергейлэн сюлмаз мертчиэ. Нылпиосыз тодаз лыктизы. Кенос азе, выж вылэ пуксьыса йырзэ ошиз.

— Мыныса, ватом ке, ватом. Кытчы ватод ай? Сенике шат. Отын умой уз луы, обине куро люке ватом.

Сергейлэн сюлэм чет-чет выре. Туж кышка. Корказ пырыса, йырзэ ошыса, зус вылэ пуксиз.

— Буба, буба, ма ке вош ик ульчаети салдат лыктэ, пельпу-маз оломаиз вань, — пичи пиез шуэ.

— Йыр быри! Йыбырт'яськизы луоз, шайтан'ёс... Мон мыныса ватско. Пыризы ке, пуч кораны кошкиз шуэ.

— Ти, пинал'ёс, юнме эн вераське, — мумызы пинал'ёссэ валэктэ. — Юазы ке, ум тодиське шуэ.

Сергей доры салдат öз пыр, ульча пуме, нюк сьöры кошкиз.

Вань гож'ям уробоосты огазе люкало. Медаз воштылэ шуса, салдат ачиз лыктэм.

Жыт ини. Ульча шорын от дас вить уробо люкамын. Калык уно. Ас ваньбурзэс жаяло.

Вал шетьтыса уробоосты нуизы. Одигез салдат келяса мыниз. Отйыз кытчы кариськизы — нокин уг тоды.

Сергей „гуаз“ туж куалек'яса пуке. Салдат'ёс кошкемын оло öвöд, семьяез номре уг тоды. Ватскем адами уйзэ отын ик ортчыртэз. Семьяез чукна оть-тат эскериськиз — номре уг ни кылиськы. Соку Сергей гуысьтыз потыз.

Уробо утчась öй ни вал. Гурт калык гинэ, йыбырт'яськом шу-са, ялам кышкатылиз.

Горд'ёс интыяськизы та гуртэ. Толалтэ номре жугиськон, ыбыльськон мар, ик öз потылы. Тöдьыос пырак лыктыны öз быга-

тэ. Тулыс вуэм бере, жугиськон но потоз удыр шуса, ивор'ес чем вуылыны кутскизы. Тодьыос пумитэ горд'ес ожлы дасясько. Валэс ю кизён озь но тазь ортчиз.

Тодьыос матэ кариськыса, фронт юнманы кутскем бере, писос'ёсты армиие басьтызы. Куанер'ес, юон сям карытэк-маратэк, кошкизы: кумышка пöзтыны эрик ой вал ни. Выль салдат'ес вуэмен, горд'ес уката зол юнматско. Одиг-одиг винтовкаен ыбылэм куараос но кылыськыло ины.

Куазь шулдыр. Валэс ю но жужамын. Зегуд чебер будэ. Окоп'ес копано шуса, ивор вуиз. Ваньзэ ужаны быгатисьёсты гуртысь окоп копаны потгызы. Нокинлэн пумит кариськемез уг луы. Крестьян аслэсьтыз ваньбурзэ ачиз из'янтэ, кизем юзэ ачиз ик бугыртэ. Гурт котырты, кыйдоос вылти, окоп копало. Синву потымон жалы!

— Улон бырыз! Ас юдэ аслыд быттыны усе — шуса, крестьян'ес куспазы кенешыса копало.

Кык-куинь нуналын гурт котырты уно окоп'ес луизы. Вож зегуд пöлын окоп копам суй горд-горд адске. Куазьлэн шулдырезлы шумпотыса, луд вылын турагай шулдыртэ. Гурт шорын ульчаын, пинал'ес суй пöлын шудо. Гуртлэн сьбраз калык окоп копаны выре.

Ожмаськонлэн туннэ-чуказе улзонэз тодмо ни. Толон гинэ чугун сюрес вылысь тодьыослэсь разведказэс адзиллям. Гурт дорысен отчы куинь изькем сяна öвöл. Чугун сюрес выж куашкатэмын. Выж котырты котырак нюлэс. Берло нунал'ёсы татчы тодьыос чем-чем ветлыны öдызы. Толон одигез юри кылыса горд'ес пала кариськем.

— Ти вылэ лыктыны тодьыос зол дасясько, юн эскериськыса ветло, — горд'еслы со вера.

Окоп'ёсы пулемёт пуктылызы. Гурт пуме, корка йылэ нимысьтыз возьмаськись понйзы. Окоп копасьёсты дыртыто.

Нуназе. Корка йылын возьмаськись чугун сюрес вылысь тодьыосты адзем. Сое ивортыса но öз вутты, тодьыос паласен ыбем куара кылыськиз. Корка йылысь адямиез васькытызы.

Горд'ес винтовкаосын — тачырак! — ваньзы чош ыбизы. Собере пулемёт'ёсын тр-тр-тр! ыбылыны кутскизы. Гурт соку гинэ умой-умой, ыбылыськемез кылиз. Окоп копасьёсты окоп'ёсы вытскытылызы. Пегзыны медисьёслы эрик öз луы. Тодьыос но пулемётэн, винтовкаен ыбыло. Кытын мар луэмзэ но куалектэм гурт йöскадь уг вала ни. Кудиз ватскыны тырше, кудиз бöрдэ, вöсьяске: чир-жаг вазе.

Дуннеын шакай'ес вань шуо, зэм вылэм. Витьтон арес'ем Вася гид йылаз тубем, отын учкыса сылэ.

— Вася! Вася! мар отын кариськод? Веть тонэ виозы! — со шоры кинке черек'я.

Вася, чыштырак гинэ, гид йылысь васькиз.

Гурт сьöрын окоп'ёсын „взво-од... пли“ — шуса, кесяськем кылыське. Винтовкаосын тачырак-тачырак ыбыло, пулемёт'ес но тачыртэмысь уг дугдо...

Шунды вылэ жутскимтэ на. Чукналэсь шулдырзэ векчи ты-

лобурдоос мадеменызы уката шулдыр каро. Гуртын гинэ шулдыр өвөл. Салдат'ёс толон ожья бырем эшсэс жаляло. Ульча шорын вань салдат'ёс пöлысь ог жыны эсэпез люкаськемын. Гурт калык но отын ик. Дыртыса лэсьтэм коросын бырем эшсы кылле.

— Мумиз-аиз вылды гуртаз вите вал? Татын йырыз быриз,— гурт калык куспаз кенешыса сьлэ.

Ожыт улыса, салдат'ёс ырзызы, эшсэс нуизы гурт сьöры.

„Вы жертвою пали в борьбе роковой, в любви беззаветной к народу“... шуса, кырзаса пото.

Гурт сьöрысь луд вылын гу гудэмын. Бырем эшсэс гу доры понизы. Салдат'ёс котырак радэн султизы. Командирзы, гуысь жутэм ской вылэ султыса, вера:

— Эш'ёс! Туннэ асьмеос дуно эшмес ватиськом. Толон ужась но крестьян калыкез зйбыны турттисьёс асьмелэсь та дуно эшмес виизы. Революция понна, эрикен улон понна жугиськыса кулиз, быриз эшмы. Асьмеос туннэ улэп, чуказе вош, эшмы сямен ик оло быромы. Чок! Асьмеос уно, ваньмес уз быттэ. Эшмы быриз ке но, солэсь кылем винтовказэ киямы зол кырмыса вир юисьёслы ум сётске!

Салдат'ёс винтовкаен куинь пол гурак-гурак вылэ ыбизы. Коросэз гуэ лэзизы...

Ньыль нунал ортчиз. Матысь гурт шоры көня ке пол пушкаен ыбизы. Тöдьыослэн пуштэм снарядзы со гуртэз жуатиз. Сутскись гуртысь калык ваньбурээ тылпулэсь палэнтыны выре, окоп'ёсы поттылэ. Гуос ог'я копамын — обиньёсы, шур дур'ёсы, нюк бам'ёсы но. Юрт доры матэ гу уг копало: юрт сутскыны кутскемен ваньбур но быроз ук!

Луд вылысен учкыса, окоп'ёс ог'я горд-горд адско. Гурт ваньбур отчы ватэмын. Маке тыч-тач ке вазыны кутске, калык окопе ватске: йыр дуно, нокинлэн но кулэмез уг поты.

Кык-куинь нунал улыса нош ик нуназе котыр „гур-р гу-у“! — шуса, тöдьыос пушкаен ыбылыны кутскизы. Гуртэз сутыны малпало вылэм быдэсак. Гурт бадзым. Снарядзы гуртэ ог жыны изькем өз вуы, луд вылэ усиз. Көня ке пол ыбем бере, бугыр-бугыр чын потыны öдяз. Собере уката зол ыбылизы. Быдэс гуртысь юрт'ёс сутскыса быризы. Номре кылымтэлэсь, быдэс гуртэ одйг мунчо гинэ кылиз на. Азылон шулдыр гурт интые сьöдсьöд эгыр кылиз. Отын но татын гур мурыос чал-чал сыло. Сутскем интыетй калык куректыса, бöрдыса ветлэ. Пинал'ёс чиржаг кесясько, пырон инты утчало.

Аскыяз нуназе лек дыр вуиз. Сергейлэн окоп дораз бу-у-у! шуса, пушкаысь ыбем снаряд усиз. Снаряд шур дуре усем. Вуэз, нöдэз, мае ке сямен, вылэ пазьге. Номре адзылымтэ удмурт кышноос, кышкаса, сэрег'ёсы шымырскемын. Окопын пукись кышноос снаряд усемлы быдэ,— „остэ, инмаре, куазе, кылдысинэ“ — шуса, кирс поно, пинал'ёссэс буйгатыны туртто. Пиос'ёс но зол кышкамын.

Ог куинь час дугдылытэк пушкаен туж зол ыбылизы. Собере винтовкаен но пулемётэн ыбылиськем куара гинэ кылыське



лэн пиез горд армие кошкемын, кин нянь поттон котырын ужаз, чуказяз ваньзэ тӧдьыос тӧдизы. Ваньмон дыр ке лусал, соослэсь семьяоссэс зол пыжысалзы вылды. Ваньмон дыр ӧвӧл, салдат'ӛс ожмаськыса азьлань кошко. Озы ке но, крестьян'ӛс подводэ кутэмлэсь ӧз мозме.

— Ма, подводэ нуо ук!—шуса, гуртын вераськон поттйзы.

Кык арня ортчиз ини. Подводэн мынэм мурт'ӛс кудиз бертэмын, кудиз али по бертымтэ на. Салдат'ӛсты уно ик адзьылыны уг луы ни. Гурт—бадзым сюреслэсь палэнын.

Туннэ чукна дырысен салдат'ӛс гуртын уно ветло. Мар луэмын—нокин уг тоды на.

— Вал'ӛсты басьто! — гуртэ ивор вуиз.

Ӗжыт улыса, гуртэти вал вылын но пыдын, кин кызы быгатэм озы, тӧдьы салдат'ӛс кошко, берлань чигнало. Гуртысь, мар яраноез шеде, ваньзэ нуо. Кудизлэсь биньгозы, кудизлэсь сиес, кӧня ке вал но шетьтизы.

— Эй ты, тарантас давай, — лыктэм салдат револьверен мерта Сергей шоры. — Куда зарыл, вытаскивай!

Сергей номре шуыны ӧз тоды. Заректиз. Поттытэк амал ӧз луы, быдэс ар ватыса кыллем уробозэ ачиз ик куро люкысьтыз поттиз.

Иськавынэзлэсь валзэ нуизы.

„Нуэмзэс ке тодысал, азьвыл ик сӛтоно вилэм. Ужез бырысал. Кӧня вир быттыськиз!“ йырзэ ошыса, Сергей пуке.

Гурт сьӧрысь гурезь бамти уно салдат'ӛс кошко. Гурт шоры пичи гинэ шур бызе. Ваменак—уродос выж вань. Тӧл вуко кадь вукоез, тулыс но сизылы гинэ изэ.

Горд'ӛс шуак лыктыны медаз быгатэ шуса, тӧдьыос кошкыкузы выж улэ тыл пониллям. Выж сутскыны кутскемлэсь азьвыл вуко жуаны ӧдьяз. Ма, мае уз жуа, солэн липетэз но куро. Сыче дырья чапак, тӧл но потыны шеде. Тӧл потыса, тыл кизили гурт вилэ лобзе. Калыклэн тыл кысэмез чик ӧз лу, юрттэк, ваньбуртэк кылизы.

## Баженов Д. И.

(1904 арын вордскемын.)

---

Балезин районын Куатьтабань гуртын 1904 арын вордскемын, шорлыко улись крестьянлэн пиез луэ. Граждан ож мынон вылти со армие басьтонлэсь пичи арлыдо вал на. Озь но, подводчике шедьыса, Горд армиен чош, Сибири вутскылиз. Колчак армиен ожмаськонэ пыралляз. Горд армиысен ик со комсомолэ пыре. Ож ортчем бере комсомоллэн уезд комитет'ёсаз кема ужа. Партилэн область комитетаз но кӧня ке ужаз. 1931—1933 ар'ёсын со Москваын красной профессор'ёсыз дасясь институтн дышетске. Отысен МТС политотделэ ужаны ысто. Гож'яськоңзэ селькор ужысен кутскиз. 1926 арын верос'ёс гож'я, соос пӧльсь бадзьмезгес „Сьӧд пери“ луэ. Верос'ёсыз улэ „Пинь Д.“ псевдонимен гожкылиз. Критика ужпумын но ужамез Баженовлэн данак.

### Сьӧд пери.

Тулыс... Лымы сульпамын. Ульчаети, азбар'ёсти, луд вылти тулыс ву кошке, тол сьӧдэз гылтэ, шунит чебер гужемлы муз'емез миське. Шунит нуналлы, пиштись шундылы котькин улись шумпотэ. Пудо гидаз сылыны уг чида ни. Му-у-у, ме-э-э — бӧксэм куара ур кылиське. Возь вылэ потэмез солэн потэ.

Калыклэн гинэ сюләмез интыяз ӧвӧл.

Великтэмез юэмзы потэ. Нош великтэмлэн юыны лоунтэмез тодмо ни. Чукнаысен дугдылытэк ульчаети, гозы кыскем музэн, салдат'ёс кошко.

Пуны кадесь соос жадьылллям, корка пырыса, одиг кык кобы сюкась юыса, дыртыса азьлань вamyшто.

Мадьвей доры но туж уно салдат'ёс пыриллям. Сюзы соослэн куасьмем. Мадьвей пырем салдат'ёсын кылбур поттиз.

Мадьвейлэн тушез туж паськыт. Бамызлэсь вараськемзэ тушез пытса. Ымызлэн выремез гинэ адзиське. Нош ым вырем'я кинлэсь ма малпамзэ тодыны чик уг луы. Ымыз зеч ке но шуэ, мупыр мед виялозы шуса, оло собере сьолэмез чакла.

Мадьвей ачиз шорлыко улысь адями. Ужасез 7-8 мурт, ужаны быгатымтэез чик өвдл. Ачиз гинэ пересеныз мйыгес луэ ини. Озы ке но, уж бордын туж аляк выре на. Кено пиез но, егит кенэз но, Нади но Матй ныл'ёсыз, нюлэскын вуэм эмезь кадесь, ужаны кисьмамын.

Кык ужано валэз. Куинь скалэзлэн нёкы вёез сиимон луэ. Ю-нянез во вузаны арлы быдэ ожыт мыле.

— Ма бен озы дыртыса лекос, эш'ёс, кошкиськоды? — шуса Мадьвей юа.—Кужымды-а өз сузы, сьолды-а кыстиськиз? — шуса серектэ.

— Кужыммы но сузе, сьолмы но өз кыстиськы. Юнме ожыт азе кошкылыськом, — горд салдат шуэ.

— Кошкыны капчи, лыктыны секытгес дыр луоз — шуса, Мадьвей супыльтэ.

— Ми берлань берытском. Тодьыосыз асьтэос ик уллялоды.

— Ойтод, уллялом оло ум. Ти маин тодиськоды. Оло собере соосыз ми лйятыса возём.

— Витиськод-а бен тон, пересь, тодьыосты? — мукетыз салдат юа,

— Ожыт витисько ик. Оло чусгес луоз, — номре малпатэк, Мадьвей вера.

— Витиськод ке, иське, зечсэс-уродзэс соослэсь ожыт адзод. Оло шомпалэн но секталозы — шуса, салдат'ёс серек'яса, Мадьвей дорысь кошкызы.

Тодьыос мертчиськемен, горд солдат'ёс Глаз пала карисько.

Жыт но, Чукаезяро но чус улыз. Одиг салдат но ой вал. Горд'ёс Туктыме, Весьякаре юнматскиллям. Гуртэ нылкышно калык, пересёс гинэ кылемын. Горд Костя, ачиз парсь кадь ке но тордэмын, кызы ке кылем. Пиос'ёс уноез гуртысь кошкызы. Кудзэ уловен горд'ёс сьобразы нуизы, кудзэ нош армие басьтызы. Гуртысь оло жыныез калык кошкемын.

Вичакызлы середа туж кузь потиз. Чуказе мар луонэз витё. Кудиз туж куалек'яса вите, кудиз шум но потэ лэся. Горд Костя куинь изькем тодьыос пала, тодьыос пумитэ мынэм. Гуртаз куинь самвар дасяса возыны косэм. Купрес Офоньлэн, корка выжзэс миськыса, нёкы-вёй дасяллям.

Тодьыосыз гажало, куноез кадь витё. Ма уз вите, горд'ёс соослэн син аязы бельмо кадь улызы. Вузкарыны эрик ой вал. Калыклэн силь вылаз ветлыны өз луылы. Купрес Офоньлэсь чечызэ, грамофонзэ нуизы. Горд Костязе но уно куанермытйзы.

Сэзь Истёпанлэн семьяез но пичи Иви гинэ та куноосыз туж кышкаса витё. Малэсь кышканы но вань. Сэзь Истёпан Горд армие ас мылкыдэныз кошкиз. Пичи Иви нош комсомолын вал. Ачиз 17 арес луса но, мугорын пичи вал, 15 арес'ем кадь гинэ. Соин ик, пичи Иви гинэ шуылызы. Комсомолын улэмзэ гуртаз уг ке но тодо, ожыг кышка ик. Горд'ёс дырря, горд'ёсын лекос

тупа вал со. Горд'ёс сьёры кошкыны чик өз вуы. Шур'ёс вёлскизы. Чупчи шур выжез горд'ёс сутизы. Ивилы сюрес пыт-саськиз.

Куноосты витыны пичи Иви но дась луиз. Книгаоссэ сюе согиз, комсомол билетсэ сукман вурьсаз вуриз... Тодьыослы кузьым дасян сярэсь туж уно малпаськиз. Тодьыосын ожмаськыны дасяськиз.

Великой четверик но вуиз. Калык вуж сямзэ өз вунэты. Чукна ик мувчое пыриз, дисьсэ воштыз. Праздник утыны дасяськиз. Озы но, праздник утыны эрик өз луы.

Обед котыр, тачыр гинэ, гурт дорын ыбылыськем кылыськиз. Калык кышкааменыз губече, погрэдэ ватскылэ.

Ожыт улыса, куноос вуизы. Калыкез сэзьалтызы. Коркалы быдэ пырало. Горд армие ас мылкыдэнызы мынэм'ёсты юало, коммунист'ёсты утчала.

Вань коть өвёл, вера. Верасьтэмезлы урыс яке шомпал туж жог тыбыраз вуэ.

Покой Зумья, палкышно марке, солесь кузпалзэ германь ожинь виизы. Ныль кузя пинал'ёсыныз огназ кылиз. Та ар'ёсы улонэз солэн туж секыт вал. Огназ вить муртэз сюдылиз. Ачиз гыре, ачиз кизе, усья. Огназ ара, кутса, етин ишке. Берло ар'ёсы ожыт капчигес луыны кутскиз. Пинал'ёсыз будизы. Испиридон пиезлы 18 арес тырме ни. Улонэзлэн капчиямез Покой Зумьялы шодиське.

Ас сяменыз кур-кур кырзаса, Покойзэ тодаз вайыса, Зумья пыз пужнэ.

Витентэм вылысь жилт-жилт, шалтыр-шалтыр тоды салдат'ёс вуизы.

— Пиед гуртад-а? Горд армие өз-а кошкы? Кудды коммунист? — шуса, кудзем салдат'ёс юало.

Зумья юамзыя мар вераны но уг тоды. Соку ик юамзэс но өз вала. Салдат'ёс пумитэ биллы син'ёссэ берыктыса учке. Кылзэ оло кин ке думиз, вазыны но уг быгаты.

— Кудды коммунист? Кин гуртады коммунист? Жог вера — шуса оез салдат кеськиз.

— Мае мон дышетскимтэ кышномурт тодом. Уг тодиськы нокинэ но, — Зумья шуэ.

— У, стерва, уд тодиськы? Иське, ме, тодымтэ поннад! — шуса, салдат'ёс тачыр гинэ Зумьяез урысэн жуго.

Пограм бераз гинэ Зумьяез жугемьсь дугдизы.

Салдат'ёс кошкызы. Выж шораз пуксьыса Зумья зар-зар бёрдэ.

— Ма понна, ма понна? — шуса кылбура.

Нокин но Зумьяез жалась өз луы. Пинал'ёсыз гинэ, котыраз люкаськыса, мумыенызы чош вузыны кутскизы.

Тодьыос гуртын кузё луизы. Сюег'ёссэс курьяны, пудозэс вандылыны, сютэм пуныос музэн кутскизы... Чирр! бёрдон, черк'яськон куараос гурт тыр луизы.

Сэзь Истёпанлэсь ас мылкыдэныз Горд армие кошкемзэ тодыны сьёсьёс вуиллям. Горд Костялэн кылыз чидамтэ. Сэзь

Истѣпанлэн корказ лыктыса, тѣдыос кузѣ луиллям. Сюсегысь-тыз юзѣ чужыса поттиллям. Диськутсы но чик кылымтѣ. Айызѣ во мумызѣ Истѣпанлѣсь нѣораса, колодца жеребе ошизы.

Васьлей Кушьялэн кыл йылаз пушнер потэм, кылыз чиньпань гинэ шонаське. Пичи Ивилэн семьяез вылэ но чагиськем. Солэсь корказѣ возьматыны понна ас пизѣ юри лезем.

— Козьяинзы коммунист—тѣдыослы Вася Кушья шуэм.

Тѣдыос пичи Иви доры лыктыса, козяинзѣ утчаны кутскиллям. Козяин бадзым мурт кожало вылэм. Нош Иви козяин луэ шуса, тодазы лыктымтѣ. Озы Иви исатэк кылиз. Со, дорысь-тыз палэнскыса, бадзым сике улыны кариськиз.

Гонзо муртлэсь сиксѣ кин, бен, уг тоды! Та сик пушкыти пырпач пересѣслэн но потылэмзы ѳй вал. Кудэз но сикын туж бадзым. Со куд шорын шор мучез вань. Шор мучаз бадзымесь кык муртлы зыгыртымон пужым'ѣс будо. Куд вылти вамыштыны чик уг луы. Ветлись муртэз куд ас пушказ ньылэ. Шор муче одигети гинэ пырон сюресэз вань. Та сюресэз нош чик нокин уг тоды. Ивилэн пересез гинэ тодѣ вылэм, Ивилы но сое возьматэм.

— Коля, мон сик муче кошкисько, чуказе мон дине лыктылы. Сюрес пересѣ вералоз. Утѣ шѳдтэк! Нокинѣ ас сѣбрад эн вай! — шуса, Иви Коля брагэзлы вераса кельтиз.

Коля—Ивилэн пичи братэз. Коляен Ивиен туж тупаса уло, одиг огзылы оско. Ивилэсь Коля одиг арес гинэ пичи. Карын дышетскыса улэ. Ивилэсь ужзѣ со туж умой тодѣ.

Сик муче вуыса, Иви нырысь ик аслыз улон инты лэсьтыны кутске. Лысэн, пужым сул'ѣсын, ожо зорен пичильтык гинэ куа бадзым пужым борды пуктиз. Ожо зорен ик, кирпичез музэн тырыса, аслыз жѳкпукон лэсьтиз. Озы Иви, сик муче улыны палэнскыса, горд'ѣслы юрттыны дась луиз. Ужзѣ пуктон сярэсь малпаськыса изыны выдиз.

Чуказез туж уно тѣдыос Гонзо гуртѣ вуизы. Пумитазы Мадвей тѣды жѳккышетэн, нянен потиз. Ивилэн корказ дасо мында офицер'ѣс пыризы. Чай юыны пуксьыса, коть мар ужзы сярэсь верасько. Ивилэсь мумызѣ кумышка суралтытызы.

— Чуказе азе юыны вутты утѣ! — шуса, поручик шораз кеськиз.— Од ке вутты, тонѣ, комунист выжыез, ошомы — шуса, мукетыз кышкатиз на.

Коли, полате тубыса, сѣрегаз ик шымырскемын. Ачиз пельзѣ сзѣ-сзѣ возе.

— Таослэн корка пушсы туж шулдыр ук! — котырак учкыса, поручик вазе.

— Талэсь зѣч корка асьмеос штаблы ум шетѣтѣ — шуса, кенешсы тупаз.

Серек'яса чай юон дырѣязы, шок-пуль гинэ ыбонэн салдат пыриз.

— Горд салдатэз ваим! — кеськыса поручиклы вераз.

— Мын, вай со горд парсез татчы! — поручик косѣ.

Салдат зирак берытскыса потиз. Ожит улыса, кык кузѣ салдат'ѣс, горд салдатэз чырты бераз йыгаса пыртизы. Ымыз-нырыз зур-вир, кулымон жугемын.

— Кинэ озьы кутыллям — шуса, Коли полать вылысен учке. Сюлмыз выремысь тып дугдиз: Сэзь Истёпанэз адзиз.

— Горд парсы!.. м-ме, тыныд! — шуса, поручик гунь гинэ Истёпанлэн кус уллапалаз чыжиз.

Истёпан суч пограз.

— Кытысь тон? Уно-а горд'ёс? Кужымзы бадзым-а? — Истёпанлэсь юаллясько.

Истёпан уг куареты.

— Вералод-а уд-а? — Поручик Истёпанлы кесяське.

— Эн ик курадзы, вир юись... номре но уг вера. — Истёпан каньыл гинэ шуэ.

— Токма, господин поручик, нуналдэ быттыськод, — Марзо шуэ. — Ыбыса кушты но ужез быроз.

— Ыбыны асьмеос коть ку вуомы, — Борзин шуэ. — Полковникез витём. Та горд парсылэсь кылзэ со пертчоз.

— Витём, иське — шуса, кенешсы тупаз.

— Мынэ, тае мунчое пытсалэ. Уть... зол возьмалэ! — Истёпанэз келясь салдат'ёслы шуиз поручик.

Асьсэос нош чай юыны пуксизы. Жыт но вуиз. Серек'яменнызы, горд салдат кутым шуса шумпотэменнызы, полатьысь дись комоклэсь лушкем педло потэмзэ нокин но өз шёдылы.

Истёпанэз пытсамзэс тодыса, Коли Ивилы тодытоно кариськиз.

Полатьысь васькыса потэм безаз, обинетй сике кошкиз. Уй-шор котыр Иви доры вуиз.

— Мар луиз? Уин ветлыськод? — Иви юа.

— Выль ивор вай, кылзы. Дорамы офицер'ёс дугдизы... Асьме коркан штабзы. Истёпанэз мунчоямы пытсазы. Полковник лыктэм бере ыбом шуо.

Иванлэн йыр визьмыз тэкитам питыран кадь берга. Визьутча Истёпанэз мозмытыны.

Киосыныз йырсиоссэ кыскаса, Иви визь утчаса, дялал вылын пуке.

— Килзиськы, Коли!.. — вазиз со братэз шоры, собере лушкemen валэктыны ёдыз. — Озь лэсьты, ява, — шуиз со берпу-маз.

— Улэп дырьям туртско, — Коли шуэ. — Анданлы кадь тон мыным оскы.

— Ужед, Колие, зеч мед мыноз! Валэктэмме эн вунэты уты! — Колиез чупаса, Иви сое келяз.

Мумызылэн нош суралтэм маялэз чырса но чырса.

Куалась бугыр гинэ чын потэ.

— Шайтан'ёс! Му пыр виан люкет'ёс! Уж вань дырья, тулыс шулдыр куазен такем чын пöлын пукыто, — зуле Дурга кумышка пöзьтон дураз. Ивилэн мумиз со.

Малпамтэ шорысь куала Коли пыре.

— Мем, тон огнад-а? — мумизлэсь юа.

— Огнам.. Мар луиз, бам'ёсыд ик чыжектыллям?

Ивилэсь визь сётэмзэ Коли лушкем гинэ мумизлы вера.

— Мозмытоно Истёпанэз.

— Кызы мозмытод? Аслад йырыд шедёз ук. Олли, олли, оломар но ти потгыськоды? — Дурга Колилэсь ымзэ пытса.

— Эн кышка, меми. Кумышкадэ гинэ кужмысь чушка. Пудэ эн жалья.

— Малы собере кумышкаез чушкалом?

— Уд тодйськы шат: чушкам кумышкаез юэм бере изем потэ. Истёпанэз лезём. Нокин но уз тодылы. Кенос беры жыны черык кумышкадэ кельты.

Коли, шыр музэн, куалась потыз.

Табере гинэ пиослэсь мар малпамзэс Дурга валаз. Сюлмыз, пушкыз ик капчи луиз.

— Пиослэн визьмо будэмзылы туж ик шумпотйсько, — малпаське со, пурты улаз кужмысь пу тырыны турттыса,

Коли кошкыса гинэ вуиз, куала шёл-пал Марзо пыриз.

— Жог-а кумышкадэ вуттод? — Дургалэсь юа.

— Уйшорозь вуоз дыр, — Дурга шуэ.

— Кызы уйшорозь? Малы уйшорозь? Тодйськод-а, шунды пуксён азыны тыныд вуттыны косэмын. Од ке вутты, ньбралом.

— Жог уг быректы бере, ма каром. Быректытэк нош кумышка уг пёрмы ук, — Дурга жожке.

— Пудэ эн жалья, юнгес тылскы, соку жоггес быректоз! — Марзо юнгес кесяське.

— Пу, бен, ичи ук, нюлэскысь ваемез но чик ёвл.

— Кемалась вера вал. Али ик салдат'ёс пу вуттозы.

Тани вёзады улысьёслэн но пузы туж уно.

— Иське уг жалья, юн-юн тылскыса пёзьто, — Дурга оскытэ, ачиз пурты улаз пу тыре но тыре.

— Кумышкаед лек мед луоз. Жадем вылэ кур-кур мед кошкыз, — шуэ на Марзо, куалась потыкуз.

Кумышказэ Дурга пёлэстыны кутскиз. Шёмтэ. Кумышка вукадь тьямагай. Мар кароно? — Таче пёзьтэм понна тыбырад урыс йётоз — шуса, малпа.

Кенос сигысь Дургалэн тамакез тодаз лыктиз. Со тамакез вайыса, пуртыяз данак тыриз. Кумышказэ шёмтэ. Чертыез сутымон кумышка курыт лвэм.

— Табере мукет мунчо доры кариськомы.

Мунчо ёсэз усьтыса, тёды салдат'ёс Истёпанэз кужмысь мунчо пушкы донгизы. Жугыса лябомем мугор йыг мунчо выж шоры усиз. Йырыз мунчо полать борды шуккиськиз. Гуньдыса Истёпан мучно выж шоры веськытскиз. Кёня озы гуньдыса Истёпан кыллиз, тодыны уг луы. Чуказез жыт пал гинэ гундэмез пумаз вуыны кутскиз, гундэмез быре кадь, марке-марке валаны кутске, собере уйбыртэ, собере нош визьмаське. От куинь-ньыль час эсеп Истёпан озы валанэн уйбыртонэн вискын кыллиз.

Тани Истёпанлэн синмыз учкиз. Мунчо борд'ёсыз тодмазы.

Сазь-сазь кариськины өз вуы, син'ёсыз нош кыниськизы.

Истёпанлэн уйбыртонэз быриз. Сазь-сазь кариськиз. Кытынзэ шонер валаз. Лулзиз, пуксиз. Табере Истёпан висись мурт ёвл ни. Котьмае кылйсь, котьмае валась мурт луиз.

Ос съорысь вераськем куара кылыськиз. „Монэ лэся виыны лыкто ни“, — йыраз визь пыриз.

Мунчо гурысь княз из кутиз. Кулыны дась луиз. Шуккиськем йырыз нош висе. Гульдэм кадь луиз, пограз, кийсьтыз изээ усиз. Ос съорысь вераськемез өз вала, кылэмысь но дугдиз.

Кумышка вуиз но, вичак офицер'ёс юизы. Ческыт, курыт кумышка пöзътэм шуса, Дургаез уш'яло. Юизы, кисьмазы.

Истёпанэз но вунэтиллям. Возьманы пуктэм салдат'ёссэс эскерыны лыктись но өвёл ни: 3 час интые 4 час сыло.

— Пилиськон'ёс, асьсэос юо, милемыз воштыны но вунэтизы, — одигез салдат шуэ.

— Сиём но потэ ини, — мукетыз лулскыса вера.

Ас ужзэ Коли чик уг вунэты. Кунулаз жыны черык кумышка кутыса, огаз княз чай юон чаша возыса, мунчо съörtи, сзэ Истёпанэз возьмась салдат'ёс пала кариськиз.

— Уром'ёс, учке ай татчы — шуса, салдат'ёслы мунчо сэрэгысен возьматскиз.

Кыкназы ик, нёркак потыса, пычалзэс Коли пумитэ жугизы.

— Кошки татысь! Ыбом — кеськиз салдат.

— Ти ыбом шуиськоды. Мон тиледыз ик жалям вал, — жож кариськыса Коли вазе. — Офицер'ёсты юо, ти возьмаськыса ульськоды. Мон тилед жыны черык мумилэсь пöзътэм кумышказэ ватыса кельтэм вал.

Коли чашаяз пумен кумышка лэзыны кутскиз. Кумышказы омырен сураськыса, салдат'ёслэсь нырпельёссэс ик бичатэ.

— Юом шат öжит? — оgez шуэ.

— Йыр'ёс юэм бере, асьмелы бере кылыны уг яра.

Колиез доразы öтизы.

— Озы умойгес луоз. Ти нош ыбом шуиськоды. Тиледыз ик жаля но, жалямез уд валаське. Ти зечесь, соин куноятэме потиз. Нырысь виямзэ лущкай.

Салдат'ёс доры пуксьыса, Коли соосты сектаны кутскиз.

— Мелэ, юэм вылады куртче но. Визнаса шетьтэм чорыг'ёсме куасьтэм вал. Куртчонтэк юонэд но уггес тупа. Юэ, я юэ, гажано нюняос, милемыз уродэн-эн лыд'ялэ. Оло кыче калык но тилед шедьылэ дыр. Кудиз чебер синмын шорады учке луоз, кудиз оло йырдэс но кур каре вылды. Туала арын уд тоды, котькычeosыз вань. Мынам но аи оло кытй ветлэ ни. Айытэк улыны туж секыт. Тиляд но нылпиосты, ми музэн ик, курадзыса дыр уло.

Озы, учы кадь чебер кырзаса, Коли салдат'ёсты секта но секта. Пумен салдат'ёс асьсэос кумышка курылыны кутскизы. Öжит улыса, сор карыса, кыксы ик умме усизы.

Пыкет'ёссэ октыса, туж лушкем Коли мунчо öсэз усьтэ. Мунчо öс усьтэмез кылыса, сзэ Истёпанлэн жугем, сёсырмем мугорыз ик вöсь луэмысь дугдиз. Виыны лыкто ини шуса, кышказ. Виёмзылэсь азыло одигзэ коть вионо шуса, княз изээ кутиз. Ос усьтиськыны вуиз оло өз, мунчо из шорт! — шуса, öсэ вуиз.

— Чусгес лу, Истёпан! Эн лэзьяськы. Мон номре но уг кар, — Коли шуэ.

— Коли, тон-а? Мон тонэ ѓжыт ѓй ви ук. Малы лыктыд? — Истѣпан жог-жог юа.

— Тонэ возьмасьѣс ѓвѣл. Кыкназы кудзыса изѣ. Ойдо, пегзы. Кулыны дасяськем муртлы улон пыриз. Истѣпан мунчоысь потиз. Изись саядат'ѣслась пычал'ѣссѣс, патрон'ѣссѣс бичаса, Колиен чѣш Иви доры кошкызы.

Табере Ивилы но мѣзмыт ѓвѣл ни, солы эш сѣзь Истѣпан луиз.

Истѣпанэз возьмасьѣс изѣ. Кѣт урдѣссѣс, тыбырзѣс шунды сутѣ. Жыт дырысен изѣ ини. Эскерыны лыктысь ѓвѣл. Вичаксы кудзѣмын. Вѣтаса-вѣтаса, туж чѣскыт изѣ. Огез гуртсѣ адзѣ. Пинал'ѣсыныз шудѣ. Пѣсь шундылѣсь пѣсятѣмзѣ тылпу потиз шуса, вѣтаса адзѣ.

— Тылпу вань, тылпу вань!.. — шуса, черек'ясыкыны кутскиз. Черек'ямзѣ кылыса, мукетыз шарак сайказ. Пуксиз. Син'ѣзыз кымесаз потызы. Лулыз пыд бѣраз вуиз. Осконтѣмез адзѣ.

— Вѣтасыко шат? — шуса, кизѣ куртче но, вѣсь луѣмез кылыське. — Иське, зѣм ик уг вѣтасыкы..

Син азяз мунчо ѓс адзисьскиз. Пасыкыт усьтыськемын, пушказ нокинѣз ѓвѣл.

— Иван, Иван, султы, бырим ук! — куалектыса, эшсѣ сайкатѣ.

— Ма, ма озыы луиз? Окыльна, эн люкеты, изѣм потѣ на, кош дорысьтым! — Кышноез сайкатѣ кожаса, Иван верасыське.

— Иван, гуртад ѓвѣл ук. Горд парсьмы пегзѣм, султы.

Иванлѣн изѣнѣз олокытчы пегзиз. Вылаз пѣсь ву кысьтѣм музѣн тѣтчиз.

— Ма луиз шуиськод?

— Горд парсьмы пегзѣм. Ма каром табере? Асьмедыз ыбыса куштозы ук. Пегзон сяна ѓз ни кыль. Пегзоно гуртѣ.

— Визьтеммид шат гуртѣ пегзыны. Гуртысь шѣтьтыса кѣч'ѣсты музѣн ыбылозы. Горд'ѣс пала кошконо усѣз.

— Ойдо, ум могалѣ ни, пумен вуозы. Горд'ѣс пала кыстыськом, сѣрыт выр!

— Ойдо, иське, мынож.

Кыкназы обинь бере, нюке лѣзькыса, шунды пуксѣн пала кариськызы. Бадзым сике вуѣм бѣразы, шутѣтскыны пуксизы.

Офицер'ѣс изѣмысь султызы. Кумышка черык доры султыса, макмыр'ѣссѣс шонертыло. Чушкам кумышкаен йыр'ѣссы пилиськоно кадь висѣ. Вичаксы полковникез витѣ.

— Я, полковник лыктыз ке, солѣсь сюлѣмзѣ веськатонмы вань. Сотѣк но ялам даллаше. Горд парсьѣсты дорам уд вуттыське шуса зуле, — Борзин шуѣ.

— Туж ик со горд'ѣсты курадзытыны быгатѣ. Шапык'ятыса вирзѣс лѣзе, — поручик ас малпамзѣ вера.

— Асьмѣлы но со бордысь дышетсконо, — Марзо шуѣ.

Вичаксы чѣш гинѣ серектызы.

Полковник вуѣм бере, зѣззы борды пул шуккызы. Пулын „Штаб добровольной армии 39-го егерского полка его превосходительства адмирала Колчака“ — шуса гожтѣмын. Корка йылѣ тѣдыы кышет флаг ошисьскиз. Флаг вылын — „Единая недели-

мая Россия“— гожтэмын вал. Пу бордаз флаг сэрегын адями йыр но улийзгес кечат-вамен лы суредамын. Котыртиз— „Смерть коммунистам“— шуса гожтэмын.

Корка пушкын пьд'ёсынызы чильт-чалт карыса ветло.

Пероослэн зукыртамзы зукыр гинэ кылыське. Гож'яськон машина дугдылытэк тич-тач каре. Гож'яськисьёслэн ки улазы бу-мага шалгыр бёрдэ. Корка телефон'ёсты пыртизы, дугдылытэк телефон'ёс — пи-пи-пи каро.

Озы Ивилэн корказ штаб ужаны кутскиз.

Штаб интыяськем бере, Марзо шырт-шарт гинэ полковник доры лыктыса, пуч кадь чоньдиз но бур кизэ кымес бордаз пониз.

— Господин полковник, моя тыныд сюлэм небзытон дасяй. Одыгез горд салдат киямы сюриз — шуса, Марзо вераз.

— Горд салдат? Умой, мын вай! — шуэ полковник.

— Яралоз... — Марзо, паллян пельпум лань берытскыса, коркась потыз.

Сэзы Истёпанэз вайыны мунчо пала кошкиз.

Мунчо доры вуиз но паймиз. Сюлмыз выремысь ик дугдиз. Пьд купыриосыз тррр зурканы кутскизы. Бам'ёсыз гужатэм дэра кадесь луизы. Мугор вылтыз пось но кезыт ву кошке. Мунчо ёс пась. Возьмасьёс но горд салдат пегзёмын.

— Бырыськиз! Уш'яськыны отын вуиськиз на, шып гинэ улоно вылэм.

Ури-бери берытскыса, кылэз кунян быж кузя потгыса, штабе кошкиз. Полковник доры төлпери кадь төдъызектыса вуиз. Пьдес йылаз кариськиз.

— Господин полковник! Вандизы, ошизы, ыбизы!.. — Марзо кесяське.

— Ма луиз?.. Кин вандиз?.. Кинэ ошизы?.. — Полковник юа.

— Горд салдатмы но, возьмасьёсыз но пегзиллям.

— Пегзиллям? Горд'ёсын ожмаськисьёс! Тиляд салдат'ёсты но вичак горд'ёс луиллям. Кумышка тулляменыды уждэс вунэ-тиды! Бырод тиледын, бырод! — Полковник кесяське. — Тон, Марзо, кык арняскыя фронтэ кошкод. Ужтэк азьтэммид ини.

Азьвыл төдъюсты витись крестьян'ёс пёлын курадзымтэез ёз кыль ни. Кудизлэн тыбыраз сюло, кудизлэн мыжык вуулиз. Нылкышноослэн улэмзы улэм кадь ик ёвёл ни. Уй но, жыт но, чук но, нуназе но, пыр ватскыса кадь уло. Төдъюслэн лыктэмзы соослы туж ик курыт кылыськиз. Мадъвейлэн но паськыт тшаз трос пол вутскылизы ини, йётскемзылы быдэ тушез пичиоме.

Сэзы, етин кизыымтэ. Вал'ёс уловен төдъюс понна ветлон ужысь ёз мозмылэ. Сюсег'ёс, губеч'ёс сузямын. Курегпуз, нёкы, вёй вичак төдъюслэн кётазы сюре. Кудиз сютэк улонэ но вуизы ини.

— Горд'ёс зечгес ик вал — шуса, малпасез но вань ини.

Ивиен сэзы Истёпанэн нош ялам ватскыса уло. Ужтэк улэмзы соослы мёзмыт. Вань книгаоссэс лыдзыса быттизы ини. Ужлы кырым пьдэс'ёссы лыдэ. Нош огназы номре карыны уг быгато. Ужлы си-бур рад но уг шетьто. Доразы Коля нуналлы быдэ ветлэ, сион-юон вае, выль ивор'ёс вуттэ.

Иви горд'ес пала мыноно кариськиз. Жыт вуэм бере, кияз сермет кутыса, горд'ес пала сётскиз. Истёпан кылиз.

Иви, туж шёдскыса, каньылля мынэ. Син'эссэ, пельэссэ, кучыран кадь сзёмытиз. Пыд'эссэ, кочыш кадь, капчи октэ. Улвай чигемлэсь но нёркак потэ.

Озы мынон дырьяз, Иви сюрес возьмась салдатэз адзе. Ог 50 шаг'ес солэн азьпалаз тōды салдат кылле. Ачиз сюреслы нялтас учке, ыбонэз урдсаз понэмын.

— Кызы та салдатэз алдано? — шуса, Ивилэн йырвизь пōзе.

Кочыш сямен каньылля салдат пала, тэльэс сьортй кытиське. Тōды салдат татын ини. Иви шоканы но кышка. Кōт йылаз кытиське. Озы лушкем тōды салдатлэн ыбонэз доры матэтскиз. Тэль сьорысен ыбонэз каньыл гинэ кыскиз. Тōды салдат өз но шōдылы. Собере ыбонэз тōды салдатлэн кōт урдсаз пуктиз.

— Шып ул!.. Куара ке поттид, ыбо,— шуэ.

Кышкам мурт номре карыны уг тоды.

— Ойдо, улэмед ке потэ на, мын горд'ес пала,— шуэ Иви.— Пегзыны либо куаретыны кутскид ке, ыбо, вио.

Тōды салдат султиз но нож гинэ азьлань мыниз. Иви бōр-сяз вамыш'я. Кык-куинь ветлос мыныса:

— Сылэ, кин'ес ти? — Ивиез салдатэныз дугдытизы.

Учке но, кымесысьтызы горд кизилиез адзе. Туж шумпотиз.

— Ти доры лыктисько. Тайзэ пленэ кутыса вай. Нуэ миле-мыз штабе.

Ыбонэз Иви горд'еслы сётиз.

Ивиез салдатэныз валче штабе нуизы. Корка пушкын кык-куинь мурт гож'аськыса луко. Выж вылти мыд мыдлань сурон дйсен командир ветлэ. Штабе пырыса тōды салдат пыдес йылаз султиз, бōрдэ.

— Эн вие монэ. Кужмысь тōды армии басытэмын. Гуртам нылпиосы вить кузя...

— Инмар шат кожад: пумитам вōсяськиськод. Султы! — Командир шуэ.— Тōдыос музэн ми ум виылыське. Тōдыосын ожмаськод ке, пōламы лык, красноармеец луод. Уд ке ожмаськы, кытчы мылыд потэ, отчы кошкы.

— Тōдыосын ожмаськыны пōлады карисько,— шуэ пленэ шеддем салдат.

— Тон кин луиськод? — Ивилэсь командир юаз.

— Товарищ командир! Мынам тонэныд огнам вераськонэ вань. Туж лушкем уж'ес... — Иви шуэ.

Ивиен огназ кылыны командир кер но потэ.

— Кин бен ачид луод? — командир юа.

— Мон Гонзо гуртысь пичи Иви. Тōдыослэсь кошкыны тулысэн ой быгаты. Нюлэскын улоно усиз. Ти пала кариськеме потиз. Соин ик ти доры лыкти.

— Оскыны но тыныд кышкыт. Оскытон бумагаед вань-а?

Пурт кутыса. Иви сукманзэ кыриз. Отысь комсомол билетсэ командирлы возматэ.

Собере Иви ас улэмзэ, Истёпанэз мозмытэмзэ, тōдыослэсь

ужзэс,—вичак командирлы вераз. Командир Ивилы нош бадзым уж сѣтиз. Тодьыослэсь ужзэс, малпан'ѣссэс тодылыса, ивор лэзылыны косыз. Прокламациос, возваниос сѣтыса, тоды салдат'ѣс пöлы вöлдыны но валэктиз.

Вераськонзэс быттэм беразы, Ивиез судыса-сектаса, солы но Истѣпанлы но зепын пуллон пычал сѣтыса, берлань тодыос пала келяз. Иви капчи мылкыдын ас сиказ бертэ.

Туж лушкэм, шыр музэн, Иви улон инты палаз мынэ, горд'ѣс палась выль ужен дораз бертэ. Ыбонзэ кыыныз зол кырмыса возе. Тылобурдо лобземлэсь но нёркак потэ. Витѣнтэм щорысь, вераськэм пеляз вуиз. Иви абдраз.

— Ма татй ветлэсь калык луоз? — Ивилэн йыр визьмыз берга.

Вераськыса лыктись мурт'ѣс матэ но матэ вуо. Мар карыны Иви уг тоды. Бадзым кыз йылэ тубыса, кык киосаз ыбон кутылыса, тодыосты витыны кутскиз. Тодьыос интые Мадъвеев Испирдонэн кыз доры вуизы но, кыз улэ пырыса, тамак кыскыны кутскизы.

— Табере мар каромы ини, Испирдон? — Мадъвей шуэ.

— Оло ма карод ини. Гуртэ кошкыны уг луы. Горд'ѣс пала кошкыны уд быгаты, сюрод, виозы,—ас малпамзэ Испирдон вера.

— Кытын ке Иви но улэ дыр. Му пыр виям музэн быриз ук. Горд'ѣс бёрсы кошкыны но өз вуы. Сое шетьтыса, соин чош умойгес лусал,—Мадъвей шуэ.

— Горд'ѣс пала шат кошкиз,—Испирдон шара малпа.

— Со горд'ѣс палан өвöl дыр. Сэзь Истѣпанлэн пегземеz — солэн ужез луоз. Кытын ке со татын ик луоз. Сое ке шетьтысалмы, сюлэм интыын лусал,—Мадъвей шуэ.

— Марзозэс утчаса йырзы поромоз ини.—Испирдон серектиз.—Йыраз чоги но, йырыз каляга музэн шальк пилиськиз, йыр виым'ѣсыз ик кыдѣке пазыгискизы. Кужымме жалятэк бен чоги. Кем солы, калыкез лекос пöсятэм понназ!

Малы кошкэмзэс валаса. Испирдонэз но Мадъвеез Иви бордаз кароно карискиз. Лушкэм гинэ кыз йылысьтыз васькиз.

— Ойдолэ, мынам бёрсям,—Иви вазиз.

Испирдонэн Мадъвеев отчы ик шöектизы.

— Бен Иви ук та!..

Испирдон Ивиез зыгыртиз.

— Ойдолэ, жоггес, кин ке шöдэсь луоз...

Иви бёрсы Испирдонэн Мадъвеев мынызы.

Табере ньыль кузя соос сикын луизы ини.

— Тодьыослы „кузьым“ сѣтыны быгатом ини,—шумпотэ Иви. Нунал вöзы нунал ортче. Шунды жужа, пуксе. Калык изе, султэ. Офицер'ѣс нуналлы быдэ юо, курегез, парсез лушкаса пöзъто.

Сик мучын улисьѣс но тэк уг уло. Соос толон Колиен кенешыса улызы. Ма ке бадзым уж борды кутскыны дасяськиллям лэся. Кинлэсь мар вераськэмзэ нокин тодэсь өвöl. Коли гинэ малы ке туж малпаськыса гуртаз лыктиз. Нокинэн уг вераськы, зунны азбарети ветлэ. Жомыт луэм бере оло ма ящик'ѣсты

Крень потон топ йылэ нуллиз. Ящик'ёсын патрон вылэм. Со патрон'ёсты ящик'ёсысьтыз жоктиз. Вылаз туж уно силё, улвай ворттиз. Со дыр'я ик обинь берысь гопысь ньыль мурт, туж лушкем, обине тубизы, отысен гид беры куро люке пырылызы.

Уйшоре, атас'ёс чортэм бере, люкам силёе тыл поныса, Коли гуртаз кошкиз. Куро люкын кыллись мурт'ёс, синзэс-пельзэс сэзь-сэзь каризы. Ожыт улыса, тылскем тылысь патрон'ёс тучтач тачыр гинэ пуштылыны кутскизы. Тодьослэн луд зезьы дорын возьмаськись салдатсы, кышкаменыз: „горд'ёс вуизы!“ „горд'ёс вуизы!“—шуса, ульча кузя черек'ясыкыса бызьылэ. Изисьёс, дйасьякыны вуытэк, ыбон'ёссэс вунэтылыса пегзылызы. Полковник но, гуашкась штанизэ возьыса, нюж-нюж гинэ ульча кузя, вуко пала васькиз.

Озы пегзыны кутскем безазы, куро люк улысь мурт'ёс кыкез липет улэ вуизы. Липет улын тодьослэн пулемётсы. Пулемётэз кутыса, бордаз 6 ящик патрон басьтыса, обинети гопе лэзькизы.

Ульча пумысен полковник ыбылйськем куара кылэмысь дугдиз.

— Дугдэ, берытске! Вичактэс ыбыло! — Салдат'ёс шоры кесяське.

Салдат'ёс полковник котыре люкасыкызы. Вить муртэз эскерыны ыстызы. Нокин но өвёл шуса, эскерисьёс ивор вуттизы.

Со съоркытй пулемёт но патрон'ёс сик мучын улысьёс доры сюрязы.

Туннэ Колилэн туж секыт ужез. Нокинэн уг вераськы. Туж маке лек луэм, ялам йырберзэ гинэ кормаса ветлэ.

— Кин ке тонэ леказ шат, Коли? — мумиз серек'я.

— Эн люкет!.. Сотэк но сюлэм интыяз өвёл! — Кёли мумизлы вожзэ поттэ.

Малы бенвожез уз потты. Туннэ солы Иви лекос ик бадзым уж сётиз. Обиньын куро люкын туж уно прокламациос вань. Соосты фронтэ мынись салдат'ёс пёлы вёлдыны косэмын.

Колилы йыраз визь шедиз. Шуласа, шумпотыса вуко съёры сике кошкиз.

Коркалы быдэ 15—20 салдат'ёс кёлыны пыремын. Соосты фронтэ келяло. Фронтэ мынон нокивлы шумпотон уг вай. Кышкан гинэ соосты гуртэ пегземлэсь возе.

Жыт пал пересь пиосмуртэн кышноен курасыкысьёс вуизы. Кыксы ик синтэмесь, киосазы зёкесь боды кутэмын. Коркасы корка соосты келяно усе, коркалы быдэ пырало, кырзало, куро.

— Зеч калык, яратоно иськавын'ёс, сузэр'ёс, юртске пересь синтэм мурт'ёслы: кёт тырон сётэ. Милям уловмы — туж курадзыса улон.

Та пересьёс котькинлы жальпото, котькин маке но соослы сётэ. Озы соос быдэс гуртэти курасыкыса ортчизы. Та курасыкысьёс оло пёртмасько, оло вегин'ёс шуса салдат'ёс паймо. Соослэн пырам коркаосын данак прокламациос суро. Яке полате, яке бурьыс вылэ, яке гур борды, салдат ке келя, келяселэн зеп тыраз прокламациос луо.

Кураськисьёсыз но пöртэмесь вылэм. Луд вылэ потыса, öжыт чут-чут мыныса, дыбыр нюке кошкызы. Келяса мынысь салдатсы абдраса, син'ёссэ паськыт усьтыса кылиз.

Тэлысен кураськисьёслэн синзы но усьтиськиз, горыб'ёссы но быриз. Бызись шурын бам'ёссэс миськыса, пиосмурт Коли, кышномурт Нади, Мадвейлэн нылыз, луизы. Нади гуртлань берытскиз, Коли вуко сьöры тэле кошкиз.

Кураськисьёсты келясь салдат, кема абдраса сылиз. Собере нюлэмзэ чушылыны кышет понна Зөпаз пыриз но, кышет инты чиньыосыз бумага шетьйызы.

— Ма! кытысь та бумагаос Зөпам шедиллям? Тамак но уг кыскиськы.— Зөпысьтыз бумага басьтиз но лыдзэ:

### „АЛДАСЬКЕМ ЭШ'ЁСЛЫ“.

„Малы ти ми пумитэ мыныськоды?

Ти но, ми кадесь ик, ужась но крестьян луйськоды. Вичакмылэн асьмелэн ужмы но, малпанмы но одиг... Зибыса улоньсы потыны асьмеос турттйськом.

Ти нош ужась-крестьянэз буржуйёслы но помещик'ёслы зыбыны юрттйськоды. Соос тиледыз алдаса возё. Синдэс тилесытыд чоктало.

Синдэс усьтэлэ, эш'ёс. Буржуйёслы но помещик'ёслы юрттэмысь аналске. Милемын ог кылысь кариське. Ог кылысь ужась крестьянлэсь кунзэ юнматом.

Горд'ёс пала лыктэ, ми нокинз ум аядаське. Котьмае шонерен вераськом. Ми котькинэ виыльськом шуса офицер'ёсты гинэ тиледыз пöяло. Ужась крестьянлэсь тушмон'ёссэ гинэ ми быттйськом. Нош ти ужась крестьян уг, асьтэлы асьтэос тушмон уд луйське.

Офицер'ёстэс бышкылэ но ми пала кариське, буржуйёслы но помещик'ёслы пумит ожмаськом!

Паськыт мылын-кыдын, паськыт сүлэмен тиледыз ас пöламы кутом. Синдэс, эш'ёс, усьтэлэ! Ми пала кариське!

Зеч мед луоз ужась крестьянлэн кунзэ!

Зеч мед луоз совето властью!

Кураськисьёслэсь кин вылэмзэс валаз салдат, капчи мылкыдэн гуртэ бертиз.

Горд'ёс пала кариськон сярись малпаське.

Та уез огез по салдат'ёс öз изелэ. Прокламациосын гожтэм пумысь уйбыт вераськызы. Горд'ёс пала кошкыны кенешызы. Кудиз погон'ёссэ кесяз, кудиз кымесысьтыз медальёссэ ишкиз.

Прокламацияез полковник но шетьтэм, туж вожзэ поттэм. Офицер'ёссэ дораз люкаса, пиньёссэс лыдзем. Собере та прокламация куясь большевик'ёсты кутыны косиз.

Кемалась малы ке Борзинлы Коли осконтэм потэ. Прокламациос ялыськем бере, Колилы осконэз быриз.

— Та уез, кинэ уд малпа, сыеос ужало луоз,— Борзин ас понназ малпаське.

Большевик'ёсты кутыса, медаль яке кирос басытэмез потэ. „Колиез син азысьтым уг ни лэзылы“ — малпа. Туннэ Колиез возьманы кариськем. Жомыт луэм бере, Коли обине тубиз. Обиньсен гопетй сике кошкиз. Сик дорожь ик сое Борзин келяса мынйз, отьсен берытскиз.

— Табере шедиз оез большевик. Мыным медаль сётозы ини, яке поручике пыртозы!

Со 15 салдат бордаз басытиз. Гуртэ бертись Колиез кутызы.

— Кытчы уйлы быдэ ветлыськод? — Борзин кесяськыса юа.— Вера али ик! Од ке вера, парсез музэн ыбыса кушто.

Мар карыны Коли чик уг тоды. Оёл ке верано, виозы. Верано ке, Ивиосты кутозы. Йыр визьзэ, вуко кёэз кадь бергатэ. Сюрестэм азе кудэ нуыны йыраз визь пыриз.

— Я, жог-а вералод? Верад ке, тонэ полковник соку ик офицер кароз — шуса, Борзин пёя.

— Сике пегзыса улысьёс доры ветли,— Коли шуэ.

— Кин, бен, пегзыса улэ?

— Мунчобысь пегзем Истёпан, собере Испиридон, собере Мадвей.

— Соос ик большевик'ёсыз но ваны! Туннэ ки улысьтым уд мозме ни! — Борзин шумпотэ.— Кытын соос?

— Тини со бадьёс пёлти мечак мыныса, шор муче вуод. Отын соос уло. Мыныны туж нёд луоз,— Коли сюрес возьматэ.

— Нёдэз выжныны быгатом — шуса, Борзин жог-жог мынэ.

Коли паль гинэ серек'яса учке: кык ветлос эсеп мыныса, вичаксы салдат'ёс черек'яськыны кутскизы. Куд соосты ньылэ.

Кёня ке улыса, черек'яськись куараос но быризы. Вичаксэс куд ньылиз. Коли, шумпотыса гуртаз бертиз.

Борзин 15 салдат'ёсын пегзем шуса, чукна полковниклы поручик ивортй. Йыркуреныз полковник ожит өз улзы.

— Офицер'ёс пёлы но большевик'ёс шедиллям!.. — полковник куректэ.

Оез кёт куректонэз өз быр, мукетыз вуиз. Чаклантэм шорысь телефон пи-пи-пи карыны кутскиз. Полковник телефонын верамез кылскыны одьяз.

— Кытысен вераськоды?.. Мар луиз?.. Мон!.. Полковник. Токмалёк! Мар шуиськод?.. Мар луиз?.. Кин вераське? Ыбо!.. Ошот Сюсетка!.. Вернин-а шуиськод. Бышкызы.. Кинэ бышкызы? Ой!.. — Полковник йыг зус вылэ пуксиз. Ачиз тоды заректэм.

— Ма озы луиз? Ме, ву ю, — поручик Токмалёклы ву сётэ.

— Быронмы лэся вуэм ини. Фронтэ мынэм салдат'ёс горд'ёс пала кошкыллям, офицер'ёссэс бышкыллям, Вернин огназ кылем на.

Укмыс арня чоже фронт ог интыын сылэ ини. Пудоез, ю-ня-нез салдат'ёс сиыса пумаз вуттизы. Калык фронтлэсь кошкемзэ вите. Фронглэн секугэз котькуд ласянь кылыське. Котькуд ласянь тодыослы йыркур потон вуэ.

Ог жытэн полковник вань офицер'ёссэ штабе люказ. Вераськемзэс кылыны понна Коли гурулэ тучкоос, укват'ёс пё-

лы пыриз. Офицер'ёс люкаськем бере, полковник басьтэм гож-тэтсэ лызиз.

„Егерской полклэн штабаз косон. Июнь толэзьлэн 25 нуна-лаз горд'ёсты интысытызы ульяно. Та ужез пумаз ке од вуттэ, йырдэс ик пилё. Генерал Гайда“.

Офицер'ёс туж кема вераськызы. Одыг кылзы но Колилэн пель сьораз оз кыл. Собрере горд'ёс вылэ мынон план гож'язы. Ужэс быттыса, вичаксы изыны выдйзы.

Корка чус луэм бере, гурулысьтыз потыса, жёк доры мыниз. Жёк вылысь бумагаосты зепаз туллыз. Коркась лушкем потыса, обине тубиз но сике кошкиз. Озы тодьыослэн планзы лобзиз, сик муфын улысьёслы уж шедиз. Колилэсь ваем бумагаоссэ Иви горд'ёслэн штабазы нуиз. Горд'ёс туж трос уж сётйзы. Дасо фуныг динамит но Иви сьоры лэзизы.

25 июне тодьыос наступление мынизы. Тачыр, зон-зон ыбы-лиськем кылыське. Снаряд'ёс ж-ж-ж шуса лобзыло. Одыг вамыш но азылань мыныны тодьыос оз быгатэ. Йыр беразы жвт-жвтэ гинэ пуля вуылыны одяз. Оз чидалэ, пегзыны кутскизы. Ура!.. шуса, сикысь пумитазы горд'ёс потйзы. Тодьыос ури-бери пегзё. Вуко пала вичаксы люкаськызы.

Истёпанэн Мадьвеен вуко выж улэ динамит поныса улзтытызы. Ог дасо мында гинэ тодьыос ог палаз потыны вуизы. Бух! шуса вуко выж валлань пазыгискиз.

Вуко дорын калык, жук кадь пёзе. Ивиен Испиридон соосты пулемётэн, кут'ёсты музэн, пазяло.

Кин ке салдат'ёслы визь сётйз оло мар, ури-бери Токмалёк полковниксэс, офицер'ёссэс бышкизы. Собрере ыбон'ёссэс куш-тылыса,— „товарищи, сдаёмся“ — шуса, черек'ясыкыны кутскизы. Ивиен Испиридонэн ыбылэмысь дугдйзы. Горд'ёс но вуизы ини. Тодьы салдат'ёс горд'ёсын урьясько... Ура! черек'яло, зыгырь-ясько... чуп карисько. Туж бадзым праздник кадь котькинлы та потйз. Одыг пересь, тодьы салдат, абдраз. Учке но, горд'ёс пö-лын пиез, Вася.

— Лешак! шайтан! Мар тон отын кариськод? — Пиезлэсь юа.

— Тиледын ожмаськи.ько,— пиез шуэ.

— Монэ тон виысал шат? — аиз юа.

— Ыбондэ ке ой куштысал, куакаез музэн ыбысал. Уть ай, мон кыче зеч ыбылыськисько... — Лобись кучыранэз ыбиз.

— Айыдэ-а виысал?

— Виысал.

— Бен, пие, горд'ёс черкез мудор'ёсын уг-а исало?

— Уг. Со генерал'ёслэн, узыр'ёслэн пöямзы гинэ луэ.

— Туж мон визьтэм вылыськем лэся. Тон пичи ке но, мынэ-сьтым визьмогес вылэм. — Пизэ зыгыр'яны, чупаны кутскиз. Аслаз синвуэз шапыр гинэ бамтиз вия.

Чукна шундыен чош калык но капчи сюзэмен султиз. Чукна ик ульчае туж уво калык люкаськиз. Отын ик горд'ёс пала кариськем тодьы салдат'ёс но. Колилы горч салдатлэсь изызыэ йыраз понйллям. Ивилы, Колилы, Истёпанлы, Испиридонлы, Мадь-вейлы но гадязы орден „Красного знамени“ ошиллям.

Пересь Мадвей синвузэ чушылыса сылэ. Шумпотэменыз оло сютэмез ик пилиськиське вал.

## Тодьыосын ожмаськонэз возьматон.

Граждан ожез Миронов „гудырьянэн“ возьматэ. Зэмзэ ик, вероссэ лыдзон дырья, пушкаослэн гудырьямзы пельёсын ялам кылыське кадь. Сыче ик кылыське вал пушка куара ож ортчон интыосын улись крестьян'ёслы но. Ыбылыськем куара липет йылэ но учкыны тубытэ. Ожлэн шуглекез нош калыкез собере гуосы, окоп'ёсы ватскытэ. Горд'ёслэн тодьыосын ожмаськемзы нырысь валысь крестьян'ёслы валамон өвёл на. Шорлыко улись Сергей горд'ёслы юрттэмлэсь палэнске, соослы сётон интые, корт уробозэ пыдло ватэ. Ожлэн син аяз кема мынэмез гинэ сое öжыт валатскытэ. Ваньбурзэ, уробозэ тодьыос талам бере, „горд'ёслы сётано вылэм“ шуэ. Тазы верамез но мылкыдзэ горд'ёс пала берыктэмзэ уг возьматы на. Со ас сярсытыз юнгес сютмаське: уробозэ ватэменыз, куалек'яса солы кема улоно луиз, солы гинэ йырыз кур.

Баженов но Мадвей крестьянэз олань-талань шонаськись мылкыдо муртэн азьло возьматэ. Ожлэс кудлань кызы мынэмзэ валаса гинэ, тодьыос солэсь тушэс кыскам бере, сое урысэн пöсятэмзы бере, со сяна ваньбурзэ кыскамзы бере гинэ, шорлыко улись Мадвей тодьыос пумитэ жутске, горд'ёслы юрттэ.

Мироновлэн веросаз горд'ёслы ас мылкыдэнызы юрттысь крестьян'ёс уг адско. Калыкез окоп гудыны горд'ёс ысто, армие басьто. Гурт калыкы чебер будись юзы, окоп гудон улэ шеден жальпотэ. Баженовлэн веросаз Истёпан ас мылкыдэныз мынэмын горд'ёс пала. Иви но комсомолец ини, тодьыослэсь аслыз но, трудовой калыкы но, тушмон луэмзэс вала. Тодьыосын нурьяське со. Ас ужаз Коли вынзэ но кыске.

Кыкназы автор'ёс тушмон армиез, тодьыосты, лыдзись муртлы тушмон луисен возьматыса сето, лыдзись муртлэсь сютэмзэ горд'ёс пала берыктыто. Офицер'ёс крестьян'ёсыз но салдат'ёссэс но пуны лыдын возё, шоразы кесясько, котькызы сангэмало. Горд'ёслэн командирзы Ивиен туж каньыл вераське.

Мунчое пытсам Истёпанэз возьмась тодьы салдат'ёс, лек наказанилэсь кышкаменызы, горд'ёс пала пегзо. Прокламациосты лыдзем салдат'ёслы нош асьсэлэн интерессы валамон луэ ини. Ма лэсьтэмзэс зеч валаса, соос пычалёссэс офицер'ёссы пумитэ урдо, Горд армиен огазеясько. Куд валамтэосыз но пумен визьмасько.

Та верос'ёс Горд армиез гажаны, яратыны дышето, тодьыосты синадзонтэм карыто. Колчак армилэн сисьмемез Баженовлэн веросаз туж умой возьматэмын. Ки улазы шедем горд'ёсты тодьыос курадзтыса виыло. Горд'ёс нош тодьы салдатэз пöям муртэн адзо, озы дун'яса ик, лякытэн валэкто пленэ кутэм салдат'ёсыз, ас муртсэс музэн утялто. Токмалёк, Борзин но Марзо кадёс понна нош жальянлэн кулээз өвёл—сычеосыз ожын бытытэк кельтыны уг яра.

## Соловьев И. Н.

---

### Шактыр беглой.

Вашкала дырья улэм удмурт Шактыр. Со аслыз мар кулэ ужаз, лэстыз. Аслаз эш'ёсыныз, ныл'ёсын, пиосын сион-юон дырья шудиз, чапкиз, эктиз. Одиг ныл, та пиез яратыса, уйзэ изытэк, йыр улзэ коттыса, бёрдыса потылиз.

Гужем куазен, Шактыр лыз чибор ужпиеныз бусые потыса гыриз. Турнан дырья, ас кужыменыз шаулатыса турназ. Юзэ пыртон дырьяз, лыз чибор ужпиеныз уробозэ бадзым тырылыса нуллиз. Куастыськон дырьяз, вукоын изыкуз, бадзымесь мешо-кен юзэ ноқыче кариськытэк жут'ялляз.

Кытчы гинэ учкиськод, Шактырлэн ужам ужелэн бервылыз сыче ик кылемын. Тазыы зеч улон куспаз, зеч ужакуз, пичи тоды бумага лыктыса, Шактырлэсь мылкыдзэ пожаз. Шактыр ас понназ малпаськиз, сюлмыз чигиз. Шар синвузэ кисьтыса, анаезлы-атаезлы вера:

—Анае-атае, мынам салдатэ мынон аре вуиз. Уг лу ни мынам та гужемез тиледын уртче ужаме.

Анае-атае кӧс лулзизы: „Ма карод на арлыд вуэм бере“ — шуизы. Трос вераськыса улыны дыр өвӧл, сион-юон но дыськут дасяно. Чуказе чулна султыса, пус басьтыны мыноно.

Чулна Шактыр султиз, мисьтаськиз, лыз чибор ужпизэ сюдыны гидаз потиз. Валзэ сюдиз, ачиз вӧен нянен но жожонэн кӧтсэ тыриз.

—Мынон сюрес вӧй кадь небыт медло, атаен-анаен огазын ужаны мед кылдоз—шуса, валзэ кыткиз.

Анае-атае капказэ усътиз, атаеныз Шактыр пус басьтыны кошкызы. Пус басьтонын калык трос. Пинал пиос ваньмыз асьсэ

понна лудзылыса, пус басьтыны черод возьмаса сыло. Шактырлы пус басьтыны черод вуиз, дыр куалек'яса пуссэ басьтыз, шыр гольык кылыськыса, таза чылкыг мугорзэ возьматыны музон вис'егэ пыриз. Салдатэ басьтисьсёс Шактырез адзызы но асьсэ понна вераскызы. Кык арнялы дораз бертыны лэзизы. Шактыр салдатэ шедиз.

Шактыр дораз бертыса, туж кырзаса, вераса, бёрдыса юмша, яратон нылыныз вераськыса уйзэ ортчытэ. Тазы улыса кошконэз но вуиз. Калык'ёс Шактырез келяны трос люкаскызы. Шактыр трос кырзас, вераз, бёрдиз. Зеч калык'ёсыныз со берпум нуналзэ ортчытэ.

Шактыр вёсян вазь жук веряз, мумыкор борды йёткиз, собере, туж бёрдыса, мылыз потытэк кошкиз. Сузэрэз капка усьтыз, со усьтэм капкаетй Шактыр огназ гинэ потыз. Капкаез ворсаса, музонзэ усьтыса, калык но ураме потыз.

Шактырлэн яратон эшез кырезен жож гурзэ шудэ. Калык бёрдэ, ныл'ёс, Шактырез шоразы зыгыртыса, кырзаса, гурт пумазы келяло. Пичи выныз нош, лыз чибор ужпиеныз, калык бере каллен гинэ вамыштыса мынэ.

Гурт пуме вуизы, калык дугдиз. Шактыр зеч калык'ёсыныз люкиське, зеч кыл'ёссэ вера. Одыг ныллэн сюлэмез чиге-бёрдэ, со ныл нош калык азын синвузэ кыстыны возьдаське.

Шактыр яратон нылзэ адзыса жингыртись куараеныз кырза, бёрдэ, собере уробояз пуксиз, берпум кыл'ёссэ вераны кутскиз.

— Мон кошкисько тй дорысь кызь вить арлы. Та ветлытозам трос мыжык-чапки сию, уно сютэк ветлонэз адзо, урод кыл'ёс кыло. Ма карод на та пинал йырын вань ултозь югыг дуннеын, пёртэм секыт улонэныд нюрьясконо усе ук. Атай, анаез вёсь эн кары, аракы юыкуд эн йөнтем'яскы, эн жуг, эн чапкы. Со монэ вордиз, тон монэ ужаны дышетид. Табере нош мынам тиледыз сюдыны кужмы уз тырмы ни. Мон оло суйтэм-пыдтэм луса берто, оло чик бертонэз но уг адзы. Азыпала улонэз тодыны уг луы. Сюлмы чиге, кёты шөдиське, туж курадзонэз адзо дыр кадь потисько. Кулон сюресэ азылон ик син азым пуксе. Вордэм анае, мынэстым мёзмыкуд, Окиен вераськы, со мынам яратон нылы вал. Огазын вераськыды ке, оло мёздем сюлэмед буйгалоз. Мон тилесстыд люкиськыско, чаяк ум ни адзыське. Окиен огдэс-огды яратыса улэ. Ой сюлмы чиге, тыл сутэ, кизилиез гинэ кыре уг поты. Сёт, яратон сузэре одиг сюмык аракыдэ, оло тынэстыд берпум юэме, вераськеме луоз.

Сузэрэз аракызэ сётэ, агаез юз, сузэрэз бёрдэ.

— Эк, яратон сузэре, тон бызёд, мон сямен ик, анаез-атаез пичи вынэным кельтыса кошкод. Яратон сузэрме эн тышкаське. Со мон сямен ик туннэ гинэ тиледын — мар куриз, сое сётэлэ, мар басьтыны косыз, басьтэлэ. Мон сямен востэм, возьдаськыса медаз улы, аслэстыз ужом ужзэ зеч калыклы мед возьматоз... Мынам пыдам сурон сапег өз пыра, сьод шаравар ой дйса. Со понна мынам кенсы, ёс сьёрысь сюры вылэ, сизымо

кутэ, мертчан бинялтонэ, базар шортэн куэм ыштанэ, бурлат шортэн дэреме, съод пыгыли шляпае кыле. Тон, сузэре, сое утялты, тиледлы со син-пель луоз. Яратон калыке, зеч луэ!.. Зеч луэ!.. Ваньдылы туж тау утялтемды понна. Ойдо, атай, лыз чибор ужпиез вырзыты.

Вал ворттиз, гырлы жингыртиз. Шақтыр, тōды кышет сзэ-яса, туж кырзаса, бōрдыса, куаразэ кылозы кожаса, кесяськыса кошкиз. Анаез бōрдыса пограз, пичи выныз йырзэ ошыса кылиз, сузэрез но туж кема бōрдыса сылиз, собере, мемизэ кунултиз кутыса, дораз нуиз.

Окилэн пушкыз тыриз, калык пōлысь кошкиз, возь вылэ мыниз. Возь вылын Оки кырзас, бордиз, озьы ик, катез бырыса, умме усиз. Изьыкуз вōтаса адзэ. Та яратон пиез салдатысь пегзыса бертиз но дораз өз пыры, улыны съод тэле кариськыса. Тазы вōтакуз кырныж шунды жужан пала туж шуш кесяськыса лобзиз. Оки кырныж куаралэсь кышказ, шуак султиз сайкаса. Котыр утчаськиз — нокинэ өз адзы. Возь вылысь сяськаос гинэ тōл'я пōртэм-пōртэм туссэс Окилы возьмат. Окилэн вōтамес тодаз лыктиз, кōтыз урод луиз. Шуак кырныж шоры черектиськиз: „Чатран! аслад йырад мед луоз. „Шунды жужан пала черек'яса лобзэ возьыттэм. Эк, скулмы чиге, улонэ кысэ. Кошкыкуз со мыным вераз. „Мон одиг арлэсь кема уг улы, пегземе луиз ке, пегзэ“ шуиз. Мар ке но вань, кырныж шунды пуксён пала черек'яса лобзиз. Чок ини. Со мон бордысь люкиськиз, монэ огнаме курадзыны кельтиз.

Оки Шақтырен вань улэмзэ, вераськемзэ, чошен кырзэмзэс тодаз вайыса, нош ик татысь пушкыз тырыса кошкиз. Бōрдиз, бōрлиз, скулэмыз чок сузиз — каллен гинэ кырзаса, вераса, гуртаз кошкиз.

Шақтыр салдатэ интыяз вуиз. Начальник'эс Шақтырлэн таза, чылкыт мугорызлы паймизы. Мугорын жужыт, сильвирын таза, ымнырыз вир кисьтиськоно кадь, кужыменыз нокинлы уз сётскы. Тусбуез гинэ туж секут малпаськись тусо возьматэ.

Шақтыр зуч кыл уг тоды. Зуч'эслэсь вераськемзэс ожит гинэ вала, начальник'эс куспазы: „Кызь вить ар дышетомы али“ — шуса, верасько. Шақтыр нош, озьы верам кыл'эссэс валаса, шар-р-р-р гинэ пōсь синвузэ кисьтэ. Улон сяменыз, Шақтырлэсь гуртысьтыз лыктэм диськутсэ октизы, со диськутэз интые салдат диськут сёт'язы: кузь луд шинель, съод пустиол картуз, сурон сапег, съод пустиол мундир...

Шақтыр ваньзэ чик мылыз потытэк октиз. Дисяськем бераз ассэ ачиз учкиз, тодмантэм со луиз. Туж секут лулзиз но вераз.

— Эх, скулмы, пинал йыры, мон атайлэн пиез өвөл ни табере, мон олокин луи. Монэ салдат диськут воштиз. Дорам ке лусал, шинель интые куинь куско луд дукесме дисясал, сурон сапег интые сизымо кутме кутчасал, мундир интые казакейме дисясал, картуз интые гын шляпае изьясал. Лыз чибор ужпие кыткыса тэле ворттысал. Табере мынам киям чуказе пычал сётозы...

Кыче гинэ Окиен возь вылти, сяська пӧлти кырзаса, лёгась-кыса ветлийськом вал. Со кур кудызэ кутыса губи бичаса, мон нош чебересь писпуосыз чакласа, пус тырыса, ветлийськом вал. Таце уж'ёс ваньмыз но бере кылизы, мон соосыз уг ни адзы. Сыче ветлон'ёсыз кар урам кузя караулэ ветлон вош-тиз ук.

Шактырлы нунал өвӧл. Чукна кутскыса жытозь бызьылыто, кырзато, дышето. Жыт ке вуэ, пычал, салдат ужез тодматскыто. Куд-куд нунал'ёсы солэн пельдораз мыжык-чапки но сжрылэ. Пыдыныз ветлэмез уг лу ни, озьы но дышетыны поттыло. Уй ке вуэ, иземез уг луы, анаез, атаез, Окиез, лыз чибор ужпиез тодаз лыкто. Зуч кыл тодымтэеныз, калык азьын вераськыны дышымтэеныз, трос бӧрдылиз, трос тыш йӧтылиз. Ма карод, арыз сыче вал, нокинлы вераны уг луы. Верад ке, секытэз ас вылад ик лыктэ, секыт дулзылыса нунал'ёссэ ортчыт'я. Шактыр-лэн салдатын улэмез одиг ар тырме иви. Одиг пол тазы улон куспаз Шактыр ягыше усиз. Уин, коньдон дорын караул возь-макуз, умме усем, со изыкуз офицер лыктэм но пычалзэ бась-тыса кошкем. Шактыр ӧжыт изем берез, султыса котыр утчась-киз но пычалзэ өвӧл ни. Ма карыны паймиз. Туж трос со мал-паськиз. Сюлэмез кышкаса дырек'я.

Озьы малпаськем берез, лушкем, пыд куаразэ поттытэк, караул возьман интысьсыз кошкиз. Кар урамти каньыл'я гинэ, чакласькыса потыз: нокин ӧз дугдыты, нокин -ӧз юалляськы. Шактыр кар урамез потыса бызиз-бызиз но, пичи тэле, шур дуре дугдыз.

Куазь чукна, зардэ иви. Тылобурдоос кырзало, ву вылын чорыг'ёс тэтчало, шунды шораз учконтэм, горд-горд чилияса жужа — котырак ин льӧль. Шактыр котыр утчаськиз, гуртэз ӧз адзы. Собрере жадем Шактыр отчыяз ик изыны выдиз. Куазь тулыс, пеймыт луыны ӧдья иви. Шактыр, сайкаса, йырзэ жутиз, котыр учкылиз, нокинэ ӧз адзы. Солэн туж сиемез потэ иви. Ас понназ малпаськиз, азьланьзэ учкиз, сюлмысь азьлань, дор палаз вamyштыны кутскиз. Мынон сямен одиг гуртэ вуиз, отын салдат дыськутсэ вош'яз, кӧтсэ тыриз, сьӧраз сжрес вылын сиыны тырмыт нянь басьтиз. Шактыр уен-нуналэн, пӧсь куазь шортй, куддыр зор улти но бертэ. Со пумен дор палаз вуэ, трос малпаськыны кутске. Кыззы улоз со ас атай юртаз. Коты-разы зуч гурт'ёс вань, соос тодизы ке, чагозы. Шактыр малпась-киз-малпаськиз но дораз бертыны ӧз кариськы, удмурт гуртлы кыдӧке ик өвӧл, улыны кельтиськиз. Солэн атай юртэз нюк пыдэсын, бадзым кыз улын лапас луоз. Лыз чибор ужпиез коты-рысьтыз пӧйшур'ёс луозы. Озьы тини Шактыред бадзым сьӧд тэле, нюк пыдэсэ, ошмес дуре аслыз улон инты бырьиз.

Шактыр сьӧд, пеймыт тэлын уйзэ кӧлиз. Солэн сиемез но потэ иви. Сиыны ке нош нянез өвӧл. Мылкыд секыт, вылтыр сӧсырмемын.

— Ма карод?... Сжрод ке сжрод, гуртэ мыноно, сиыны нянь-утчано.

Шактыр котырак учкиз, нокинэ өз адзы, сылись кыз'ёс улти лап-лап вамыштыса гуртэ кошкиз. Тылобурдоос кырзало, кызын коньы вучыртэ, Шактырлэн кёт сюма, сюзэм куалек'я, йыр визьмыз, кытчы бырод шуса, малпа. Тэль дуре вуиз но отчы дугдиз. Бусы ю-нянен кисьмамын, со, ву тулкым кадь сэз'яське, ворек'я. Калык'ёс нош куаҕ карыса арало. Шактырлэн атай юртэз, бусьез тодаз лыкктиз, мылкыд секыт луса кошкиз. Арасьёсыз адзыса тодмаз но ас понназ вераз:

— Татын удмурт'ёс уло, соос монэ нокинлы уз чаге, начальник'ёслы уз сётэ.

Удыс дурын пуктос вёзын одиг муртлэн нуньез бёрдэ. Шактыр котырак учкиз, нокин өвёл. Собере со бёрдись нуны доры мыниз. Нуньез кияз басьтиз, солы ву сётиз, нуньез бёрдэмьсь дугдытиз. Нунылы песьтэрысьтызы пичи вёй, нянь шетьтыса сётиз. Сётэм бераз берен пуктос вёзы салкыме пониз. Ачиз песьтэрысьтызы одиг суқыри няньзэс, арьянзэс, сезьпызьзэс басьтиз но тэле кошкиз.

Бёрдись нунылэн анаез-атаез, культо октыса, мукет ана вылысь ыктизы: нуны утись пизылы черек'яло.

— Микта, тон кытын! Чаль лыкты, нуньез уть, куазь пось луэмлэсь азьло арано.

Микта кыдёкысь, пуктос улысь бёрдыса потэ. Анаез нош черектэ.

— Малы бёрдиськод, малы нуньез тазы огназэ кельтиськод? Палэс мурт-а мед нуоз, иське пересь гондыр-а мед сиоз?

— Меми, али олокыче кузь мурт тэльысь потиз но нуны доры лыктиз, собере нуньез кияз басьтыса ву, пичи нянь сётиз. Ачиз песьтэрысь нянез, сезьпызез, арьянзэ басьтиз но, берен тэле кошкиз. Йырсиез вакчи җышкемын, ымнырыз көс көсэктэмын. Мон, солэсь кышкаса, культо пушкы пырыса, шоканы но дисьтытэк улий.

— Беглой вань дыр али со... Кыче мурт, таҗе кысык аран дырья тэльын улыса арасьёслэсь сионзэс лушкаса ветлоз.

Атайзы та вераськемзылы паймыса, арамысь дугдэ.

— Ма, та тэльысь беглоез кылыны но, адзыны но уг луы вал. Паймод та улы.

Уно вераськыса өз улэ, араны кутскизы. Шунды лымшоре вуиз. Кылык'ёс лымшорзэс лэсьтизы. Та мурт'ёслэн нош, көс няньзы сява, номырзы өвёл ни. Ма карод, ужам мурт'ёслэн сием потэ, сиськыны кутскизы, сионзы кезыт вуэн көс нянь гинэ. Сиськем беразы, пересь, тыл көльыен тылзэ поттыса, чильымзэ кенжытиз. Сионзэс лушкаса нуэм понназ, Шактырлы вожез потэ.

Шактыр тэльысьтыз өз ни пота. Солэн сионзэс нунал лумбытлы тырме. Интыез салкым, вуэз юны ческыт, чылкыт, кезыт. Котыраз тылобурдоос кырзало: потыны җыдонтэм шулдыр. Окиез гинэ котыраз өвёл.

Шактыр мур нюк пыдэсын, кыз улын, салкымын арня улэ, кык улэ. Сион шетьтыны шуг. Шактыр тужгес трос сион понна малпаське. Озы курадзонэ, сюзмаськонэ усьыса, Шактыр, гуртэ лушкем мыныса, кенос'ёсы, йёгуэ вутскылэ, силь, диськут, кой.

пызь, кеньыр, сылал отысь поттылэ. Тазы ветлыкуз Шактыр одйг нылын тодматскиз. Сое со Окиез кадъ ик яратыса улыны кутскиз. Пумен мукет ныл'ёсыз но тодмано луиз.

Ныл'ёс, тэле ветлыкузы, Шактырлы сион-юон нуллыло. Шактыр нош таослы уин узыр'ёслэсь поттылэм жиль-жиль коньдоно чырты керттэт'ёссэс люкылэ.

Тель котырысь удмурт гурт'ёс, диськутсы, сион-юонзы ышылэмен, тынылизы ини.

Шактырлэсь тэлын улэмзэ трос гурто калык'ёс адзизы. Озы но номыр уг каро, нокинлы уг верало — кышкало. Шактыр тэляз лёгаське, ас понназ малпаське, секыт лулзылэ, каллен гинэ кырза, шугек'яське. Аслаз урод уж'ёсыз понна удмурт калыклэсь въздаське.

Удмурт гуртысь одйг ныл Шактырез кенсаз кёланы дышетиз. Гурт калык ныллэсь та ужзэ шодиз, ныллы вожзэс поттызы. Собере гурт калык ныллы кышкыт кыл вераз:

— Вай татчы, пидэ, галактэ, ми сое виом. Од ке сёты, со интые астэ виом.

Ныл мурт, пинал марке, гурт калыкезлэсь кышказ, въздаськиз, ас понназ шар-шар синвузэ кисьтыса бёрдиз. Собере гурт калыкы кыл сётыз.

— Мон соин, аран дырья киям оло мар потос потыса, араны ветлэме луытэк улыкум, тодматски. Со монэ, нуназе куазен кёлан кенсам пырыса, кышкатиз. Со дырысен, ялам кышкатыса, мон доры кёланы ветлэ. Нокинлы вераны уг дисьтиськы. „Тазы ветлэмме кинлы ке верад ке, соку чида“ — шуэ, мынэсьтым пе уд пегзы. Озы улон сямен со монэ яратыны кутскиз, мон но сое яратй, собере мыным аслэсьтыз кытысьсэ но вераз: „Мон Актэмыр гурт пи“ шуэ, атай нимзэ уг вера. Салдатысь, одйг ар улыса, тулыс сезы кизён вадес пегзи но татын тйляд тэляды улыны кариськи“ шуэ.

Гуртысь калык'ёс та нылэн верамезлы паймизы, ма карыны зудизы. Одйг удмурт, узыр мар ке гинэ „виоме“ шуса черек'я.

— Мынэсьтым куд мында азвесь коньдонме, чырты керттэтме, алача дэремме лушказ. Соин ик, сое асьмелы виыны кулэ. Али ём ке вие, асьмедыз со майыг йылэ кельтоз.

Люкаськем гурт калык Шактырез виыны кенешиз. Кыззы пиез пёяны нылэз дышето.

— Тон, нылы, эн въздаськы, милемлы юрттиськись гинэ кулэ. Со уин тон доры лыктыз ке, милемлы иворты. Дорамы нокин көлйсь өвёл шуса, пёяса дорад көлыны ёть.

— Мон нош кыззы тйледлы со быдза ужлы юрттом? Мынам со быдза ужлы кужыме уз тырмы. Собере асьтэос ик берло адыми виись шуса серек'ялоды. Бызьяны но инты уг шетьты ни: нокин уз басьты,— ныл жожтиське.

— Ми тонэ ум куштэ, тыныд инты но дась луоз. Ужмес гинэ мед быдэстом, тон сярысь малмаськонэз уз луы — мар кулэ, ваньмыз юртэмын луоз. Актэмыр пидэ асьмеос кутыса виом, тонэ ум сапталэ, эн кышка — шуса гурт жалык ныллы зеч кылзэ вера.

— Яралоз ке, яралоз но... Яралоз, верамдылы оскисько... Ак-тэмыр пиез кёлыны ётё, соку тиледлы но иворто — шуса, ныл туж секыт лулзыса, гурт калыкезлы кылзэ сётыз.

Гурт калык'ёс ваньмыз доразы кошкызы. Ныл, мерттос бак-чаяз погыса, ас понназ малпаськиз, шуг'яськиз, синмыз пыктылы-тозь бёрдиз. Шактыр нош номыр но уг тоды. Со ас понназ гинэ улон тэляз кайгурыса улэ. Мае ке но сюлэмыз шөдэ кадь. Сизьыл вуэм'я куазь но кезьыт луэ: „Кызьы мон татын толэз ортчытом“ — шуса сюлмаське.

Куазь сизьыл, кезьыт, зоре, егит пи тэлын кыз улын кынмыса сылэ: Соку нылыз отчы лыктыз, одиг уйлы кёлыны бёрдыса дораз ётиз. Солэн ымыз гинэ өз вера, тонэ виыны туртто шуса. Тусэз-без нош туж умой, синучкон пыртй кадь, возьматэ. Озы бёрдыса, йыбырт'яса ётиз но, ныл берен дор палаз вамыштит.

Со гурт калыкез ас дораз Шактырез виыны люкаса кельтит ини. Шактыр, улон тэль шораз учкыса, малпаськиз-малпаськиз но кёня ке гинэ кылзэ вераз:

— Чок, мон татын уг ни улы! Берто атай юртам. Сюра ке, сюра, чок! Толэз татын, тэлын ортчытыны пойшур ёвёл мон — адями. Мед кутозы, мед виозы, чок!.. Тазы та югыт дуннеын улыны возьыт. Эксэйлы урод уж лэсьти: салдатсь пегзи. Ас удмурт калыкелы но куд мында урод уж'ёс лэсьти. Чок ини салдатсь пегземе, мон соку огнам ой пегзы: пумтэм-йылтэм пегзизы... Нош мынам... сюлэме вёсь луэ, удмуртлэсь ужамзэ уин лушкаса арам кари: ныл'ёслы люкыли. Марлы вордкиськем мон та югыт дуннее. Эк, сюлмы! уг валаськы номырзэ но... Кошко нылы доры, берпумзэ чупаса кельто. Со, Окие кадь ик, мусо потэ ини. Оло монэ туннэ ик виозы, оло туннэ ик пытсэтэ пытсалозы, сое тодыны уг луы. Нылы, туннэ уй огнам кёлисько шуса, бёрдыса ётем вал. Мон кёлыса уг улы, чупало ёжытак, дыдык син кадь син шораз учко но дор палам вамышто.

Шактыр тэлысь каллен гинэ кырзаса потэ, улон интызэ тодаз вайыса, туж кётыз урод луса вамыштэ. Гурт калык нош, солэн нылыз доры Шактырез виыны дасяськыса люкаськемын.

Шактыр нылыз доры вуиз, йыгаськиз. Ныл соку ик ёссэ усьтит. Со корка пыриз ини. Мугорыз кузен сэндра улти лаптыськыса мынэ. Виыны дасяськем калык сэндрауен Шактырлэн йыраз кычес гозы куштыз, сое кекатизы. Шактыр, катез бырыса, пограз. Калык'ёс жогак соку ик сэндрауысь васькизы, гидкуазыысь но корка пыризы. Шактырлэн чыртысьтыз гозызэ басьтыса сое жугыны кутскизы. Жугыкузы, Шактыр оло кызьы пуксьыны быгатиз, кужмо, шуш куараеныз черектиз.

— А-а... ти тазы-а ма!

Соку одиг кужмогес воргорон йыраз кортэн шуккиз но, Шактыр номыр валатэк кысмылак гинэ пограз. Шактырлэсь курадземзэ учкыса, калык паймыса сылэ. Шактыр тазы курадзон'яз ёжыт визь пырыны ёдыз но, мырдэм гинэ кёня ке кыл вераны учыр басьтит.

— Дугдэ!.. дугдэ жугемысь, удмурт калык'ёсы, берпум кыл'ёсме верало на тиледлы. Мон но, ти кадь ик, му ужась удмурт-

лэн пиез, урод улонэн пумиськемен тазы кыстаськыны кыли. Мынэстым курадземе, со яратоно нылылэсь юалэ. Мон тиледлы трос урод уж'ёс лэсьти: ышем дыськутты ваньмыз ныл'ёсты киын. Та яратон нылы киын гинэ өвёл. Вань ныл'ёстылы ог кадь люкыли. Соин ик тышкаськонзэ но серек'янзэ но ваньзэ ог кадь каре. Мон тиледлы урод уж лэсьти, мугорме-лулме тиледлы сётисько, котьма карелэ.

Гурт калык трос малпаса өз улы, пиез суйтиз-пыдтиз жутыса, коркась гидкуазе поттызы но виизы.

Шактырлэн яратон Окиез возьмаса ик бызытэк кылиз. Атаез-анаез, пизылэсь иворзэ возьмаса, бёрдыса ик кулизы. Лыз чибор шактиез нош коргидаз гырдалляса, чаб'яськыса ворттылэ. Ваньзы Шактырлэсь бертэмзэ вите.

Виины лэсьтэм вемечиос, вием беразы Шактырез аслаз улэм тэляз нюк пыдсы нуыса ватизы. Вылаз нош тодмолы беризь мерттыса кельтизы. Сибы гуртысь ныл'ёс, пиос ог арня нунал Шактырлэсь шайгузэ адзыны ветлизы. Собере нюкэс ик „Кузь нюк“ шуса нимазы. Со дырысь али но калык „Кузь нюк“ шуса нима. Мерттэм беризьзы ваё луса потэмын вал, орчем ар'ёсы кужмо сильтёл потыса чутырак шортиз тияса куштиз, та дыре солэн выжыез но өвёл ни, шайгуез гинэ кыдэкысен адзиськыса улэ.

## Эксэй зйбет улын.

Сю — сю кызь ар али улэмлэсь азьвыл салдатэ кызь вить ар чожелы басьтылизы. Егит пи ас гуртэныз, семьяеныз, кабен люкиськоно луылиз. Туж ичиез гуртазы пересьмыса, сёсырмыса бертылизы на, уноез ож'ёсын бырылиз, яке службазя жугыса мугорзэс сузмыт'язы. Уката секыт вал эксэй армиын векчи нацио кылык'ёслэн пиоссылы: зуч кылэз тодымтэен соосыз уногес тышказы. Зуч луымтэ бере, адыми лыдэ өз тырылэ, котькызы но сентэмазы.

Эксэй армиын сыче секыт улэм'ёс сярись калык пушкын туж уно мадён'ёс, кырзан'ёс. Питэк кылем пересь, гажано егит пиеныз люкиськем ныл, салдатысь сёсырмыса бертыны быгатэм салдат но — ваньзы соос калык пушкын ас курадземзэс, секыт малпан'ёссэс кырзаса, бёрдыса вераллязы. Шугадземзылэн пумыз-йылыз өвёл, сыче ик кузь луэ соослэн вероссы но. Котразы люкаськем мурт'ёс, синвузэс чушылыса, кудиз викыш'яса сыло, адымилэн курадземез сярись кырзаса-вераса кылзисько. Көня кемагес сыло, со мында ик юнгес сюлэмзы чигиське. Кырзасьлэн верамез, суредэн возьматэмез соослэсь асьсэлэсь шуген улемзэс весяк син аязы пуктэ, тодазы вайытэ. Кылзисько, лулскыло.

Тини сыче калык сказэз чебермаса Соловьев „Шактыр беглойдэ“ гожтэм. Сказлэсь кылрадзэ ик веросаз кельтэм.

Возьматэм адымиез лыдзисьлы юнгес жаль мед потоз шуса, Шактырзэ Соловьев етиз пиен возьматэ. Сюлмо ужась вылэм Шактыр ас юртаз — гыре, турна, ю пыртэ, вукое изыны ветлэ со. Мугорыз — таза, чылкыт, сйльвино, жужыт, кисьтиськоно кадь

ымныр, кужыменыз нокинлы уз сётскы, бадзым мешок'ёсыз но-кыче кариськытэк жут'я. Мумизлэн-бубизлэн юртаз сокем зол ужам муртлэн эксэй армиян тазалыксэ сөремез, жуммемез уката шугомытэ сюлэмез. Шудыса, эктыса, лыз чибор ужпиеныз ворт-тылыса, чебер ныл'ёс пöлын гажан пи луса, будэм муртлэн ку-жымез тйялске армиян, пыдыныз ветлэмез уг луы. Озы но сое ялам дышетыны поттыло, чукнаысен жытозь бызылыто, кырзато, пельдораз мыжык-чапкы вуттыло.

Вань малпаськон'ёсыз Шактырез гуртэз лань кыско. Уйёсын умме со уг усылы, пумен жумме но жумме. Караулын сылкуз сое изён ворме. Пычалтэк кылем часовойлы пегзон гинэ кыле на. Со пегзе но гуртаз бертыны уг дйсьты, кутэмзылэсь кыш-ка. Гуртэзлы матын нюлэскын беглояса ветлэ, калыклэсь вань-бурзэ лушкаса көтсэ тыре. Крестьян ужын зол ужаны дышем муртлы ужтэк кылыны кылдэ. Солэн чеберезлы ныл'ёс синмась-ко, сое яратыны кутско, беглой вылэмезлэсь уг кеберало.

Удмурт гурт'ёсын нош узыр удмурт'ёс кузёясько, быдэс гурт калык соослэн ки улазы. Эксэй правительство сыче мурт'ёсыз ас понназ агентэ пыртылэ — сотской, черк староста, старшина, сборщик, сельской староста но мар каре. Озы кулак'ёс бус-кельёссы азын начальство ласянь но вылтйе жутэмын луо. Кызы дйсьтод на кулаклы пумит вазыны! Шактырез кутыса виыны кулак косэ. Сое шонер возматэ Соловьев. Азьло ик ку-лак аслэстыз ваньбурзэ возьма, мурт кужымен люкам-кукчам ваньбурзэ исамлы пумит султэ.

Шактыр нош узыр семья пушкысь потэмын өвөл — со вöям нянен жожон сие, пыдаз сурон сапег уг пыра, съöd шаровар öз дйсялля. Сизымо кут, мертчан бинялтон, базар шортэн куэм ыштан, бурлат шортэн дэрем, съöd пыгыли шляпа — сыче вал солэн чеберьяськон дйськутэз. Ас юртаз поттэм ваньбурлэсь лэсьтэм дйськут, ыштанлы шорт гинэ базарысь басьтэмын. Та верамысь удмурт'ёс пöлын соку натуральной хозяйство вылэмез адзиськом.

Соловьевлэн веросэз удмурт'ёслэн вашкала ар'ёслэн улэмзы-лэн ог пал сэрегеныз тодматэ, эксэй зибетлэсь секытсэ возматэ, соку но гуртын кулаклэсь бадзым'яськемзэ син азе пуктэ. Вуж улонэз умой валаны та верос юрттэ.

---

## Калык кылос.

Чеберлыко кылбур-верос'ёсыз ог'я басьтыса чеберлыко литература шуиськом. Со сяна, калык кылос вань на. Литература со — гожтэм кылбур-верос'ёс. Кылбурез, веросэз кыче ке автор гожтэ но сое печатать каро, озьы лыдзись доры вутто. Сыче гожтэм маеке сю пол но выльысь печатать карыны луэ. Кызы ке авторен нырысь гожтэмын вал, озьы ик ялам вош'яськытэк потылэ. Калык кылосэз но кыче ке нимаз мурт'ёс ик азьло кылдыт'яло. Нош со кылосэз соку ик гожтысь уг луы, печатать но каремын уг луы. Кылос ымысь ыме, кылысь кылэ пыре-потэ. Огезлэсь мукетыз аядми кылэ но ачиз сое куинетйезлы, нылетйезлы вера. Веран дыр'яз, кылосэз интыен-интыен ас сяменыз тупат'я — кытйэз вакчиятэ, кытияз ватса, геройёслэсь нимзэс воштылэ. Бубызылэсь кылэм кылосэз пинал'ёсыз асьсэлэн пинал'ёссылы верало. Озьы, улэм-вылэм вошкылэм'я, азьлань мынэм'я кылос но туссэ пумен ялам воштылэ, куддыр'я выжы луись кылослы матын но уг тупа ни.

Калык кылос улыз но, улэ но чеберлыко литератураен артэ ик. Нош кылослэн данлыкез, кулэлыкез азьло ар'ёсын кадь өвёл ни. Туала ар'ёсын выль кылдылись кылос'ёс вань. Сыче кылос туннэ улэмез, ужез пус'е. Тросэз соос кема уг уло, улон азинскем'я вуныло. Тужгес лэчыт'ёсыз, умойёсыз гинэ вуноктэм луо, уг ышо, уг биро, уно калыклы тодмо луо.

Кылос'ёс калыклэн кылдытэмез ке но шуиськом, нош калык пушкын социальной класс'ёс вань, интерессы соослэн одиг кадь өвёл, пöртэмезь. Соин ик, кылосэз сэрттыса-пертчыса эскерон дыр'я, умой эсэпланы кулэ — кыче класслэн кылдытэм кылосэз со, кыче дырын, ма вадескын потэмын. Кулаклен, куанарлен, фабрикантлен, пролетарлен — ваньмызлэн асьсэлэн нимаз-нимаз калдытэм кылоссы вань. Удмурт'ёс пöлын кулак'ёс, вузчиос вал бере, удмурт калык кылосэз ог'я ум бастыське, сое класс'я ёзнаськом.

## Пословицаос.

Вераськон куспья кыл пушкы пословицаос пырало. Вакчиесь, лэчытэсь веран'ёс со. Вормонтэм, бад'ым уж сярись веран дыр'я „зарезез кобыен уд омырты“ шуо. Муртлен кужыменыз, дасен улыны яратисез „со мурт кыин тылэз кырма“ шуо.

Пословица улон-вылон бордысен, адямилэн эскериськемысь-тыз кылдэ. „Няньтэм валэн кыдэке уд мын“— шуэ крестьян, зеч сюдымтэ валлэсь жоген жуммемзэ адзылыса. Чеберлыко кылбур-верос'ёсын лекос лэчыт веран'ёс но туж чем дырья пословица кылдо, вераськон кыл пушкы юн мертчыса, кемалы интыясько.

Котькудиз социальной класс ас понназ, аслаз малпамет'я пословицаос кылдыт'я. Ассэ вылтйясь кулак куанерлы „курегез пуз уг дышеты“ шуэ, „шырлэн каргамез кочышлы уз усы“ пе. Со ик ёрмытэм калыксэ буйгатыны выре: „чидан чигымтэ, чиданы кулэ“.

Ёрмыса улысь мурт, кулаклы дунтэмен ужаны мед'ясыкыса, яке пёл тырон вылысь пунэмасыкыса, „висьымтэ йырам кышет думи“ шуэ. „Валэз, кулэм бераз но, кортнаны кулэ“ — шуса, верало та виысь раскулачить карем кулак сярэсь. Кулак мылкыдзэ уг вошты, та дырья со колхозлы кас'яське. Соин ик, шуо „пунылэсь быжзэ чогыса ыж уд кары“.

Чурытасыкысь мурт сярэсь „чиньызэ вандыса вирыз уз поты“ шуо. Вуж кабан'ёс возылысь крестьянлэсь „шыр'ямзэ шыр сиылыз“

## Мадиськон'ёс.

Мадиськон (загадка) но, пословица сямен ик, вакчи веран кылос. Мадиськонэз пословица бордысь вис'яны кулэ: пословицаен верамез валаны лякытгес, мадиськонэз валаны вылысь визез бергатано.

Басьтом „корка сигын лыз бугор“ шуэмеz. Лыз бугор ним улын дыдык сярэсь верамын. Дыдыклэн быгылесэз бугорен чошатэмын,

Одиг вышкылэн сю эгесэз.

Пеймыт гуын сяла погыллыське.

Корка йылын кузь пыдо дуры.

Додыез кошкоз, бурдэз кылэз.

Думет йылын вал куаёз.

Вылыз тоды, пушкыз сьод.

Ошлэн мусэз сиыса уг быр.

Пукоз пукоз, вужерез уз лу.

Ог сурым кенерез сэрттыса быттод, кутыны уд быгаты.

Нылез чапке, сюрсэз эктэ.

Суйтэм-пыдтэм вылэ тубе.

Одиг бекчеын кык пөртэм сур.

Йо улын кустэм кион кечыллыське.

Одиг гуын дас кык гондыр.

Вөлдэт вылтй горд кеч'ёс ветло.

Валлэсь жужыт, парсылэсь лапег.

Губырес кышно лудэз котыртэм.

Котрес ке но, толэзь өвёл, вуж ке но, веник өвёл.

Липет йылын палкуас нискыла.  
Корка йылын пал суқыри нянь.  
Корка сэрегын пуж ошемын.  
Пыдэстэм вышкыын сйль сылалтэмын.  
Луд шорын пумтэм-йылтэм гозы кыскемын.  
Одиг шырлэн кык быжыз.  
Из корка улысь лымы усе.  
Лек кышно борды йётскыса бёрдод.  
Тыл ке но өвёл, сутэ.  
Мынод-мынод, пумаз уд вуы.  
Ачиз кылтэм — вераське.

*Тодон'ёс:* Кабан. Гур чужон. Кочо. Ву кошке, яр кыле. Черсон черс. Мур'ё. Чаг кесем. Вал пыд но вал быж. Чын. Курегпуз. Гурысь нянь суқыриос. Кутэс. Таракан'ёс. Энер. Сюрло. Сяртчы. Йыр сынам. Толэзь. Чонари вотэс. Зундэсысь чиньы. Кенер. Кут гозы. Пызь изон. Сугон. Пушнер. Сюрес. Гожтэт.

## Выль такмак'ёс.

Сьёд дарали катанчие  
Кизилиос пиштыло.  
Веськрес чебер пионер'ёс  
Сяртчы кадесь будыло.

Лёс кор вылам культо тыри,  
Кабан сюрны дасяса.  
Туэ комсомолэ пыри,  
Визь люканы малпаса.

Улмопулэн сяськаосыз,  
Пужмер кадь ик тӧдьыесь.  
Выль мылкыдо нылпиосыд  
Мусоесь но визьмоесь.

Комсомолэ гожтыськи но  
Вӧсяськемысь мон дугди.  
Азьвыл луса ужам поннам  
Туэ салам мон басьти.

Милям гуртмы гурезь йылын  
Жильыр бызись шур дурын.  
Комсомолец'ёслэн мылкыд  
Ударной ужан вылын.

Гужем шулдыр возьвыл'ёсын  
Пӧртэм чебер сяська вань.  
Урод картлэсь люкиськыны  
Выль закон'ёс туэ вань.

Тоды кышет, апай, эн дум,  
Уин тоды адзиське.  
Со Лёгорен йырде эн дум,  
Узыр'ёсын кушлаське.

Чык-чык шуэ чуж учыпи,  
Пуксён ньорез векчийсь.  
Ой-ой шуэ узыр нылпи  
Майбыр дырыз ортчемьсь.

Чуж-чуж зундэс, чиньысьтым  
Ышиз ке но, жаль овёл.  
Узыр пины апае бызиз,  
Бордиз ке но, жаль овёл.

Жингыр-жингыр ез куараед  
Юбо кузя шуккиське.  
Выль улонлэсь сизэ-данзэ  
Дунне вылэ вёлмытэ.

Чагыр инын жужась шунды  
Льоль тус'ёсын пиштылэ.  
Милям ог'я ужам ужмы  
Улон азез выльдылэ.

Малы уже секыт потэ —  
Машинатэк ужасько.  
Малы сокем сюлмы путэ —  
Выль улонлэсь кылисько.

Сьод нюлэскын пёртэм писпу  
Куазь шуньт'я вожектэ.  
Нунал будись-юнмась колхоз  
Узыр'ёсыз куашкатэ.

Сьод му вылэ сизыйыр кизим  
Дэмен валмес сюдыны.  
Туэ коллектив кылдытим  
Ужмес валче ужаны.

## Такмаклэн кылдэмез но кулэлыкез.

Такмак, музон сямен частушка, та дырья калык пушкын  
туж паськыт вёлскемын.

Такмак со вакчи гинэ кырзан, ньыль стихен (чурен) луылэ.  
Нырысез чур куннетйеныз рифмазы ласянь тупа, кыкетйез — ньы-  
летйеныз.

Чильтыр-чильтыр ошмес вуэд  
Вожой шуре ёрьяське.  
Таза выжыо сезыед,  
Зарни кадъ ик, сырьяське.

Такмаклэн ритмез вакчи гинэ, туж чупырес, чем. Сое егит'ёс  
ульчаети чош вамыш'яса, гармонён шудыса кырзало. Такма-  
кез кырзам'я экто но.

Мадиськон'ёс но пословицаос сярысь, такмак шуон калык  
кыло берлогес кылдэмын. Промышленность жоггес будыны  
кутскем дырысен, гурт'ёсын но сельской хозяйстволэн тусэз  
воштыське, калыклэн но уж котырын кусыпез мукет луэ. Карен  
гурт куспазы вузкаронэз паськытато. Гурт'ёсысь начар'ёсыз  
крестьян'ёс завод'ёсы, кар'ёсы ужаны ветлыло.

Соку адами улонлэн трос пёртэмесь луэменыз пумиськылэ,  
улонлэсь котькыче азьёссэ уногес адзе. Чем вошкылись тодэм-  
валам'ёссэ со вакчиесь кылбур'ёсаз пыртэ. Кузь кырзан'ёс же-  
гытэсь, сое кылдытыны кема, кырзаны но кема. Сюлэмаз пычам  
выль мылкыдзэ адами такмакен сэрыт вера. Улонлэсь кылэнтэм  
понна выль но выль кырзан'ёс кулэ луо, такмак'ёс но вош'ясь-  
кыло. Вакчи кырзанэз кылдытон жоген быга.

Такмак'ёс улон-вылонэз пёртэм-пёртэм дун'яло. Туала ар'ёс  
кулаклясь мылкыдзэ соро, со тазы кырза:

Туала зор'ёс векчи зоро,  
Векчи ке но пычатэ.  
Туала ар'ёс секут лыктиз:  
Кырзатэ но бёрдытэ.


Гурт'ёсын колхоз'ёс пасьтана вёлскем'я, куанер'ёс гуртэн  
тод'яськись кулакез погыртыны быгато ини. Пужым кадъ юн  
сылысь кулакез революцилэн сильтёлэз мекалтэ. Гуртын табере  
колхоз кужмояське.

Мур нюк дурын бадзым пужым,  
Сильтёл сое погыртэм.  
Колхозын нош бадзым кужым  
Ужез жоген бугыртэ.

Дунне шоры, улон шоры социальной класс'ёс котькудиз ас  
синмынызы учко, кырзано такмаксэс ас мылкыдзыя кылдыто.

Вакчи, лэчыт кыло такмакез, муртлэсь кырзамзэ кылыса,  
котькинлы сое аслыз тодыны капчи. Собере со шулдыреныз но  
синмаськытэ. Озы бере, туж сак луыны кулэ — кулаклен но  
музон'ёсызлэн сыче классовой тушмон'ёслэн кырзанзы трудовой  
калык пушки медаз пыча.


Пролетариатлэн, куанер крестьян'ёслэн кылдытэм такмак'ёс-  
сылы паськыт сюрес сёгоно. Совето писательёсмы но тавиысь  
сыче такмак'ёс гожтыло. Таосыз такмак'ёс тушмонэн нюрьясь-  
конлы, социализм лэсьтонлы кужым пыртыны юртто.




*[Faint handwritten mark]*

*[Faint handwritten mark]*

*[Faint vertical text along the right edge, possibly bleed-through from the reverse side]*





4222

УДМУРТА

3-774

---

Д. И. КОРЕПАНОВ  
УДМУРТСКАЯ ЛИТЕРАТУРА  
УЧЕБНИК ДЛЯ СРЕДНЕЙ ШКОЛЫ  
5-го класса

---

На удмуртском языке

Дурыз 1 м. 70 к., переп. 30 к.

---